

菩薩地持經卷第一

行

北凉中印度三藏無識於此戒持

菩薩地持初方便處種性品第一 第二十八品

敬禮過去未來世現在一切佛世尊
有十法具足菩薩道摩訶衍攝去何
為十一者持二者相三者異四者淨
心五者住六者生七者攝八者地九
者行十者安立云何名持菩薩自種
性初發心及一切菩提分法是名為
持何以故菩薩依種性必定堪任阿
耨多羅三藐三菩提是故種性名必
定持菩薩依初發心修行檀波羅蜜
尸波羅蜜羼提波羅蜜毗梨耶波羅
蜜禪波羅蜜般若波羅蜜修此六波
羅蜜功德律儀智慧律儀菩提分法
是故初發心名為菩薩行方便持菩
薩依行方便滿足阿耨多羅三藐三
菩提是故行方便名為大菩提持非
種性人無種性故雖復發心勤精進
必不究竟阿耨多羅三藐三菩提是
故當知雖不發心不修行方便猶得
名為種性持若有菩薩種性而不發

心不修行方便不能疾成阿耨多羅
三藐三菩提有菩薩種性發菩提心
勤行精進則能疾成阿耨多羅三藐
三菩提又種性名為持名為長養名
為因名為依名為攝名為導名為覆
如種性發心行方便亦如是云何為
種性略說有二一者性種性二者習
種性性種性者是菩薩六入殊勝展
轉相續元始法亦是名性種性習種性
者若從先來修善所得是名習種性
又種性名為種子名為界名為性又
不習者果細果遠習者果廣果近菩
薩成就種性者出過一切聲聞辟支
佛上何以故有二種淨一者煩惱障
淨二者智障淨二乘種性煩惱障淨
非智障淨菩薩種性具足二淨是故
一切最勝最上復有四事勝於一切
聲聞緣覺一者根勝二者道勝三者
巧便勝四者果勝菩薩性自利根緣
覺中根聲聞軟根是名根勝聲聞緣
覺但為自度菩薩不介自度度彼是
名道勝聲聞緣覺唯能了知陰界諸
入十二緣起是處非處及四真諦菩

地持經卷第一 第二十八品

薩巧便悉能了知一切諸法是名巧
便勝聲聞得聲聞菩提緣覺得緣覺
菩提菩薩得阿耨多羅三藐三菩提是
名果勝有六波羅蜜是菩薩種性相
今諸眾生知是菩薩云何為六謂檀
波羅蜜乃至般若波羅蜜檀波羅蜜
菩薩種性相者是菩薩性自樂施於
彼受者以所施物等施不憚於諸財
物若多若少等心惠施歡喜無悔若
無所施心常慚愧常為他人歎施功
德勸令行施見有施者心常隨喜於
諸尊重者宿福田應供養者捨所坐
處恭敬奉施若有人問今世後世如
法事者悉皆為說若有王賊水火惡
知識怖隨力所能施以无畏受他寄
物未曾憂違若負人債終不扭捍凡
弟分財平等無二於諸珍寶深愛著
者教令離貪尚教他離况自貪著性
於好財能捨受用樂修勝業報利
多於諸酒色歌舞倡伎種種變現一
切戲事常生慚愧能速遠離得大財
寶猶不貪著何況小利如是等比是
名檀波羅蜜菩薩種性相

地持經卷第一 第三十品

尸羅波羅蜜菩薩種性相者是菩薩身口意業性自柔軟不增惡行不樂煞生設作惡業心生慚愧能疾悔除不令增長不以刀杖恐怖衆生體性仁賢常懷慈愛恭敬尊長奉迎供養善知機宜所作巧便善隨人心言常含笑舒顏平視先意問計知恩報恩所求正直不偽不曲受如法財不為非法性常喜樂修諸福德見人修福尚以身助況復自為若有衆生更相殘害打縛割截毀訾呵責有如是等无量衆苦若見若聞心常憐愍重令世善及後世樂於輕罪中心常恐怖況餘重惡而不畏慎若見他人農商放牧書數算計和合諍訟求財守護出息施與暫烟集會如是一切如法事中悲與同事聞亂諍訟互相恐怖若自若他無義无益如是一切不與同事善能遠割十不善道若為他使隨順其教已所宜行諮訪明哲於諸事業廢我成彼常懷悲惻不與惡害設令蹇起尋即除滅恒修實語不誑衆生不離他親及無義語言常柔軟

無有惡惡於已僮僕尚不虛言況於他人於諸功德心常愛樂見人行者隨之讚善如是等比是名尸羅波羅蜜菩薩種性相

羼提波羅蜜菩薩種性相者是菩薩性自柔和若遇他人不競益事不起志害无反報心若他悔謝即受其懺不懷結恨無復餘想如是等比是名羼提波羅蜜菩薩種性相

毗梨耶波羅蜜菩薩種性相者是菩薩性自精進夜起夜寐不樂習者眠睡偃卧凡所作事精勤不捨能善思惟要令究竟剗始造善必定堅固事若未成終不中廢於第一義心不退

浸不自輕言不能成辦於所作事堪能勇猛入諸大衆摧伏邪論善能酬答一切難問諸餘苦事悉能堪耐大方便力終不憂悔何況小事如是等比是名毗梨耶波羅蜜菩薩種性相

禪波羅蜜菩薩種性相者是菩薩於法於義性善思量無諸亂想若見若聞山巖林藪離諸憒亂隨順寂默即生念言是處安樂是處遠離尋往其

所勤加修學是菩薩性薄煩惱陰蓋輕微至遠離慮思量已利不為惡覺之所惱亂或時蹇起尋即除滅於怨憎所常起慈心況復餘人若見若聞衆生受苦即起悲心隨力方便度令離苦性樂饒益安樂衆生或有親屬錢財煞縛駭擯如是等難悉能安忍能速受持諸法深義念力成就所受專諦久遠所修悉能憶持亦令他人憶念不忘如是等比是名禪波羅蜜菩薩種性相

般若波羅蜜菩薩種性相者是菩薩於一切明處一切智處生慧成就不煩鈍不薄少不愚癡諸放逸廢忘能思量是名般若波羅蜜菩薩種性相是菩薩種性虛相我已略說諸餘實義唯佛世尊能決定知種性菩薩具足如是性功德者成就真實白淨之法是故名難得名為奇特名為不可思議名為不動名為无上名為如來住處正因相應

種性菩薩成就白淨法者不為四種煩惱之所漂汙若漂汙者白淨之法

不現在前或生惡道種性菩薩久處生死或墮惡道墮惡道者疾得解脫雖處惡道不受大苦如餘衆生入地獄者若苦觸身即能歇離見他受苦能起悲心如是種性為大悲因是故菩薩雖墮惡道勝餘一切惡道衆生云何四種煩惱一者久習放逸煩惱數利二者愚癡習惡知識三者尊主王賊怨敵所迫不得自在其心迷亂四者衆具不足常憂身命

種性菩薩復有四法不得阿耨多羅三藐三菩提云何為四一者本元善友諸佛菩薩善說法者二者雖值善友佛及菩薩善說法者而謬受學三者雖值善友佛及菩薩善說法者不謬受學而不勤方便不熾然精進四者雖值善友佛及菩薩善說法者勤修方便而善根未熟莊嚴未備久遠已來心不調伏菩薩雖有菩薩種性因緣不具不能得成無上菩提雖是四法疾得阿耨多羅三藐三菩提若元善種性雖有一切諸方便行終不得成無上菩提

地持經卷第二 行

菩薩地持方便廣發菩提心品第二
菩薩初發心是一切正願始能攝受一切正願是故初正願為自性願菩薩發心而作是言我當求無上菩提安立一切衆生今究竟元餘涅槃及如來大智如是發心求菩薩道是故初發心名為求行菩薩緣於菩提及緣衆生而發心求是故初發心攝受一切菩提善根為上導為極巧便為功德具足為極賢善為極真實於一切衆生悉捨惡行於世間出世間正願為上無上如是當知初發心有五相一者自性二者行三者緣四者德五者勝初發心菩薩名為度大乘菩提諸菩薩數是故初發心度之所攝發是心已漸得阿耨多羅三藐三菩提是故初發心是菩提根本發是心已見諸衆生受無量苦而起悲心欲度脫之是故初發心是大悲所依依初發心建立菩薩菩提分法及衆生所作菩薩所學悉能修習是故初發心是菩薩學之所依如是初發心名為攝名為根本名為依

地持經卷第二 行

初發心菩薩有二種一者出二者不出出者從初發心乃至究竟終不退轉不出者則有退轉退有二種一者究竟退二者不究竟退究竟退者退已終不復起菩薩之願不究竟退者退已還起

初發心菩薩有四種緣四種因四種力云何四緣一者善男子善女人若見若聞諸佛菩薩有不可思議神通變化彼見聞已即發是念是為大事不可思議能為如是諸變化事以此見聞為增上緣故樂佛大智發菩提心二者雖不見聞如上神變聞說法者讚歎菩提及菩薩截聞則欣慶歡喜信樂以此聞法為增上緣故樂佛大智發菩提心三者雖不聞法見法滅相而作是念元量衆生當遭大苦菩薩住世則能除滅我今當修菩提之道護持正法為諸衆生滅元量苦以護法為增上緣故樂佛大智發菩提心四者不見法滅見惡世衆生為十煩惱之所惱亂一者愚癡二者無慚愧三者怪嫉四者苦惱五者穢汙

地持經卷第九 行

六者煩惱七者惡行八者放逸九者懶怠十者不信見已作是念大濁世起於此惡世尚不能發二乘之願況能志求无上菩提我當發心亦令他發以濁世中發心難得為增上緣故樂佛大智發菩提心

云何四因一者種性具足二者諸佛菩薩善友所攝三者起大悲心四者生死苦難行苦如是久遠无量諸苦於此衆苦心不怖畏種性具足者所謂無始法舍善友所攝者有四事一者善友不愚不鈍慧慧不邪二者不教人放逸亦不以放逸之具授與他人三者不教人惡行亦不以惡行之具授與他人四者終不斷人上信上欲上受上精進上方便上功德令其退下不以下信下欲下受下精進下方便下功德授與他人所謂斷无上大乘令學二乘斷修慧與思惠斷思慧與聞慧斷聞慧與福華斷戒與施如是等斷上功德令其退下以下功德授令修習起大悲心者有四事或有世界有苦惱處或有世界无有苦

地持經第一卷 第十行

惱菩薩生於有苦惱處見他受苦或自受苦或見俱受或見生死長久更無間苦菩薩依自種性自仁賢於四境界起下中上悲於無窮生死元開大苦心不怖畏者有四事一者性安隱勇猛二者智慧專修思惟三者於無上菩提起增上樂四者於諸衆生發增上悲云何四力一者自力二者他力三者因力四者方便力菩薩自力發菩提心是名自力因他發心是名他力先習大乘相應善根今少見佛及諸菩薩或少聞歡說則便發心是名因力於現世中近善知識聞其說法能修衆善是名方便力

菩薩以四緣四因自力因力發菩提心者堅固不動決定究竟他力方便力而發心者不堅固動轉不定菩薩有四事退菩提心云何為四一者種性不具足二者惡知識所攝三者於諸衆生悲心微薄四者於生死苦生怖畏心

地持經第一卷 第十一行

屬想二者无攝親屬之過攝親屬過者受親屬故心生愛惠初發心堅固有二事於諸衆生起真淨心一者安隱心二者快樂心安隱心者為諸衆生除不善處安置善處快樂心者貧乏衆生无所依怙能以攝法等心饒益初發心堅固有二方便一者淨心方便二者道方便淨心方便者彼安隱心快樂心日日增長道方便者自於日夜成熟佛法隨其力能使淨心方便安樂饒益一切衆生

初發心堅固有二門善法所入一者自利方便發菩提心二者他利方便滅除衆苦

初發心堅固有二事發心成道所攝善法出勝一切所攝衆善一者因勝二者果勝被菩提因所修善法是名因勝无上菩提是名果勝勝於一切聲聞緣覺是故菩薩因果殊勝初發心堅固有二種利益一者發是心已即為一切无量衆生而作淨施專重福田二者攝取純淨福德成就淨福者二轉輪王福德所護若則若覺不

地持經第一卷 第十二行

為惡獸惡鬼神等之所惱害在所生
處少病无病若說法時身不疲倦心
不忘失性種性菩薩身口意惡性自
微薄既發心已轉復輕微若他所用
無驗呪術菩薩用之悉皆神驗已能
成就隨順上忍能忍他惱亦不惱他
見人相惱心生憐愍瞋嫉隱覆幻偽
詭曲諸上煩惱皆悉微薄設起速滅
在所住處无諸恐怖聞諍飢饉非人
所惱如是諸難未起不起設起速滅
發心菩薩或生惡道速得解脫受苦
微少疾生歇離於餘衆生能起悲心
純淨福德之所護故成就如是等無
量淨福

菩薩地持方便處自他利品第三

云何菩薩行略說諸菩薩所學如學
而學總說是菩薩行菩薩於何處學
學有七處云何為七一者自利二者
利他三者真實義四者力五者成熟
衆生六者自熟佛法七者無上菩提
云何自利他利自利他利略說十種
一者純二者共三者安四者樂五者
因攝六者果攝七者此世八者他世

地持經卷第十三流行

九者畢竟十者不畢竟純共自他利者
有二種一者純自利二者純他利違
菩薩道者應知應斷順菩薩道者應
當修學為已樂故求財自用為秘法
故求佛經法守護執持為生天故受
持禁戒精進禪定智慧等法為世間
貪果故供養佛塔為貪利故作求利
相為欺彼故无緣自說種種功德貪
他親附非法攝受自住禪樂捨為衆
生是名純自利應知應斷布施忍辱
悲心為首迴向菩提及欲生天是名
自利共他應當修學除如是所說餘
純自利相違者是名自利共他純他
利者無因无果邪見布施犯戒違道
為他說法自度下地而以下地淨法
授與他人菩薩捨禪願生欲界自在
菩薩十方世界種種變現教化衆生
如來畢竟力無所畏不共之法利益
一切无量衆生是名純他利前所說
二種純他利應知應斷餘純他利應
當勤學除如是所說餘純他利相違
者是名他利共自

地持經卷第十四流行

二者攝受相三者此世四者他世五
者寂滅菩薩所攝善根若多若少修
習成就亦以此善成就衆生調伏連
立是名無罪相安自他利菩薩以離
汙汙樂衆具樂住禪樂饒益自他是
名攝受相安自他利菩薩有此世安
非他世有他世非此世有此世他世
有非此世非他世此四種受四種法
次第隨其所應云何為四有法現世
受樂他世受苦有法現世受苦他世
受樂有法現世受樂他世受樂有法
現世受苦他世受苦是名此世他世
安自他利涅槃及涅槃道涅槃分世
間法出世間法是名寂滅安自利他
樂自他利者略說五種一者因樂二
者受樂三者苦對治樂四者斷受樂
五者無罪樂因樂有二種一者情塵
觸因緣故樂受生二者今世後世受
果樂是名因樂衆苦息已思惟三種
因樂起身心受是名受樂受樂有二
種有漏及無漏无漏者學無學有漏
者三界繫欲界色界无色界彼一切
三界隨其所應六入分別眼觸因緣

地持經卷第十五流行

乃至意觸因緣生五識相應名為身受意識相應名為心受寒暑飢渴種種苦惱已起未起對治令息息已樂知生是名苦對治樂滅受想定是名斷受樂無罪樂者有四種一者出家樂二者遠離樂三者寂滅樂四者菩提樂信家非出家學道解脫種種在家之難是名出家樂斷欲惡不善法得初禪離生喜樂是名遠離樂二禪為首貴觀止息是名寂滅樂一切煩惱究竟滅於一切法如實覺知樂是名菩提樂因樂者是樂因非自性受樂者非樂因是自性對治樂者非樂因非自性而是息苦除苦斷受樂者非樂因非自性非除苦而所有受是真實苦隨住定時是受滅無罪樂所攝寂後菩提樂未來現在一切煩惱究竟滅諸餘無罪樂於彼隨順是名無罪樂

地持論卷第一 第十六行

彼雖憂苦不欲去之以方便力要為除斷何以故以後必得樂故

是菩薩欲眾生安者欲令得樂與其安者亦欲與樂安者謂因處樂者謂果處是故當知樂眾生者必先安之彼愛果業今世後世因樂所攝及苦對治樂斷受樂無罪樂決定以此饒益眾生亦名為攝亦名無罪受樂及情塵觸因樂是淨行有罪不安隱者不以饒益教令除斷若非淨行無罪安隱者以此饒益一切眾生菩薩亦常隨力自行是名菩薩安樂自他利因攝果攝自他利者略說三種因三種果報因報果福因福果智因智果云何為報報有八種一者壽具足二者色具足三者種性具足四者自在具足五者信言具足六者大力具足七者人具足八者力具足長壽久住是名壽具足顏容端政是名色具足生於上族是名種性具足得大財大衆大眷屬是名自在具足斷事聽訟創作法度受與寄付悉從取正凡所出言人所信伏是名信言具足有

地持論卷第一 第二行

大名稱大方便大智慧種種技藝為人肝重大衆恭敬尊重讚歎是名大力具足成就丈夫法是名人具足少病少惱有所堪能是名力具足

云何報因不害眾生無傷害心是名壽因施燈明淨物是名色因捨離慍惕是名種性因衆具惠施是名自在因離口四過是名信言因攝諸功德立大捨願供養三寶及諸尊長是名大力因樂丈夫法歡女人法說丈夫法饒益他人教令默離女人之法是名人因衆生所作如法事中隨其所能悉往營助是名力因如是八種是名報因略說報因有三種勝令報增上一者心淨二者方便淨三者福田淨淨心怖望无上菩提迴向善根漸漸增長信樂修行勝妙純善見人行者心生隨喜日夜念念隨順正法隨覺隨觀是名心淨長夜修習精勤無間復以此法轉授他人見有授者隨喜讚善見彼受行隨順訓導亦以此法而自建立是名方便淨略說方便正起方便果是名福田淨

地持論卷第一 第十八行

云何報果菩薩壽具足故久修善法
令諸衆生成就善報是名壽具足果
菩薩色具足故大衆愛樂衆愛樂故
悉共宗敬樂聽所說是名色具足果
菩薩種性具足故衆所敬重供養讚
歎言必受行无所違犯是名種性具
足果菩薩自在具足故布施普攝成
就衆生是名自在具足果菩薩信言
具足故常以愛語利益同事攝取衆
生化令成就是名信言具足果菩薩
大力具足故衆生所作悉能營助衆
生知恩咸來歸仰凡出言教即皆承
用是名大力具足果菩薩人具足故
男相成就堪為一切功德法器於一
切方便一切知見得無所畏於一切
時自在遊處一切衆生往來同事人
間曠野隨意無尋是名人具足果菩
薩力具足故精勤方便堅固方便速
疾方便修善无厭攝人不倦是名力
具足果菩薩以此八種報果饒益衆
生自熱佛法隨順功德善善住是報
果令諸衆生作所應作衆生隨教各
修所願若菩薩雖自有力而彼不從

地持經卷第九 行

不名利他若自無力而受化者順亦
不名利他若自有力受化者順是二
具足則能兼利菩薩具足二法能自
行佛法以三乘法成就衆生能自究
竟无上菩提衆生熱者令得解脫是
故菩薩住八種報果乃能安樂一切
衆生一切衆生無際生死從本已來
空元義利悉令不空獲大果實
云何為福云何為智檀波羅蜜尸羅
波羅蜜羼提波羅蜜是名為福般若
波羅蜜是名為智檀波羅蜜毗梨耶
波羅蜜各有二分一者福分二者智
分依修故修四無量等是名福分依
修故修陰界入巧便處非處巧便觀
若習滅道善不善法有罪無罪法下
法上法垢法淨法及諸緣起皆能如
實分別觀察是名智分依精進故修
行施戒四无量等是名福分依精進
故修聞思修惠陰巧便等如前說是
名智分如是福智略說六種廣說則
无量云何福因智因福因智因略說三
種一者得長養福智方便處欲二者隨
順近緣三者本習福智近緣者不住

地持經卷第九 第三 行

顛倒緣住不顛倒緣習近惡知識則
說福智倒念倒受是名住顛倒緣與
此相違淨分名住不顛倒緣離長養
福智方便處欲障不起是名為近此
三因不具者福智不生
云何福果智果菩薩依福故為諸衆
生於元窮生死備經衆苦隨其所欲
攝取衆生菩薩依智故攝受正福種
種巧便為諸衆生乃至無上菩提如
是略說福智有四種果廣說則无量
若報若報因若報果一切依福起福
依智起智此二具足最勝最上得无上
菩提若福智不具終不能得是名菩
薩因攝果攝自他利云何此世他世
自他利現修福業獲如法財宿善因
緣今受果報善能轉轉住此世樂依
於此世為利衆生依於諸禪現法涅
暎如實世間出世間向現法涅暎有
為法是名此世自利即以此法教化
衆生是名此世他利他世欲界身財
乃至禪無色生此世憂苦思惟修習
彼因是名他世自他利此世喜樂思
惟修身財因乃至此世退分禪无色

地持經卷第九 第三十 行

正受是名此世他世自他利

云何畢竟不畢竟自他利欲界身財有因有果凡夫世俗淨有因有果是名不畢竟自他利一切煩惱畢竟滅八正道及依此生世俗善法是名畢竟自他利畢竟不畢竟有三種一者自性二者退三者受用果盡自性者涅槃畢竟一切有為法不畢竟八正道不退受用果不盡畢竟餘善有漏法退受用果盡不畢竟是名十種自他利如是略說廣說菩薩應當隨力修學過去已學未來當學一切十種自他利是名畢竟不畢竟自他利菩薩地持方便處真實義品第四云何真實義略說二種一者實法性二者一切事法性此二法性以種分別復有四種一者世間所知二者學所知三者煩惱障淨智所行處法四者智障淨智所行處法云何世間所知真實義耶世間衆事隨順俗數知見悉同謂地即是地非水非餘水火風色聲香味觸乃至苦樂略說此物即此物非彼物如是一切決定意解

地持經卷第二十三行

所行處事世間本來自憶想知不從修習是名世間所知真實義也云何學所知真實義耶如世智人依現智比智及從師聞思量修學決定智所行處事結集建立是名學所知真實義也云何煩惱障淨智所行處法真實義耶一切聲聞緣覺無漏智若無漏方便若隨生世智修行境界於彼智緣中煩惱障淨智未來世障畢竟不起是名煩惱障淨智所行處法真實義也所謂四聖諦苦集滅道觀此四諦入無間等慧及無間等所起智慧聲聞緣覺見陰離陰我不可得諸行緣起生滅和合陰與離陰无我人性修習知見云何智障淨智所行處法真實義耶智所知是名為障彼智淨解脫智修行境界是名智障淨智所行處法真實義也所謂諸佛菩薩入无我法入已清淨於一切法離言說自性假名自性離諸妄想平等大智修行境界第一如實无上無造一切法擇永滅不起又真實相建

地持經卷第二十三行

立二種一者有性二者无性有性者建立施設假名自性久遠已來世間計著一切憶想虛妄根本所謂是色是受想行識眼耳鼻舌身意地水火風色聲香味觸法乃至涅槃如是世間假名有自性法是名為有性者色假名乃至涅槃假名无事無依假名所依一切悉无是名為無如上所說有二是二俱離法相所攝二法無有二元二者是名中道離於二邊是名無上如是真實是佛世尊淨智境界是諸菩薩所應修學若修學者名為大智方便菩薩當得阿耨多羅三藐三菩提何以故菩薩與空解脫相應在於生死如實知生死不於生死无常等行而生厭離能成就佛法利益衆生若不如實知生死者不能捨離今患癡等一切煩惱若不捨離則以染汙受諸生死以染汙心受生死者不能成就佛法利益衆生若於生死无常等行生厭離者是菩薩疾得涅槃疾得涅槃者亦不能成就佛法利益衆生云何能得阿耨多羅三藐

地持經卷第二十三行

三菩提若空解脫相應菩薩則不畏
涅槃亦不求涅槃若菩薩畏涅槃者
不能滿足涅槃道以畏涅槃故不見涅
槃功德利益不見涅槃功德利益清淨
信樂皆悉遠離若菩薩求涅槃者多
修習故疾般涅槃疾般涅槃者不能
成就佛法利益眾生若於生死不如
實知則長受生死若於生死則疾般
涅槃若畏涅槃者不能滿足涅槃之
道若求涅槃多修習者則疾般涅槃
當知是菩薩於阿耨多羅三藐三菩
提无大方便若於生死得如實知則
於生死心不染著若於生死無常等
行不厭離者不疾涅槃不畏涅槃者
則能滿足涅槃之道深見涅槃功德
利益若不勤求疾涅槃者當知是菩
薩於阿耨多羅三藐三菩提有大方
便是大方便依第一空解脫是故名
為修第一空解脫菩薩取大方便謂
向如來無上大智故

菩薩地持經卷第一

辛丑歲高麗國大藏部監奉
勅雕造

菩薩地持經卷第二

行

菩薩地持方便慶真實義品之終

復次菩薩從久遠來入無我法智離
言語自性一切法如實知已元有一
法可起妄想隨事取隨如取不如是
念是事是如但行其義行第一義已
一切法如無等等如實知見一切平
等觀平等心得第一捨依第一捨已
一切經論一切巧便悉善通達一切
苦難終不退轉其心堅固身無疲極
所為巧便得大念力於諸巧便亦不
自高法化眾生无所秘惜於諸巧便
心不怯弱有所堪能終不退減能被
具足大堅固鎧如是如是生死苦增
如是如是堪能增長无上菩提如是
如是功德轉增如是如是憍慢漸減
如是如是智慧轉明如是如是彼彼
諍訟犯戒煩惱皆悉了知知已放捨
如是如是功德增長如是如是愈更
覆藏不令他知不為利養菩薩如是
等無量福利順菩提道悉依彼智是

故菩薩已得菩提今得當得悉依彼
智非餘若劣若勝如是離虛妄菩薩
有如是等無量福利自能成就无上
佛法以三乘法利益眾生是名正趣
正趣已自於身財遠離貪愛學離愛
已復教眾生令離貪愛捨於身財等
心眾生給施所須善攝諸根學身口
律儀性不樂惡仁賢真實忍他侵逼
及諸惡行修學忍已瞋恨轉薄不惱
逼他一切明處精勤修學善為眾生
決諸疑難攝取饒益亦自攝受一切
智因內攝其心安住正受淨四梵處
造五神通一切事業悉方便學一切
巧便若立若廢終不疲厭能善觀察
第一真實能善修學第一大乘終不
願求現世涅槃如是平等究竟具足
於諸大德奉事供養於惡眾生興大
悲心隨力所能為除惡行於已熾恨
不饒益者為起慈心隨力堪任不諂
不偽安樂饒益令彼結恨過惡自滅
饒益已者以等以增知恩報恩如法
所求皆令滿足若自无力彼雖不請
要作方便心不休息令彼知我無所

遺惜是名菩薩遠離虛妄依第一實智平等方便

云何知一切法離於言說此施設假名自相諸法所謂色受想行識乃至涅槃當知假名无有自性亦不離彼有言說行處言說境界如是無有自性如言語所說亦不一切都元所有如是無所有亦非一切都元所有彼云何有有實謗實此二俱離如是有是名第一義自性離一切妄想智慧行處若法隨說有事轉者應有自性若然者一法一事應有衆多自性何以故謂一法一事有衆多名字施設故亦非多名有決定性亦非一名有自性餘名無自性是故施設假名多名一名卷元自性

復次色乃至涅槃法若隨名字有自性者要先有法而後隨意制名未有名時彼法應無自性若元自性者無事制名是義不然元名有法是亦不然若法本来自性是色然後以名字言說攝取是色若然者應離名有色彩說衆生應自知是色不待名知而衆生

地持論卷二 第三十行

無名則不知色以是故知一切諸法離言說自性如色乃至涅槃亦復如是復次有二種人壞佛正法一者若色等諸法色等諸事施設假名說自性自相於不實法妄想計著二者施設假名屢假名所依離言說自性第一實義非謗毀滅一切都無所有如前說建立不實法妄相過忘者謂於色等諸法色等諸事非實計實以是過故破壞正法又色等諸法色等諸事因緣分齊非謗毀滅都無所有破壞正法今當說色等諸法事因緣分齊非謗說言元有真實亦元假名二俱不然如士夫等陰說名為人是則可尔無事說人則不應尔如元事說人如非無事說人如是因緣分齊色等法建立假名非是元事而立假名是則應尔若但假名而無事者則元依處亦無假名是不應尔是人間難解修多羅大乘甚深空相應義於如實說一向不解作不正思惟虛妄分別以无巧便慧作如是說一切皆是假名無有真實作如是觀是為正觀是等於假名开依卷元所有假

地持論卷二 第三十行

名亦元假名既無假名真實亦元所有真實假名是二俱謗者是名都無如是說元者智慧梵行人不應共語不應共住是為自壞亦壞世間是故世尊為是事說寧起身見不惡取空何以故起身見人於所知戒不謗一切所知不因見墮於惡道不壞他信樂離苦解脫亦不作留難亦能建立真諦正法不於戒律而生憍慢惡取空者於所知戒又復非謗一切所知以是緣故墮於惡道亦壞他信樂離苦解脫亦作留難於戒慢謗實法故破壞佛法去何為惡取空若沙門婆羅門謂此彼都空是名惡取空何以故若言此空无彼性若言此空有此性是義應尔若一切無性何處何法空亦不應言此即此空何等為善取空若於此物无彼物故名為空此物不空如實知是名如實不顛倒空謂色等施設假名無有自性而色等有餘謂色等假名事因緣分齊俱如實知謂事分齊有事分齊假名分齊不立非實不非謗實不增不減不舉不下如

地持論卷二 第三十行

實如離言說自性如實知是名善
取空正智所知我以具足思量結集
說一切法離言說自性從佛所聞一
切法離言說自性今當說如佛世尊
趣有契經說偈顯示

如以種種名用說種種法此亦无有
是法法如是

此偈顯示施設假名名色等諸法以
色等名宣說諸法流通言教說色乃
至涅槃色等假名无色等自性色等
法亦無餘自性此色等假名諸法離
言說義无所有是名第一義自性法
如世尊義品說

世間集言說半是悉不著不著我能著
不起見聞者

此偈顯示以色等假名施設色等事
是名世間集言說此假名彼事无彼
自性何以故建立及謗無有此見故
无彼顛倒見是名見不著如是不著
誰能起見者於色等事若建立若謗
不起著正觀境界是名為見聽所知言
說是名為聞是故見聞不起染著於
彼緣中一切捨離是名不起見聞者

地持論卷二 第一集 行

復次佛為訕大迦旃延比丘說比丘
不依地修禪不依水火風不依空識
无所有非想非非想非此世非他世
非日月非見聞覺知非求非得非覺
非觀不依此等而修禪定云何不依
地乃至不依覺觀而修禪定迦旃延
若地地想除乃至一切一切想除比
丘如是修禪是不依地修禪乃至
不依一切修禪比丘如是修禪者釋
天大力天梵天悲來礼敬說偈讚歎
南無取勝士 南無士之上今我不知
何所依而禪

此契經顯示地等假名眾事於彼地
等施設假名是名地想又此地等想
於彼假名事若建立自性若一切毀滅
壞第一義攝受謗是名為想若除
彼想是名為斷是名為捨當知是名
從諸如來第一義師問一切諸法離
言說自性如是一切法離言說自性
者一切言說為何所應若元言語不
能為人說離言法既無說亦无聞無
說无聞彼一切法離言說自性無能
知者是故應有言說令彼聞知如是

地持論卷二 第二集 行

如實凡愚不知以是因緣起八種妄
想而生三事一切眾生器世間增一
者自性妄想二者差別妄想三者攝
受積聚妄想四者我妄想五者我所
妄想六者念妄想七者不念妄想八
者俱相違妄想是名八妄想

云何所生三事一者自性妄想差別
妄想攝受積聚妄想此三妄想是
妄想虛偽虛虛偽攀緣事由此而生
於色等假名若彼事處以名想言語
攝受增長无量虛偽常行不息二者
彼我所妄想此二妄想是身見身見
為一切見根本及慢根本我慢能生一
切諸慢三者彼念妄想不念妄想俱
相違妄想隨其所應生貪患癡是名
八種妄想生三種事所謂妄想處虛
偽事身見我慢事貪患癡事依妄想虛
偽生身見我慢依身見我慢生貪患
癡此三種事一切世間積聚分一切
熾然云何自性妄想於色等假名事
若妄想言是色是名自性妄想云何
差別妄想於此色等假名事言此是
色此非色此可見此不可見此有對

地持論卷二 第八集 行

此无對此有漏此无漏此有為此無
為如是等无量分別於自性妄想處
作差別妄想是名差別妄想云何攝
受積聚妄想於色等假名事我人壽
命衆生於彼俗數妄想於色等鏡益積
聚多法積聚攝受因起舍宅軍衆林苑
飲食衣服車乘於彼俗數妄想鏡益是
名攝受積聚妄想云何我我所妄想
若彼諸事是有漏受陰久遠積習
我我所著是故无攝受慶習自見處
事以是因緣起不如實妄想是名我
我所妄想云何念妄想於彼淨妙及
所慮事緣妄想云何不念妄想於不
淨及所不慮事緣妄想云何不念俱
相違緣妄想於彼淨不淨所喜所不
喜俱離事緣妄想彼略說有二事謂
妄想及妄想依妄想緣事此二事俱
從本來各各相因過去妄想生現在
妄想緣事現在妄想緣事生現在緣
事妄想不知現在妄想故復生未來
妄想緣事緣事生已必復生彼緣事
妄想

云何知妄想有四種求四種如實知

此等緣事二心 第七卷 行

云何四種求一者名求二者事求三
者自性施設求四者差別施設求名
求者菩薩於名名分齊觀名求如是
事事分齊觀事求自性施設自性施
設分齊觀自性施設求差別施設差
別施設分齊觀差別施設求彼名與
事若離相觀若合相觀名事合依自
性施設差別施設觀云何四如實知
隨名求如實知隨事求如實知隨自
性施設求如實知隨差別施設求如
實知云何隨名求如實知菩薩於名
名分齊求如是名如實知此名為此
事立為想為見為流布於色等假名
事不立色等名者無有能知色等事
者若不知者元思量事會無思量者
則元言說如是如實知者是名隨名
求如實知云何隨事求如實知菩薩
於事事分齊求觀色等假名事一切
言說事離言說是名第二隨事求如
實知云何隨自性施設求如實知菩
薩於色等假名事自性施設自性施
設分齊求彼自性施設此自性事觀自性
相如實知如化如影如響如幻如化

此等緣事二心 第七卷 行

中月如夢如幻觀自性相无有真實
是名第三如實知甚深義處隨自性
施設求如實知云何隨差別施設求如
實知菩薩於差別施設差別施設分齊
求是假名色等事差別施設不二觀
彼事非有性非无性言說自性不可得
亦非無性離言說自性而建立性非有
色第一義諦故亦非无色世諦有色
故如有性無性色非色如是可見不
可見一切法差別施設皆如是知此
差別施設不二義如實知是名隨差
別施設求如實知若彼八種邪妄想
愚癡凡夫生三種事增長世間彼四
種如實知不具足者彼邪妄想煩惱
起起煩惱故受生死受生死故隨生
死生老病死等衆苦增長若菩薩依
四種如實知現世知八種妄想現世知
已未來依處緣中虛偽事則不復起彼
事不起者彼未來緣中妄想不生如
是彼事彼妄想滅已一切虛偽亦滅
虛偽滅已菩薩疾得大乘大般涅槃現
世能得奇特大士行處淨智成就一
切大自在力所謂種種變化神力種

此等緣事二心 第七卷 行

種變礙神力一切智知无所罣碍隨其所欲存亡自在得如是等元量自在名一切衆生取勝無上如是一切自在菩薩成就五種上妙功德一者得第一淨心寂滅正受而不寂滅一切煩惱二者一切明處清淨知見增長无減三者爲衆生故處在生死而不疲厭四者善入如來言說言趣五者善解大乘不從他受如是五種功德爲五種業一者現世第一樂住開覺方便生身心方便疲勞悉滅是心寂靜功德之業二者成就一切佛法是一切明處清淨知見功德之業三者成就衆生是於生死而不疲厭功德之業四者教化衆生起未起疑能爲開解護持正法令得久住有相似法能滅正法者善知善說能令除滅是善入如來言說言趣功德之業五者降伏一切外道異論堅固精進正願不減是善解大乘不從他受功德之業如是菩薩一切所作皆是五功德業之所攝謂不染汙樂成熱佛法成就衆生護持正法降伏異論熾然精進正願

地持經第二卷 第二十一

不動彼四種真實義初第二是下第三是中第四是上

菩薩地持方便處力品第五

云何爲力略說有三種一者諸佛菩薩得自在三昧依自在三昧隨其所欲一切堪能是名聖力二者法有大果有大利益是名法力三者諸佛菩薩先大福德方便成就諸佛菩薩有俱生奇特未曾有法是名保生力復次此三種力以種分別諸佛菩薩有五種力一者神通力二者法力三者俱生力四者共一切聲聞緣覺力五者不共力神通者所謂六通一者神足二者天耳三者他心智四者宿命智五者生死智六者漏盡作證是名神通力法力者所謂六波羅蜜極波羅蜜戶羅波羅蜜羣提波羅蜜毗梨耶波羅蜜禪波羅蜜般若波羅蜜是名法力是諸法有所堪能故名法力云何神足略說有二種一者變二者化若以種分別則有元量云何變神足以種分別所謂震動熾然充滿示現轉作異分去來大小色像入身所住相似

地持經第二卷 第二十二

隱顯自在障他神通與辯與念與樂放大光明如是等比名變神足震動者謂佛菩薩得自在三昧能有所作震動寺舍城郭宮殿聚落田宅地獄畜生餓鬼人天及四天下千世界二千世界三千世界百三千世界三千大千世界万三千世界乃至無數三千大千世界皆悉震動熾然者身上出火身下出水身上出水身下出火入火三昧舉身洞然現種種色青黃赤白紅頗梨色充滿者身放光明充滿一舍乃至充滿元量無數三千大千世界示現者謂安坐去來現爲沙門衆婆羅門衆聲聞衆緣覺衆菩薩衆天龍夜叉乾闥婆阿修羅迦留羅緊那羅摩睺羅伽人非人等衆諸佛菩薩下至惡道上至人天皆悉示現乃至十方恒河沙刹亦復如是過无量恒河沙刹有佛名刹名悉能示現亦說彼佛及國土名号復過是數隨其所欲悉能示現轉作異分者或變地爲水即是真水如實非餘變作火風亦復如是如地水火風亦復如是

地持經第二卷 第二十三

即是非餘如四大色香味觸草木泥土變為飲食衣服瓔珞香華塗香諸莊嚴具沙磔凡石變為衆寶雪山王等一切諸山變為金色一切即是如寶非餘好色衆生變為惡色惡色衆生變為好色或好惡色變為中色或中間色變為好惡色如好惡色支節具足若不具足若肥若瘦如是等以所有自相能變其色自在无尋非一切變隨其所欲來去者石壁無尋上至梵世乃至色究竟天若來若去悉得自在周遍十方无量無邊三千大千世界若化身若應四大身若來若去亦復如是若遠近想即時往返大小者能令雪山如一微塵令一微塵如雪山王色像入身者諸沙門婆羅門一切大衆若村若城草木叢林及諸山地一切色像悉內身中時諸大衆各各自見入菩薩身所往相似者若至剎利衆如彼色像身量脩短音聲語言悉與彼同彼之所說與彼同說彼所不能為其開演廣說正法令歡喜已即於前沒不令彼知誰出誰沒

地持論卷第二 第三十行

為天為人如剎利婆羅門居士沙門衆四天王三十三天夜摩天兜率陀天化樂天他化自在天梵身天梵衆天大梵天少光天元量光天光音天少淨天無量淨天遍淨天元淨天福生天廣果天無煩天无熱天善見天善現天色究竟天亦復如是隱顯者於大衆前作百作千或復過是乃至無量然後還沒沒已復現自在者菩薩能令衆生若來若去若住若語障他神通者如來神力悉能障蔽諸餘神力亦能令現究竟菩薩一生補處除如來及等行菩薩忘能障蔽其餘菩薩除上及等亦悉能障與辯者元辯衆生能與辯才與念者於法失念能令憶念與樂者廣說正法令彼得聞隨彼身心攝取競益得止息樂離諸陰蓋專心聽法隨其時節非究竟樂四大錯亂能令調適非人所惱亦令休息放大光明者謂佛菩薩神力放光遍至十方无量世界地獄衆生苦痛休息上至諸天龍夜叉乾闥婆阿脩羅迦樓羅緊那羅摩睺羅伽

地持論卷第二 第三十一行

人非人等令見光明來至佛所他方世界諸菩薩衆悉皆來集略說十方世界元量諸佛無量光明競益安樂元量衆生是名轉變神足若以種分別則無量無數除其自性變為餘事是故名為轉變神足云何化神足略說無事化作隨其所欲悉能化現是名化神足是化多種或化身或化語化身者或似自身或不似或似他身或不似又自身他身相似不相似化作相似根及根所依非作實根又復化作相似境界謂飲食衆寶色香味觸所攝衆具一切隨意又自身相似或作一身或作無量天龍夜叉乾闥婆阿脩羅迦樓羅緊那羅摩睺羅伽人非人等種種色像人及畜生鐵鬼地獄聲聞緣覺菩薩如來如是色像隨其所應悉能化作自相似身若異自身名不相似他天身等化令相似是名他相相似化若作彼天不相似身是名他身不相相似化如天身乃至佛身亦復如是无量身者謂佛菩薩於十方無量無數世界一時化作種種

地持論卷第二 第三十二行

色像鏡益十方元量衆生佛及菩薩
雖三餘方化住如故或為衆生現
如幻或作飲食衣服車乘金銀真珠
琉璃頗梨珂現玉石如是等物一切
化現如實不異常得受用是名化身
化語者妙音具足廣音具足或從自
身起或從他身起或元所從起或說
正法或隨事教責妙音者謂佛菩薩
化作口語其聲深遠猶如雷震或復
微妙如迦陵毗伽音可樂聲悅樂聲
可愛聲如是廣化無量音聲言辭辯
正易知意聞隨順無盡廣聲者謂佛
菩薩化大音聲令天龍夜叉乾闥婆
阿修羅迦樓羅緊那羅摩睺羅伽人
非人等聲聞緣覺諸大菩薩元量衆
會乃至一由旬若內若外周遍普聞
若小千世界中千世界大千世界乃
至十方無量世界亦悉普聞為衆生
故從其自身以一音聲說無量法從
他起者化作他語為人說法除其放
逸無所從起者空中化聲猶如人語
說正法者為愚癡衆生演說正法
令得開解隨事教責者彼雖不疑但

地持經第二卷 第十八

信樂心而為放逸令生慙愧起不放
逸如是衆多略說三種化身化聲化
境界是名化神足若一一分別則有
無量如是諸佛菩薩二種神足能辦
二事一者為令衆生信樂故神足
現化令入佛法二者攝苦衆生安隱
利益
云何宿命智通謂佛菩薩自知宿命
如是衆生是我名字如契經廣說知
他宿命亦如已身自知宿命能令他
知所知衆生本同事者亦能令彼自
識宿命彼諸衆生知與菩薩昔同事
已亦復知餘衆生與已同事亦復能
令其餘衆生長轉相知宿命名字名
字等種種因緣此中應廣說從今現
在及過去世乃至元量無數劫事念
念中間巨細多少次第悉知是名諸
佛菩薩宿命智通菩薩自知宿世行
菩薩道未曾有事能為衆生開示顯
現今其敬信愛樂佛法厭離生死亦
為顯示過去因果令計常者遠離常
見謂於過去妄想常見及以斷見云
何生死智通謂佛菩薩天眼清淨過

地持經第二卷 第十九

於人眼見諸衆生死時好色惡色下
色上色乃至後生漸漸增長諸根成
熟身諸所作善不善元記天眼光明
照見悉知乃至化色天細微色一切
悉見上至色究竟天下至無擇地獄於
十方世界亦不一別相方便十方
無量無邊世界一切色像一時普觀
於彼彼佛刹彼彼如來種種大衆會
坐說法如是一切悉見無餘
云何天耳智通謂佛菩薩以天耳聞
天人音聲聖聲非聖聲魚聲細聲辨
聲不辯聲化聲非化聲遠聲近聲一
切悉聞若作有方便者上至色究
竟天若無限者乃至上方無量世界
天聲者從四天王乃至色究竟人聲
者一切四天下聲聖聲者謂諸佛菩
薩聲聞緣覺所出音聲教誡衆生所
謂示教讚喜令修善法捨不善法彼
諸衆生無染心者受誦論議如法問
難與念教誡及餘一切善語利益如
是等聲是名聖聲非聖聲者謂諸衆
生妄語兩舌惡口綺語從無擇獄上
三諸天諸方衆生種種諸聲爲聲者

地持經第二卷 第二十

謂大衆生聲大衆會聲種種苦痛迫切之聲相呼喚聲雷達聲鼓貝聲細聲者乃至耳語極微細聲辨聲者謂義理可解不辨聲者謂義理不可解如

陀彌羅國語風雨聲草木聲鸚鵡鵲鵲聲拘者羅聲命令鳥等衆鳥之聲化聲者謂神通自在隨衆生心化作諸聲述聲者除佛菩薩所住村落城邑中聲其餘乃至十方無量世界一切音聲諸佛菩薩以天眼見乃至十方身之所作淨不淨色見已方便隨宜利益以天耳聞口之所行淨不淨聲聞已方便隨宜利益是名略說諸佛菩薩天眼天耳之所作為

云何知他心智通謂佛菩薩以知他心智通知十方無量無邊世界衆生煩惱纏心知離煩惱纏心知煩惱相續煩惱使心知離煩惱相續煩惱使心知邪願心所謂外道心及貪求心知下心謂欲界衆生乃至禽獸心知中心謂色界天心知上心謂無色界天心知苦相應心知樂相應心知不苦不樂相應心一念他心智知一衆

生心隨其所念悉如實知一念他心智知元量衆生心隨其所念悉如實知復次諸佛菩薩知他心智通為種種報力種種解力種種界力至處道力漏盡力隨其所應而作方便

云何漏盡智通謂佛菩薩煩惱盡如實知謂已及衆生若盡若不盡悉如實知已及衆生漏盡方便已起未起悉如實知彼諸衆生起漏盡增上慢不起漏盡增上慢悉如實知菩薩一切漏盡如實知而不證漏盡菩薩不捨煩惱具諸有漏事常行彼事而不淨汗如是力者名取上力又佛菩薩漏盡智通自離煩惱亦為衆生廣分別說令其捨離增上慢心當作是知是漏盡智業

云何法力謂佛菩薩檀波羅蜜乃至般若波羅蜜此六波羅蜜各有四事一者對治二者成菩提具三者攝取自他四者得未來果云何布施四事一者布施對治慳貪二者成菩提具三者以施攝取成就衆生欲施善心清淨心施施已不悔三時歡喜以

自饒益是名自攝彼諸衆生飢渴寒熱疾病所湏衆難恐怖悉令遠離以此饒益是名攝他四者以是因緣在在所生得大財富得大種性得大眷屬是名布施四功德力無餘無上云何持戒四事一者受身口律儀對治犯戒二者成菩提具三者受持淨戒同利攝取成就衆生遠離犯戒怨家恐怖卧覺常安以自饒益又持戒者心不悔恨常得歡喜乃至心定諸自利事是名自攝普施衆生一切元異是名攝他四者以是因緣命終生天是名持戒四功德力無餘無上云何忍辱四事一者修忍對治不忍二者成菩提具三者以堅固忍同利攝取成就衆生自身及他度大恐怖是名自他俱攝四者以是因緣於未來世無有怨憎元別離者既無別離亦元受苦臨命終時心不悔恨捨此身已生人天中是名堪忍四功德力無餘無上云何精進四事一者精進對治懈怠二者成菩提具三者依勤精進同利攝取成就衆生精進樂住離諸

惡法功德增長歡喜悅豫以自饒益
是名自攝精勤修善不以身口恐怖
衆生衆生見已亦樂精進是名攝他
四者以是因緣於未來世能成大人
奇特功業是名精進四功德力元餘
無上云何禪定四事一者禪定對治
煩惱言語亂覺喜樂色想煩惱悉滅
二者成菩提具三者依諸禪定同利
攝取成就衆生住現法樂以自攝取
其心寂靜離於貪欲是名自攝於諸衆
生不瞋不惱是名攝他四者以是因緣
於未來果報生於天上智惠清淨神通
清淨是名禪定四功德力無餘元上云
何般若四事一者智惠對治無明二
者成菩提具三者布施愛語利益同
利攝取成就一切衆生於所知事隨
義了知勝妙饒益歡喜悅豫是名自
攝普為衆生巧便說法令得今世後
世安樂是名攝他四者以是因緣攝
取一切平等善根於未來世除障作
證所謂煩惱障及智惠障是名智惠
四功德力元餘無上是名法力
云何諸佛菩薩俱生力性識宿命利

地持經卷第二十五 行

益衆生思惟長夜無間大苦悉能堪
忍饒益衆生衆生愛樂其心隨喜生
死率天隨壽命住有三事勝蔽諸天
人一者天壽二者天色三者天名稱
生母胎時奇特光明充滿世界正知
入胎住胎出胎生墮地時即行七步
舉手而言吾當於世為元上尊天龍
夜叉乾闥婆阿修羅迦樓羅緊那羅
摩睺羅伽等以天香花伎樂幢幡種
種嚴飾而為供養三十二相以自在
嚴為最後身諸魔怨惡所不能壞坐
佛樹下慈心伏魔一支部有擲羅
延力從初弱年為童子時一切術藝
種種技能自然巧便不從師受坐于
道場菩提樹下無師自然成等正覺
梵王來下勸請說法雷震震擊發大
音聲不能動亂如來正受惡獸親附
隨順無畏諸衆生類悉皆供養如彼
獲猴奉進香蜜世尊哀受歡喜舞
神龍降雨洗浴其身若出行時輒為
止雨菩薩如是坐佛樹下樹為曲枝
隨蔭其軀成正覺已於六年中天魔
波旬恒求其短不能得便常得正念

地持經卷第二十五 行

平等安住一切衆生種種異知種種
異想種種異覺生住滅時念念悉知
如來以俱生力示現色身及聖威儀
攝取衆生示現身故狂者得正逆胎
得順盲者得視聾者得聽令三毒者
離欲怒癡以如是比示現色身攝取
衆生是名示現俱生神力威儀俱生
力者常右脇卧如師子王草蓐不亂
風不動衣行如師子步若牛王先舉
右足次左足隨行處平正无沙磔瓦
石行時安詳諸根寂靜若入門時下
門為高食無完過口口无遺如是無
量未曾有事當知皆是聖威儀所
攝俱生神力

云何諸佛菩薩不共聲聞辟支佛力
云何共力不共力者略說三種一者
細二者分別三者界諸佛菩薩於無
量無數阿僧祇衆生以無量方便
利益悉如實知是名為細一切種神
通力法力俱生力滿足成就名分
別一切世界一切衆生界是彼力境
界是名為界聲聞者以二千世界內
國土世界衆生世界為神通境界緣

地持經卷第二十五 行

覺者以三千世界為神通境界何以故彼自調伏故非一切衆生是故唯一三千世界以為境界除此已諸佛菩薩餘神力是名共力聲聞緣覺尚不能及菩薩神力况復人天外道凡夫菩薩有三種示現力一者神足二者示他心三者教誡此亦神通所攝隨其所應謂神足他心智渴盡智

菩薩地持經卷第二

辛丑歲高麗國大藏部監奉
勅雕造

地持經第二卷 第二十七卷 行

菩薩地持經卷第三

行

菩薩地持方便處成熟品第六

北凉中印度三藏聖無識苾芻譯

云何成熟略說有六種一者自性成熟二者人成熟三者種分別成熟四者方便成熟五者人成熟六者人相成熟自性成熟者有善法種子修習善法隨順二障清淨解脫身心有力真實方便具足究竟有佛無佛堪能次第斷煩惱障及智慧障如癰已熟至應破時名之為熟又如瓦瓶任用之時名之為熟又如養羅果等堪食用時名之為熟如是菩薩修習善法真正方便具足究竟次第堪任離障清淨是名自性成熟人成熟者略說四種有聲聞種性以聲聞乘而成熟之有緣覺種性以緣覺乘而成熟之有佛種性以無上大乘而成熟之元種性者則以善趣而成熟之如是四種人諸佛菩薩以此四事而成熟之種分別成熟者略說有六種一者諸根成熟二者善根成熟三者智慧成熟

四者下成熟五者中成熟六者上成熟諸根成熟者壽具足色具足種性具足自在具足信言具足大力具足人具足力具足身得報果堪能勇猛精進方便心無疲厭於一切明處悉方便學善根成熟者性少煩惱不起惡法陰蓋輕微質直隨順智慧成熟者明慧具足善說惡說能解義趣受持分別生智成熟堪能究竟離諸煩惱諸根成熟解脫報障善根成熟解脫業障智慧成熟解脫煩惱障下成熟者有二因緣一者不久修習諸根善根智慧因緣一者修習下因中成熟者於此二因緣一勝一劣上成熟者當知俱勝

方便成熟者有二十七種一者界充滿二者現緣饒益三者度四者愛樂攝受五者初處六者非初處七者遠淨八者近淨九者方便十者淨心十一者財饒益十二者法饒益十三者神足十四者說法十五者隱覆說法十六者顯現說法十七者下方便十八者中方便十九者上方便二十

者聞二十一者思二十二者修二十三者攝取二十四者伏取二十五者自作二十六者請他作二十七者俱作界充滿者善法種子生長具足依先修習善法種子長轉相因增長充滿是名界充滿現緣饒益者於現在世不倒說法不倒受持善隨順法法次法向界充滿者以本因故現在成熟現緣饒益者現在世因現在成熟度者親近善友信心得生信增上已離家惡行受持禁戒非家出家受離欲戒愛樂攝受者出苦道跡欲樂苦行二俱遠離行於樂道深樂佛法初處者以初厭法修行厭離知勝妙義度功德利非初處者已度成熟於現在世不離親近諸佛菩薩增長住處漸漸增進轉勝成熟遠淨者起憚怠心修行遠緣流轉生死經歷劫數堪任清淨與此相違名為近淨方便者得諸善義欣樂奉行畏厭來世惡道眾苦於現世中畏惡名稱受持禁戒常行淨心者正觀諸法次第堪忍於正法中无能壞者亦令眾修習正法於三寶中得善

地持經第三卷 第四行

勝義信心不動財饒益者隨其所須衣食眾具一切施與法饒益者欲受法者授之以法樂受義者為說正義神足者神力示現哀愍眾生令得信樂信增上已修方便淨彼諸眾生若見若聞大神變已於正法中得清淨心修善方便說法者自善解義能為人說已及眾生與正道俱疾成大智隨順說法隱覆說法者於少智眾生覆藏深義為說顯現易行之法顯現說法者智慧眾生深入佛法為說甚深微妙之處下方便者不常方便下頻方便中方便者或常方便或頻方便行一捨一不能具足上方便者具二方便聞者解佛所說修多羅等種種經法受持誦習精勤方便思者於寂靜處思惟諸法開解通達決定法相修者謂止舉捨止觀前行修習深樂止觀捨心攝取者依止無貪心修行布施瞻視和上諸師疾病供施衣食湯藥眾具若有憂悔及餘煩惱能為開解修如是等如法供養伏取者心正思惟自護煩惱見餘眾生若有毀失下犯呵責中犯折伏上犯駁出

地持經第三卷 第四行

呵責折伏為安樂彼及餘眾生若駁出者還聽懺悔既安樂彼無利餘人若不還悔安樂餘人餘人見彼犯罪隨出因是自護自作者自如法住隨順說法令他眾生出不善處安立善處若不如法住眾人當言汝今云何教授他人發舉與念他應教汝發舉與念請他者彼善方便巧說法者眾所知識增上受敬勸請說法成熟眾生俱者謂自作勸他二俱成熟此二十七種方便成熟彼六種成熟分別具足所謂諸根成熟善根成熟智慧成熟下中上成熟人成熟者略說六種菩薩住於六地成熟眾生謂住解行地菩薩行解行住淨心地菩薩行淨心住行道跡地菩薩行道跡住決定地菩薩住決定住決定行地菩薩行決定行住究竟地菩薩到究竟無種性處人善趣成熟數退數進有種性處人令得成熟無有退失數數增進人相成熟者本習聲聞住下成熟者下欲下方便示離惡趣於現法中不得沙門果於現法中不得涅槃住中

地持經第三卷 第五行

成熟者中欲中方便不墮惡趣於現法中得沙門果不得涅槃住上成熟者上欲上方便不墮惡趣於現法中得沙門果及般涅槃住上成熟者上欲上方便於現法中得沙門果及般涅槃成辟支佛如聲聞何以故道同聲聞故勝聲聞者謂取後身元師自悟本習力故修三十七品斷一切結得阿羅漢證故名緣覺又菩薩住解行地者當知下成熟淨心地者中成熟決定究竟者上成熟住下成熟菩薩下欲下方便未離惡趣當知是第一阿僧祇滿熾然不動快淨道品悉不成就住中成熟菩薩中欲中方便不墮惡趣第二阿僧祇滿熾然不動道品成就快淨不成就住上成熟菩薩上欲上方便不墮惡趣第三阿僧祇滿熾然不動快淨道品一切成熟其性淳厚具足熾然增上妙果增上福利故名熾然不退堅固外進故名不動於菩薩地清淨無上故名快淨彼中財利成熟神足成熟隱覆說法成熟下方便成熟聞息成熟此五

種成熟久遠修習猶尚為下况復近修餘一切成熟事一一三種說謂下下中下上中下中中上上上下上中上上如是等下中上分別則有無量成熟當知諸佛菩薩成熟衆生彼菩薩於此成熟事如說自熟佛法諸根成熟善根成熟智慧成熟下中上行成熟以三乘法成熟衆生菩薩地持方便處無上菩提品第七云何為菩提略說二種斷二種智是名菩提二種斷者煩惱障斷及智障斷二種智者煩惱障斷離垢清淨一切煩惱不相續智及智障斷一切所知無障智復次清淨智一切智無尋智滅一切煩惱習清淨明達永斷無餘是名無上菩提依一切煩惱習究竟斷智是名為清淨智一切界一切事一切種一切時无尋智是名一切智界者二種世界及衆生界事者二種有為無為如是有為無為事無量種分別自相差別分別總相差別分別因果分別界分別趣分別善不善无記等分別時者有三時過去未來現在

如是知一切界一切事一切種一切時是名一切智不假方便發心即知於一切法了達無尋是名无尋智復次百四十不共佛法及如來無諍智願智无尋辯是名无上菩提百四十不共佛法者三十二大人相八十隨形好四無尋智一切種清淨十力四無畏三念處三不護大悲不忘法斷除諸習一切種妙智是諸佛法安立品當廣說無上菩提者具七无上於一切菩提取為無上云何七无上一者身無上二者道无上三者正無上四者智无上五者神力無上六者断无上七者住無上如來三十二相莊嚴其身是名身无上如來自度度人多所過度哀愍世間利益安樂諸天世人是名道无上如來無上无等四正成就謂正戒正見正威儀正命是名正无上如來無上无等四無尋智成就法无尋義無尋辯无尋樂說无尋是名智無上如來无上無等六神通成就如前說是名神力无上如來無上无等一切煩惱習断智障断成

乾二斷是名斷無上如來无上無等三種住多於中住聖住天住梵住是名住无上空無相无作滅盡正受是名聖住四禪四无色定是名天住四無量心是名梵住於彼三住中四上住如來多住聖住中住空三昧及滅盡定天住中住第四禪梵住中住大悲如來以是晝夜六時常以佛眼觀察世間誰應度者未起善根我當令起乃至誰應得上果我當建立是名住無上身上者名大丈夫道無上者名為大悲正無上者名大戒大法智无上者名為大惠力無上者名大神通斷無上者名大解脫住无上者名大住多住復次如來有十種名稱功德隨念功德云何十如來應等正覺明行足善逝世間解无上士調御丈夫天人師佛婆伽婆非不如說故名如來得一切義故無上福田故應供養故故名為應如第一義開覺故名等正覺三明如契經所說行者止觀具足故名明行足第一上昇永不復還是名善逝知世界衆生界一切

地持經第二卷 第九行

種煩惱及清淨是名世間解第一調伏心巧方便智一切世間唯一丈夫是名無上調御士四種真實智義法真實故顯示不了義故依一切義故廣宣說故斷一切疑故顯示甚深清白處故為諸法根故為一切法導故為一切舍故脫一切苦師演說法義正諸天人是名天人師義饒益聚非義饒益聚非義非非義饒益聚具足一切種平等開覺是名為佛此三聚是善不記壞一切魔力故是名婆伽婆或无量劫無一佛出世或一劫中多佛出世於彼彼十方无量世界有無量无边阿僧祇佛出現於世何以故十方世界有無量菩薩俱發大願故若一菩薩如是日如是分如是月如是歲發菩提心一切菩薩亦復如是即於此日此分此月此歲發菩提心同一威儀同一堪能同一方便一切菩薩亦復如是一世界有無量菩薩同願同施同戒同忍同精進同禪定同智慧况復十方无量世界一一世界各有無量無數菩薩無二菩薩同願同行於一國土俱時成佛况復

地持經第二卷 第十行

無量一時俱成又一切菩薩一時同行次第成佛是亦不然亦非一成餘悉不成是故十方无量世界隨其所淨空無佛處同行菩薩各各成佛是故无量世界有無量佛元一世界二佛俱出何以故菩薩長夜作如是願如是方便我當於一無佛法處廣說正法調伏衆生令脫衆苦入於涅槃如是長夜長養大願攝受正道大願果成又一如來能於三千大千刹土悉能施作一切佛事第二佛出无所利益復次一世界中一佛出世能令衆生自事決定勤修隨順何以故彼作是念一切世界唯一如來教化周已當入涅槃更无有佛能令我等修行梵行聽受正法念已疾行精進勤修以是故說一世界中唯一如來衆生自為決定勤修一切如來等无差別唯除四事一者壽命二者名稱三者種性四者色身唯此四事有增減相非餘功德亦非女人得无上菩提何以故菩薩於初阿僧祇劫已捨

地持經第二卷 第十一行

女身乃至坐佛樹下不受女身一切
女人性多煩惱成就惡智不以煩惱
惡智能得无上菩提如是無上菩提
有元量義舉要言之有自性義無上
義名稱功德義隨念功德義堪能義
寂勝義悉如上說當知真實復次不
思議度諸思議元量無邊功德具足出
過一切聲聞辟支佛上是故名阿耨
多羅三藐三菩提第二取勝元等無上
菩薩地持方便處力種性品第八

已說菩薩所學處菩薩學今當說如
是菩薩欲善學菩薩學者有七事一
者先當多修信解二者求法三者說
法四者法次法向五者正教授六者
教誡七者攝方便身口意業云何菩
薩多修信解菩薩於八種解處淨信
在前一心決定樂欲成就所謂三寶
功德佛法僧功德諸佛菩薩自在神
力如上所說真實之義如上所說若
種種因若種種果隨順相應而不顛
倒得義得方便堪任能得有得方便
則能得義彼得義者元上菩提得方
便者一切菩薩所修學道所謂信解

地持經第三卷 第二張 行

善說謂修多羅祇夜受記元量言教
微妙善說菩薩於此八種解處有二
種解力一者多修解行二者深忍樂
著彼菩薩求法者何法求去何求何故
求何法求者略說求菩薩藏聲聞藏外
論世工業處智十二部經唯方廣部是
菩薩藏餘十一部是聲聞藏外論者略
說有三種因論聲聞論世工業處
智者謂種種事業如金師鐵師水師
等及餘種種明處所攝明處者有五
種一者內明處二者因明處三者聲
明處四者醫方明處五者工業明處
此五種明處菩薩悉求佛所說者名
為內論略說二種一者顯示正因果
二者顯示所作不壞不作不受因論
亦二種一者能屈他論二者自申已
義聲論有二種一者顯示界色界色
二種是聲之差別計常所謂陰界色界
聲聲名爲界界有種種別聲名爲色此二
聲論此中應廣說二者顯示巧便言辭
醫方論有四種一者顯示善知病二
者顯示病因三者顯示能除已起之
病四者顯示已除之病令不重起世
二業處智者顯示種種世業成就六

地持經第三卷 第二張 行

何是佛所說不顛倒因有十種不
顛倒因當知攝一切因一切煩惱一
切清淨一切無記等云何爲十一者
隨說因二者以有因三者種殖因四
者攝因五者生因六者長因七者自
種因八者共事因九者相違因十者
不相違因彼一切法名名已想想已
說此諸法名想言說是名隨說因以
有事故有所作是名以有因以有手
故有所作以有足故有遊行以有
身故有屈伸以有飢渴故有求飲食
如是比元量無數名以有因種種種
子名種殖因水土潤澤是名攝因種
子於芽是名生因芽莖相續乃至成
熟是名長因種種種子各各自生是
名自種因彼以有因種種因攝因生
因長因自種因此六因總說共事因
障導於生名相違因不障導者名不
相違因彼相違有六種一者語相違
謂沙門婆羅門所說經論前後相違
二者所應相違謂說一切義與理相
違三者生相違謂生緣不具障導於
生四者處相違謂明闇愛惡苦樂等

地持經第三卷 第十四張 行

法五者怨相違謂毒蛇鼠狼貓鼠是等至獸各各怨害六者對治相違謂脩不淨對治貪欲慈息瞋恚悲止害覺元漏道品永斷煩惱此中以生相違故說此諸因二因所攝一者生因二者方便因若種種種子生是名生因諸餘因是名方便因

復次有四緣因緣次第緣緣緣增上緣生因者是因緣方便因者是增上緣次第緣緣緣者是心心數法謂前生心心數法開導攝受緣攝受生是故二緣攝因所攝

云何此十因生一切世間事云何生一切煩惱云何生一切清淨若種種穀數世間資生名想言說所謂黍稷稻粱胡麻豆麥是名隨說因如大麥若持來若持去若取若與如是等種種言說餘一切亦如是以有飢渴身羸瘦故求索搏食如是等以名以有因若種種種子各各自生彼初植種子是名種種因初種種子於後芽莖乃至成熟是名種種因初種生芽是名生因水土潤澤令芽得生是名攝因彼種子於芽是名生因復次芽莖

枝葉展轉相續乃至成熟是名長因如麥種子麥芽生非餘餘亦如是是名自種因彼一切以有因乃至自種因悉名共事因以一切和合生故名共事因霜雹災害障導破壞是名相違因彼不具不障是名不相違因諸餘一切世間事皆十因所生隨所宜應當知

彼一切緣起名想言說所謂元明行識名色六入觸受愛取有生老病死憂悲苦惱是名煩惱隨說因元明緣行乃至生緣老死等言說境界顧念味著諸有支生是名煩惱以有因無明等法現法種子生餘生生老病死是名種種因不近善友聽受正法習不正思惟元明等生是名攝因各各種子無明等生是名生因從元明至後有增進相求至餘生生老病死是名長因種種種子俱從無明乃至後有生地獄餓鬼畜生及諸人天是名煩惱自種因從以有因乃至自種因是名共事因若有種性值佛出世演說善法近善知識聽受善法正念思

惟法次法向清淨道品是名煩惱相違因如上說不具者是名不相違因是名十因生一切煩惱應當知

彼一切淨法乃至滅盡涅槃名想言說是名淨法隨說因此念慮正勤乃至八聖道元明滅乃至生老病死滅如是名想言說是名淨法隨說因彼以有無明等故樂求淨法攝受淨法淨法得生是名以有因若種性具足人向有餘元明滅淨法先行者是名清淨種種因彼種性所攝元漏道品種子於諸道品法是名生因近善知識聽受善法正思惟修諸根成熟是名攝因彼種子生道品法向元明滅是名長因彼聲聞種性以聲聞乘而般涅槃緣覺種性以緣覺乘而般涅槃大乘種性以元上大乘而般涅槃是名自種因從以有因乃至自種因是名共事因種性不具不值佛世生諸難處不近善友不聞善法不正思惟習行邪道是名淨法相違因此相違不具者是名不相違因諸煩惱相違因是淨法因淨法相違因是煩

惱因如是煩惱十因清淨十因過去未來煩惱清淨皆亦如是元餘無上云何為果略說五種一者報果二者依果三者解脫果四者士夫果五者增上果若不善法得惡趣報有漏善法得善趣報是名報果若習不善法樂住不善法增不善法若習善法樂住善法增益善法先業相似後果生是名依果八聖道滅諸煩惱名解脫果若復世俗滅諸煩惱彼不究竟捨離凡夫非解脫果若於現法依種種世間工巧處業諸士夫事所謂田種販賣宰官理務書畫竿數卜占印封各有果生是名士夫果眼識是眼根增上果乃至意識是意根增上果生理不壞是命根增上果一切二十二根各為增上各有果生當知皆是增上果此二十二根增上如攝事處說如是菩薩知佛顯示正因果已於處非處智力種性次第修習清淨增長非不作異作有所成熟亦无自所作業經劫而失作者不失不作不受佛所顯示如是菩薩如實知已自業智力種

地持經第三卷 第二十八行

性次第修習清淨增長

云何菩薩求聞法是菩薩住懇懇恭敬求善說法善語法如是比略說善說法住勤恭敬住若菩薩為聞一善說法路由惡道大地熾然猶尚歡喜從中而過況為多聞為一聞法猶尚不惜所愛之身況餘資生一聞說法愛樂恭敬比前受敬百千万倍乃至竿數譬喻不得為比謂聞善說法心無厭足增益淨信其身柔軟心直見直深樂功德至說法所无留難心恭敬除慢但求正法不求名稱為已及他修諸善根不為利養至說法所不涼心聽法不乱心聽法不汙汙心聽法者雖貢高煩惱及輕想煩惱下想煩惱有七行雖貢高煩惱一者時聽二者欲受三者煩聽四者敬聽五者不戲六者隨順七者不求過失如是七行雖貢高煩惱有四行雖輕想煩惱一者恭敬法二者恭敬說法人三者不輕法四者不輕說法人如是四行雖輕想煩惱一行雖下想煩惱所謂聽受正法不自輕聽法以此一行

地持經第三卷 第二十九行

離下想煩惱離如是等過聽受正法故名菩薩不汙心聽法云何不亂心聽法有四行一者一心二者側聽三者定意四者一向專樂聽受正法故名菩薩求聞法

菩薩何故求聞法菩薩求佛所說法為受正法次法向故為他廣說故菩薩求因論者欲知彼論過故欲降伏異論故未信佛法者令生信故已生信者令增廣故菩薩求聲論者廣為衆生演說正語令愛樂故為淨莊嚴故句味故於一義中種種言辭莊嚴故菩薩求譬方論者為除衆生種種病故攝受大衆故菩薩求世間工業處智者為少方便獲致大財饒益无量諸衆生故為教衆生種種事業故如是菩薩求五明處為无上菩提大智衆具究竟滿故非不次第學一切法而得一切無障導智是名菩薩所求如所求所為求菩薩為他說者何所說云何說何故說彼如所求法如是法說如所求義如是義說以二因緣故說一者隨順說二者清淨說隨順說者

地持經第三卷 第三十行

住如法威儀說非不如法不為高坐
無病者說覆頭者在前行者悲不為
說如修多羅廣說何以故諸佛菩薩
自恭敬法以敬法故令餘衆生深起
恭敬聞已奉持不起輕慢一切說一
切無間說不為法慳不作師憊如次
第句味說如次第句味受如次第義
分別說義饒益及法饒益種種義饒
益示所應示授所應授照所應照喜
所應喜現智以智從師具聞而為人
說非不思量具足聽聞順向善趣不
亂說善說不深隱說應四聖諦說隨衆
所應而為廣說此十五種菩薩普為
衆生隨順善說一切利他應當知
復次菩薩於不饒益已者住慈心為
說惡趣行者住安隱心說苦樂衆生
放逸貧乞者住安樂哀愍心說不以
嫉妬故自歎毀他難貪著心不求名
利為他說法如是五種菩薩清淨說
法前後略說二十種一者時二者類
三者次第四者相續五者堪耐六者
歡喜七者欲八者喜九者勸十者不
毀十一者應十二者文字具足十三

地持經第三卷 第三十二行

者不難十四者如法十五者隨衆十
六者慈心十七者安心十八者哀愍
心十九者不自譽毀人二十者不依
名利是名六菩薩為他說法

云何菩薩法次法向略說五種如所
求如所攝法身口意隨轉正思及修
若此法世尊制身口意所作及若此法
聽身口意所作彼身口意業如是離
如是修身口意隨轉是名法次法向
彼正思者菩薩獨一靜處如所聞法
思惟稱量觀察先離如是不思慮思
量於法勤思常思思方便不息又
菩薩正思具足具足行隨順入有所
捨依義不依於味聞說明說如實知
先思量應入者入已入者數數思惟
菩薩離不思慮者不隨愚心亂心勤
思常思思思具足者未知義者令得
知之已知義者不失不忘具足者有
所入所行不由他人能具觀察有所
捨者若知諸法非其境界當自念言
此佛所知非我境界如是不謗自无
罪咎菩薩依義不依味者善入如來
隱密之說善知闇說明說者於真實

地持經第三卷 第三十二行

義莫能動攝初入正思菩薩先得
忍於今得之已得忍著堅固隨順入
於修慧如是八種菩薩正思所攝法
次法向修者略說四種一者止二者
觀三者修習止觀四者樂止觀止者
謂菩薩八種正思善正真實離言說
法若事若義係心緣中遠離一切虛
偽輕躁及諸憶想緣中解脫係心安
立內三昧相廣說乃至一心是名為
止觀者彼止所熏修憶念思惟如正
思法相憶念選擇乃至明慧是名為觀
修止觀者若行止觀常修方便類修方
便是名修習止觀樂止觀者彼彼止觀
相心住不動不勤方便能自觀察處所
攝受心不散亂是名樂止觀彼菩薩如
是如是修習止觀如是如是樂住止觀
如是如是樂住止觀如是如是止觀
清淨如是如是止觀清淨如是如是
身心猶息漸漸增廣如是如是觀清淨
如是如是知見增廣如是如是習行修
慧者離身心思於一切所知知見清
淨一切修慧業皆從如是四種修生
云何教授略說八種教授菩薩依三

地持經第三卷 第三十二行

摩提教修行者若无餘菩薩教者則自教授如諸佛法先當如是知四種求一者心求者知心求二者根求者知根求三者怖望求者知怖望求四者使求者知使求五者隨其所應種程度門而度脫之所謂不淨慈心緣起界分別安都般都念是名隨應度門而度脫之六者執常邊對治為說中道七者執斷邊對治為說中道八者除不作作增上慢不得得不觸觸不證證增上慢彼八種教授略說三處所攝三處者先未住心令係念緣中已住心者說得自義正方便道未究竟者令捨中住知彼心根怖望結使隨應度門而度脫之令心止住係念緣中彼執斷常對治為說中道令住心者成就自義正方便道彼不作作慢乃至不證證慢未究竟者令捨中住如是三事攝八種教授如是菩薩從他受教教授他已八力種性清淨增長所謂禪定解脫三昧正受智力諸根利鈍智力種種解智力種種界智力一切至處道智力宿命智力生死智

地持經第三卷 第二十六張 行

力漏盡智力
六何教誡略說五種有罪行者制元罪行者聽若制若聽法有缺減者如法舉之數數違犯者折伏與念不濁不壞淳淨正向若制若聽法真實功德愛念稱歎令其歡喜是名略說菩薩三事教誡所謂若制若聽若舉若折伏若歡喜
云何菩薩攝方便身口意業略說菩薩四攝事是名方便如世尊說四攝事是名方便略說四種方便調伏衆生攝取衆生无餘無上一者隨攝方便二者攝方便三者度方便四者隨順方便菩薩種種財施隨攝衆生故莫不信受奉順修行是名布施隨攝方便次行愛語愚癡衆生捨離癡冥令無有餘具攝顯示是名愛語攝方便具攝顯示已令彼衆生捨不善覺授與善處調伏樂住是名行利度方便如是菩薩以同事隨順度脫衆生調伏恭敬不作是言汝自無信戒施多聞云何教他舉罪與念是名菩薩同利隨順攝方便如是四攝方便若

地持經第三卷 第二十六張 行

按若別是名菩薩攝方便身口意業等攝衆上調伏成就

菩薩地持經卷第三

辛丑歲高麗國大藏都監奉勅雕造

地持經第三卷 第二十六張 行

菩薩地持經卷第四

行

持中印度三藏聖典無識於姑臧譯

菩薩地持方便處施品第九

復次菩薩次第滿足六波羅蜜已得阿耨多羅三藐三菩提所謂檀波羅蜜尸波羅蜜羼提波羅蜜毗梨耶波羅蜜禪波羅蜜般若波羅蜜云何菩薩檀波羅蜜略說有九種一者自性施二者一切施三者難施四者一切門施五者善人施六者一切行施七者除惱施八者此世他世樂施九者清淨施自性施者謂菩薩思願與無貪俱不惜財身起身口棄捨所施物捨如法財住律儀處見未來果以如是義施與衆生是名自性施一切施者略說有二種施物一者內物二者外物菩薩捨身是名內施若菩薩為食吐棄生食已吐施是名內外施除上所說是名外施菩薩內施復有二種一者隨所欲作他力自在捨身布施辭如有人為衣食故繫屬於人為他僕使如是菩薩不為利養

但為无上菩提為安樂衆生為滿足檀波羅蜜隨所欲作他力自在捨身布施二者隨他所欲頭目手足種種支節血肉筋骨乃至髓腦隨其所求一切施與菩薩外施復有二種一者隨其所求受用樂具歡喜施與二者奉事被故一切捨心一切施與

菩薩於內外物非無差別等施一切或有所施或有不施若於衆生樂而不安不樂不安則不施與若於衆生安而不樂亦安亦樂是則盡施如是略說應施不施次當廣說若菩薩布施令他受苦若致逼迫若被侵欺及非法求自力他力不隨所欲菩薩為衆生故寧自棄捨百千身命不隨彼欲令致逼迫殘害欺誑菩薩淨心修行布施饒益无量諸衆生時有求身體頭目支節則不施與何以故非是菩薩行淨施時作是念言是可與是不可與心生退弱是故菩薩以清淨心不捨現前利益衆生捨身布施雖不捨身不違淨心若被魔天及魔所使欲行恐怖求其身分則不施與不

地持經第四卷 第三經 行

欲令彼得大罪故或有衆生若狂若亂求其身分亦不為彼而捨身命不自住心故心惱亂故心不自在故與上相違來求請者隨其所欲為捨身命是名菩薩內物應施不應施

菩薩外不施者若有衆生求毒火刀酒為欲自害若欲害他是則不施若為自攝若為攝他是則施與若是他財先不同意不以施人菩薩不為媒行以此授彼有重飲食悲不施與若有衆生為作戲樂非義饒益來乞求者菩薩不施何以故若施與者於菩薩所雖少歡喜而多起惡行身壞命終墮於惡道若戲樂具不墮惡趣不起善根而令衆生因此成熟為攝取故是則施與何者可與何者不可與謂學捕獵衆生極大貪著作大方便多煞衆生如是比會菩薩不為亦不教他煞羊祀天亦不施與惱衆生者來求水陸多衆生憂悲不施與為欲學作罽羅機網世間種種惱衆生具亦不施與若罵若煞若縛若罰亦不自作亦不教他若恣家恣家子恣不施

地持經第四卷 第三經 行

與略說一切逼迫衆生戲樂之具悉不施與

若復種種爲馬車輦衣服莊嚴豐美飲食習學歌舞種種衆具塗身香花嚴飾玳瑁園林樓觀舍宅男女種種技術工巧業處如是一切戲樂衆具爲信樂因緣未請求者一切盡施若彼衆生不自知量及不應病種種飲食是惡不施若已飽食性貪欲得亦不施與若有衆生不堪憂惱求欲自煞食毒授嚴如是等求惡不施與若菩薩爲王統領多國不以他人妻子施與除城邑村落人民賦稅應屬我者則以施之菩薩所愛妻子奴婢若施人時先以軟語方便開喻若不樂者則不施與若其樂者隨所應施若惡知識惡人惡鬼是等求惡不施與亦不施彼令作奴婢若有惡人來求王位則不施與若此惡人先爲王者菩薩有力則便廢退父母妻子奴婢財物不以施人若因布施父母憂惱妻子僮僕由是致苦如是等施菩薩不爲非法之物不以施人凡所施

地持經卷第四 第三十行

物清淨如法不逼迫可責取他財物而行布施不犯佛戒而行布施菩薩於一切衆生平等心施作福田想亦不分別怨親中人功德過惡是下中上是若是樂

菩薩不如所求如所許後以少施亦不先許勝物後施愈惡若施勝物心無不泰不恨不亂菩薩施已不自稱歎言我於汝所惠弘多若施下流不起輕想況復有德所應恭敬若有衆生住諸惡行掉動毀戒罵詈瞋恚亦不怛感悔恨心施方於彼所起憐愍心不以邪見而行布施所謂大會煞生求法不爲布有吉慶會故而行布施不爲清淨一切行分故而行布施求世間出世間離欲清淨除爲清淨方便而行布施不求果報而行布施一切布施悉用迴向無上菩提菩薩自知一切種施因緣故生一切種如實果報不由於他而行布施所謂施食得力施衣得色施乘得樂施燈得眼如是一切應當廣說菩薩亦不畏貧窮而行布施以慈悲故而行布施

地持經卷第四 第三十一行

菩薩亦不以不如法食施來求者所謂施出家人餘殘飲食便利涕唾膿血汙食不語不知飯及羹飯法應棄者謂不慈食慈難慈汙如是不肉食不酒飲酒雜酒汙如如法藥和合菩薩施人如是等不如法施不以施人菩薩不令求者數數往返留難生惱然後方施菩薩不以諂故而行布施如是若王大目長者居士此諸檀越知我施已必當恭敬供養於我不爲要他作使故施少物尚施況復多物不以布施起他貪著爲生患難令致傾滅不以布施離他城邑謂以施攝令其屬已菩薩智慧精進不息堪能具足自擔莊嚴先自行施然後教他不自解怠教人行施一切大會持戒犯戒從上至下次第等施菩薩得財多少隨捨不待積聚然後行施不畏他故而行布施所謂若瞋若打若責若毀煞縛驅擯不畏是等而行布施菩薩欲施心悅施時歡喜施已无悔不以相似摩丘真珠珂現玉石琉璃珊瑚虛偽之物欺誑他人

地持經卷第四 第三十二行

菩薩所畜一切財物初得物時發心捨與一切衆生後來求者自求已物菩薩時施非不時施自他淨施非不清淨如威儀施非不威儀決定心施非不定心見來求者終不嗤笑亦不輕弄亦不聲感先語稱讚然後施與時應所求不為留難若彼不求開心自施若自來取恣聽所欲

菩薩不以惡智而行布施常以善智而修施業智慧施者菩薩自量財物多少隨其所宜而行惠施見來求者作是念言彼來求者有二種人一者富樂非是貧下亦非孤獨有所依怙二者貧苦孤荒下賤無所依怙作是念言若我財多當令具足若財少者先當周給與彼貧乞無依怙者先作是念如所念施於彼富人不滿其意當以本心辭謝發遣唯願仁者勿生恨心菩薩若見慳貪衆生財富无量自為身惜不敢衣食往詣其所共為親善與作同意而語之言汝若貪惜不能施與我舍乃有無量財物欲行滿足檀波羅蜜普為一切乞求衆生若有

山持經第四卷 第八行

衆生從汝求者可來我舍取財施與勿令空去若難自取發遣使來於我施時汝當隨喜彼聞此已心大欣悅於我無損彼蒙饒益因與菩薩共相親愛今雖未能即時行施已種來世離慳種子以彼次第修習自知為本以巧方便教令少施依下无貪教令至中依中至上

復次菩薩若和上阿闍梨若共住弟子近住弟子淨修梵行受性慳貪若不慳貪財物不具擁其施心菩薩以己財物向佛法僧欲施作福捨持與彼令其造作已自不為如是菩薩功德更增令慳貪者降伏煩惱彼樂法者亦滿其願如是攝取成熟衆生復次菩薩見彼來者有求索相知其心已不令發言隨其所須施令滿足若有商賈欺誑他時菩薩知已覆藏不說彼作惡行欺誑他人尚為覆藏况復自身欲滿彼願隨意與財彼无慚愧得已歡喜無所畏懼熙悅而去若菩薩為彼商人所欺先不覺知欺已乃覺亦不責彼不令憶念不欲令彼

地持經第四卷 第八行

犯不與取起隨喜心如是等捨所施物是名菩薩智慧布施

復次菩薩无財施時先所造作世間工巧彼業現前以少方便多獲財利用施衆生若復為他莊嚴說法美善說法慈心說法貧苦聞法歡喜供養何況富樂慳者無惜况常樂施若有信心長者居士常習行施財富无量持求者往令彼饒益彼所行施所作功德自身往助堪能具足信心清淨身口意業隨其力能助彼管理令其无尋滿足求者彼乏事力施事難成若隨明黨若非法行若失正念如是等若菩薩无財以智慧施乃至未得淨心淨心菩薩不墮惡趣生生常得無盡之財

復次菩薩知彼邪見求法短者不授其法不與經卷若性貪財賣經卷者亦不施與若得經卷隱藏不現亦不施與若非彼人所知義者亦不施與若是彼人所知義者菩薩於此經卷已自知義則便持經隨所樂與若未知義自須修學又知他人有如是經

地持經第四卷 第九行

示語其處若更書與若元示處復不得書菩薩當復自觀其心為是法堅經心不能施耶為更有為不施彼耶作如是自觀已若少有法堅者當持經與為法施故我寧以法施現世癡聖為除煩惱猶尚應施況作將來智慧方便如是觀時無少許法堅者彼菩薩應當自學我為除煩惱故修行法施滿足智慧方便故修行法施愛念眾生故修行法施菩薩自見內無煩惱見不施彼現得智慧於未來世轉增無量非施彼故得是功德經法施者於未來世獲少法利不及自學智慧開覺今雖不施必將安樂一切眾生施其智慧寧為一切今不施與不為一人與其經卷如實知已不施彼者無有過咎亦無悔恨不越菩薩所受禁戒

云何菩薩方便不施不忍直言必定不與要以軟語開解發遣作是方便有而不施菩薩本來所畜眾具一切施物以清淨心於一切十方諸佛菩薩捨作淨施已譬如比丘以已衣物

地持經第四卷 第十行

於上和上阿闍梨所捨作淨施如是作淨施因緣故得畜種種無量財物故名住聖種菩薩亦得無量功德常自憶念如是功德於一切時常隨增長凡是淨施所畜之物為諸佛菩薩受寄護持見彼來求觀察其人有成就相先所捨物作淨施者取以與之諸佛菩薩於一切眾生無不捨之物作如是知滿求者意觀察彼人無成就相以淨施法而開解之攝言賢首此物先捨已有所屬軟語發遣不令致怯若以餘物兩三倍施作是方便令知菩薩不以慳故而不惠施當以不自在故不以施我如是經法則不施與菩薩作如是法施者名智慧施復次菩薩一切施所謂法施財施元畏施比類相親若名若義分別因果如實知已而行布施是名菩薩智慧布施復次菩薩於不饒益已者慈心布施於苦惱者悲心布施於功德者慈心布施於饒益已者及善知識親族人所捨心布施是名菩薩智慧布施復次菩薩有障施障施對治如實知

地持經第四卷 第十一行

之障施有四種一者先不修習二者所施物少三者財物雖多貪受增上四者見未來世具足財果而生貪著先不習施者菩薩見正求者多有財物而不生施心當知是我習施故疾行智慧作是思惟我昔定當不習施心致令今日雖有財物見未來者施心不生今若不施復於來世有此施導如是知已依施障對治而行布施則能捨離不習施障所施物少者菩薩見正求者所施物少不欲布施以是施障故疾行智慧作是思惟寧安貧苦要當布施思惟是已悲心布施復作是念我從昔來宿業過故他自在故令我飢寒困苦不能饒益一切眾生寧令我今因是失命現世受苦要當行施攝取眾生不令受者心不滿足況我今日有果菜活命要當安苦而行布施財物雖多貪受增上者菩薩見正求者以增上可意故取上故於所施物不生施心彼菩薩知藏積過故疾行智慧我於苦中而生樂相於未來世當受大苦如是顛倒若知苦

地持經第四卷 第十二行

斷作是思惟已能行布施見未來財果生貪著者菩薩行布施已於施果大財生福利見不能志求無上菩提菩薩知耶果見為過患已疾行智慧如實正觀一切諸行無有堅固念念磨滅受用果報亦復如是悉是離散磨滅之法如是觀時果見則斷一切所施悉以迴向無上菩提是名菩薩四種障施對治智慧應當知謂分別忍若知攝顛倒觀行不堅前三對治智是正布施後一對治智攝受正果是名菩薩智慧布施

復次菩薩內獨淨心淳厚淨信覺想勝妙無量施物意解施與一切眾生是菩薩以少方便生无量功德是智慧菩薩大智慧施是名略說菩薩有財無財施所攝法如是法施分別施淨心施施障對治智慧布施淨心意解施是名菩薩不共施當知是名菩薩一切內外所施物廣分別上一切施分別當知分別為難施等云何菩薩難施略說有三種菩薩有少財物自忍貧苦施與他人是名菩薩

地持經第四卷 第十三條 行

薩第一難施若菩薩所可愛物性深愛著久習愛著增上施物越取上貪著能自開寶施與他人是名第二難施若菩薩勤苦得財施與他人是名菩薩第三難施

云何菩薩一切門施略說四種是菩薩若自物若勸他得物若自集布施若父母妻子奴婢作人若善友大臣親屬悉皆施與若他所須是名略說菩薩四種一切門施

云何菩薩善人施略說五種一者菩薩信心布施二者恭敬布施三者自手施四者時施五者不侵他施是名菩薩善人施

云何菩薩一切行施略說十三種一者元依施二者廣施三者歡喜施四者常施五者器施六者一切施七者一切慶施八者一切時施九者無罪施十者一切物施十一者方土物施十二者資財施十三者穀施如是十三種是名菩薩一切行施器者謂四道淨福田品云何菩薩除惱施略說有八種一者菩薩見須飲食者施以飲食二者須

地持經第四卷 第十四條 行

乘與乘三者須衣與衣四者須莊嚴具與莊嚴具五者須種種器具悉皆施與六者須華鬘塗香者隨其所欲七者須舍與舍八者須燈明者施以燈明如是八種是名菩薩除惱施

云何此世他世樂施略說九種謂財施法施无畏施財施者勝妙清淨如法調伏慳垢藏積垢故修行布施調伏慳垢者捨執著心調伏藏積垢者捨受用執著无畏施者謂師子虎狼王賊水火等種種恐怖救令得度法施者不顛倒說法具足說法授人禁戒如是略說菩薩九種施令諸眾生得今世後世安樂彼財施無畏施分別此世樂法施者分別今世後世樂云何菩薩清淨施略說十種云何十一者不留難二者不異見三者不積聚四者不高心五者无所依六者不退弱七者不下心八者不背面九者不求恩十者不求報不留難施者菩薩有求求者疾疾布施不作留難時滿所願過其速望不異見者菩薩於施不起異見言無果報不以害生布施謂

地持經第四卷 第十五條 行

言是法不於此施求世間出世間淨
不積聚施者菩薩不久積財然後類
施何以故非菩薩有所施物見求求
者堪能不施不如法見非不施與去
何積聚然後乃施亦非積聚而施福
增多所施物等求者亦等漸施類施
以何因緣見福差別又復菩薩見積
聚施過不見隨施有過何以故謂積
聚施先求求者或有百數而不施與
令彼嫌恨起不忍心後求求者積以
類施是故菩薩不積聚施不高心施
者菩薩於求者所謙下心施不觀他
勝覓心布施不以施故而自稱譽我
是施主餘者不能無依施者菩薩不
以名稱而行布施於假名稱譽猶如
塵分不退弱施者菩薩欲施心悅施
時歡喜施已无悔財物增廣第一勝
妙菩薩聞他廣施勝施心不自輕生
退弱心不下心施者菩薩思量以眾勝
眾上妙物布施是名不下心施不背
面施者菩薩等心不隨朋黨怨親中
人悲心等施不求恩施者菩薩以悲
心慈心而行布施不於受者計其恩

地持經第四卷 第二十二

惠觀欲樂眾生受火熾然元勢力故
不求報施者菩薩施已不悔未來財
身具足觀一切行皆悲磨滅見無上
菩提真實福利如是十種是名菩薩
快淨布施如是菩薩依九種施足
檀波羅蜜得阿耨多羅三藐三菩提
菩薩地持方便廣戒品第十之一
云何菩薩尸波羅蜜略說有九種一
者自性戒二者一切戒三者難戒四
者一切門戒五者善人戒六者一切
行戒七者除惱戒八者此世他世樂
戒九者清淨戒
云何自性戒略說四德或說是名白
性戒云何為四一者從他正受二者
善淨心受三者犯已即悔四者專精
念住堅持不犯從他正受者外願他
於犯愧心生善淨心受者內自願於
犯慚心生犯已即悔專精不犯如是
不犯戒菩薩有二因緣離悔是菩薩
依受戒淨心戒起慚愧心起慚愧心
故善能護戒護戒故無悔若從他受
若淨心受此二是法若犯而悔若專精
不犯此二隨法若從他受若淨心受

地持經第四卷 第二十二

若專精不犯此三法是菩薩不壞戒犯
已即悔者毀而還復若菩薩四德成
就是名自性戒是名真實戒自安妥
他多所安隱多所快樂哀愍世間利
安天人受戒隨戒當知无量攝受菩
薩無量淨戒攝取一切安樂眾生成
大果報獲大福利疾得阿耨多羅三
藐三菩提
云何菩薩一切戒略說二種一者在
家分二者出家分是名一切戒一切
戒復有三種一者律儀戒二者攝善
法戒三者攝眾生戒律儀戒者謂七
眾所受戒比丘比丘尼式叉摩尼沙
彌沙弥尼優遮塞優婆塞在家出家
隨其所應是名律儀戒攝善法戒者
謂菩薩所受律儀戒上修大菩提身
口意業是名略說一切攝善法戒何
者是謂菩薩依戒住戒修聞慧思慧
奢摩陀毗婆舍那修慧空閑靜默恭
敬師長礼事供養有疾患者起悲愍
心瞻視供給聞說法者歡言善哉實
功德者稱揚讚善一切眾生所作功
德心念口言隨喜歡悅有侵犯者悲

地持經第四卷 第二十二

能安忍身口意業已作當作一切迴向無上菩提隨時修習種種勝願常勤精進供養三寶於諸善法心不放逸念慧護持身口淨戒守攝根門飯食知量初夜後夜未曾睡眠親近善人依善知識自省已過知已不犯隨其所犯於佛菩薩及同行所如法悔除如是等護持修習長養善法戒是名攝善法戒

攝衆生戒者略說有十一種一者衆生作饒益事悉與為伴二者衆生已起未起病等諸苦及看病者悉與為伴三者為諸衆生說世間出世間法或以方便令得智慧四者知恩報恩五者衆生種種恐怖師子虎狼王賊水火悉能救護若有衆生喪失親屬財物諸難能為開解令離憂惱六者見有衆生貧窮困乏悉能給施隨其所須七者德行具足正受依止如法畜衆八者先語安慰隨時往返給施飲食說世善語進止非已去來隨物如是等事安衆生者皆悉隨順若非安者皆悉遠離九者有實德者稱揚

地持經第四卷 第九張 行

歡悅十者有過惡者慈心呵責折伏罰黜令其改悔十一者以神通力示現惡道令彼衆生畏厭衆惡奉修佛法歡喜信樂生希有心

云何菩薩住律儀戒住攝善法戒住攝衆生戒善護持戒善攝善法戒一切行攝衆生戒菩薩住波羅提木叉戒捨轉輪王出家學道不顧尊位如視草土捨離五欲如棄涕唾乃至來世魔天亦不願樂終不為彼修持梵行心常恐怖如實見過捨現在樂如畏風電正見觀察而不味著其性恬靜好樂空閑若衆若獨心常安住不限持戒生知足想依戒住戒修習菩薩正受所生元量功德若近四衆不說非法於空閑處不住惡覺設今整起即自悔責深見其過見過患已還得本心若聞菩薩一切戒法住大地菩薩微妙無量不可思議久遠難行心不恐怖亦不厭退而作是念彼亦丈夫能持菩薩不可思議身口淨戒我亦丈夫必當如彼決定無疑住律儀菩薩常省己過不觀彼闕若見

地持經第四卷 第十張 行

凶暴及惡性人心不慧慢起法心悲心憐愍方便令得解脫住律儀菩薩於衆生所不生怖想況復加害住律儀菩薩成就五種不放逸行與過去俱與未來俱與現在俱已作當作菩薩過去所犯如法懺悔是名過去不放逸行未來當犯當如法悔是名未來不放逸行現在所犯即如法悔是名現在不放逸行如所行如所住專心護持是名已作不放逸行依已作不放逸行如所行如所住不起犯戒是名當作不放逸行住律儀菩薩功德覆藏惡事發露少欲知足堪忍衆苦不生憂感進止安諦威儀庠序離諸曲曲淨修正命菩薩成就如是十法名住律儀戒善護持戒謂過去五欲心不顧戀未來五欲不生欣想現在五欲不念貪著樂處空閑不生足想離惡言惡覺心不自輕安隱樂住善能堪忍不為放逸威儀淨命菩薩住攝善法戒於身命財若起少者即時除滅不令增長一切犯戒因緣煩惱等起即時除滅若於衆生起慈害恣

地持經第四卷 第十張 行

心即時除滅若起慙怠即時除滅若起味相應禪即時除滅如實知五塵謂善果善因善因果倒及與非倒攝善法障皆如實知菩薩見善果福利而求善因攝善法倒如實知之菩薩得善根不起元常常見若有樂見不淨淨見非我我見如實知攝善法障離不攝善法菩薩成就如是十行名住攝善法戒疾攝諸善法及一切行所謂依施依戒依忍依精進依禪定五行成就智慧菩薩住攝衆生戒有十一種於一二種成就一切行一者衆生所作皆與同事若始思量及所施作行路去來正業方便守護財物和合諍訟世間吉會及諸福業皆與同事二者於諸苦事皆與為伴若見疾病瞻視供給盲者將導迷者示路瞽者指授聾者荷負欲經苦者教令遠離瞋恚瞋眠悼悔疑蓋如是等苦亦令遠離欲覺慧覺言覺親里覺國土覺不死覺輕侮覺族姓覺悲教遠離衆生諍訟不知苦者能為開解行路疲乏施諸所安三者為諸衆生具足說法惡行衆

地持經第四卷 第二十二卷 行

生說除惡行善句善味善義隨順通達增長道品方便說者為惡衆生說除惡行說除慳法得現果報少正方便而得大財得已守護憎嫉法者令生信樂清淨見諦離諸惡趣煩惱永盡一切苦滅四者知恩報恩饒益已者善心與語問計慰喻讚言善采設座安處若等若增酬報元戒諸有所作悉與同事瞻視病苦隨順說法除滅恐懼離諸憂悔若有之短給施衆具如法依止隨順其心有實德者稱揚歡悅有過惡者慈心呵責折伏罰黜令其改悔示神通力隨所宜現五者恐怖衆生為作救護所謂水火王賊鬼神惡獸人非人等一切怖畏悉為救護令得安隱若見衆生親屬財物諸難憂惱或見喪失親屬善友知識及諸師長所尊敬者或有財物王賊所奪火燒水溺亡失寶藏事業不成強分秘財或惡眷屬散棄資產悉為開解令離憂惱六者見有衆生資生不具給施所須飲食衣服湯藥衆具香花燈明莊嚴雜饒車乘僮僕財物舍宅如

地持經第四卷 第二十二卷 行

是等之悲皆給施七者如法受衆先與依止以無貪心哀愍心而為說法賑給所須若自无者從彼信心居士長者求索與之如法所得衣食湯藥及諸房舍等共受用無所藏積以五種法隨時教誡如力種品中說八者隨他心戒先知衆生自性及性應共住者與共同止隨其所宜與共從事又隨心者觀其所行若以如是身行如是口行令彼憂惱无善利者菩薩不為雖令憂惱而獲善利者菩薩為之若菩薩自行身行口行非戒所攝亦非功德智慧方便令彼憂惱无善利者菩薩不為與上相違者菩薩為之如生憂苦喜樂亦亦隨其所應廣分別說又隨心者若見衆生有瞋恨色尚不歎其德況說其惡亦不懺謝又隨心者人不問評安慰已者猶尚自往問評安慰況來問評而不訓和唯除教誡又隨心者不惱他人除慈愍心寂靜諸根呵責弟子令其調伏又隨心者不望笑不戲弄令其慚耻而生疑悔彼雖不如不言汝令墮在

地持經第四卷 第二十二卷 行

負處見人謙下亦不自高又隨心者非不習近不極習近不非時習近又隨心者於他親厚不說其過於他怨者不稱其德不親善者不與同意不多求欲若有所取知量知足若有請者不逆其意若有嫌責如法悔謝九者實功德者稱讚歡悅具足信者歎信功德戒聞施慧亦復如是十者應呵責者呵責調伏微過微犯者以憐愍心軟語呵責中過中犯中語呵責上過上犯上語呵責如呵責折伏罰黜亦復如是軟中過軟中犯隨時駁出還令共住為化犯戒及餘人故以愛益心黜令出眾上過上犯者不同住不同食乃至改悔亦不同住以慈愍心故不令彼人於佛法中多起罪過亦為教誡餘眾生故十一者菩薩為饒益故現神通力或令恐怖或令歡喜行惡行者示以惡報所謂寒水地獄邊地獄等諸惡道處語其人言汝當觀此人間造惡當生彼中受無量苦彼見恐怖而生歡怖離諸惡行菩薩於大眾中見不信者問事不答

地持經第四卷 第十五行

○菩薩地持經

即時化作金剛力士及諸大力諸天鬼神而恐怖之以恐怖故捨高慢心敬信正答其餘大眾聞彼正答亦皆調伏又以神力現一為多現多為一石壁皆過身出水火或復示現共聲聞神力令彼歡悅未信者信犯戒者清淨少聞者多聞慳者能施癡者得慧如是菩薩成就一切行利眾生成是名菩薩三種戒聚无量功德聚

菩薩地持經卷第四

壬寅歲高麗國大藏都監奉
勅雕造

地持經第四卷 第十五行

菩薩地持經卷第五

行

北涼中印度摩訶僧伽羅識於始藏譯

菩薩地持方便處戒品之餘

菩薩欲學菩薩律儀戒攝善法戒攝眾生成者若在家若出家發無上菩提願已於同法菩薩已發願者有智有力善語善義能誦能持如是菩薩所先礼足已作是言我於大德乞受菩薩戒大德於我不憚勞者哀慈聽許作是請已偏袒右肩於三世十方佛及大地諸菩薩前恭敬作礼念其功德起軟中上淳淨心於智者前謙下恭敬長跪曲身於佛像前作是言唯願大德授我菩薩戒作是語已一心念住長養淨心我今不久當得無盡无量無上大功德聚如是念已默然而住尔時智者於彼受者不起乱心若坐若立而作是言汝某甲善男子諦聽法弟汝是菩薩不答言是發菩提願未答言已發問已復作是言汝善男子欲於我所受一切菩薩戒律儀戒攝善法戒攝

衆生戒此諸戒是過去未來現在一切菩薩所住戒過去一切菩薩已學未來一切菩薩當學現在一切菩薩今學汝能受不答言能第二第三亦是如是說

智者三說授彼戒已受者不起今時智者於佛像前敬礼十方世界諸菩薩衆如是白言某甲菩薩於我某甲前三說受菩薩戒我為作證一切十方無量諸佛第一元上大師現知見覺者於一切衆生一切法現知見覺亦如是白言菩薩於我某甲前三說受菩薩戒我為作證第二第三亦是如是如是受菩薩戒竟次第十方一切世界無量諸佛及住大地諸菩薩前法有相現尔時十方世界諸佛菩薩念是菩薩起如實知見某世界中某菩薩從某菩薩受菩薩戒於是菩薩起子想弟想慈心愛念慈心愛念故今是菩薩善法增長終不退減如是如是知覺如是受菩薩戒已智者受者向十方諸佛及菩薩衆敬礼而退如是菩薩所受律儀戒於餘一切律

地持經第五卷 第三十

地持經第五卷 第三十

地持經第五卷 第三十

儀戒最嚴最上攝受元量無邊功德從第一元上真實心起一切衆生一切惡行對治波羅提木叉戒於此律儀戒百不及其一百千万分乃至極竿數辭喻亦不及一攝受一切諸功德故住菩薩戒者作是思惟如法者行非法不行功德轉增學戒菩薩聞修多羅藏所說及菩薩摩得勒伽藏所說當勤護持有智菩薩不從一切菩薩受菩薩戒若不信者則不從受謂初聞菩薩戒不信不順不能思惟慳吝者貪者多欲者不知足者破戒者憊緩者不護戒者賤者恨者不堪忍者懶墮者懈怠者著睡眠者樂說世事者如是等人悉不從受若有菩薩修習善心乃至一聲牛乳傾者不飲酒者不愚癡者不怯弱者不少聞者不謗菩薩藏修多羅者從如是等人受菩薩戒菩薩受菩薩戒者誹謗違逆菩薩藏者不向其說亦不教義何以故彼聞已不信無知覆障故而生誹謗如是謗者如受菩薩戒无量功德聚謗者罪報亦復如是乃至不捨

惡言惡見惡覺終不捨離如是罪華菩薩欲受菩薩戒時智者應先為說菩薩摩得勒伽藏說菩薩戒及犯戒相令受戒者自心觀察智慧思惟我堪受戒非効他受是名堅固菩薩如是人者應受菩薩戒

如是菩薩住律儀戒者有四波羅夷處法何等為四菩薩為貪利故自欺已德毀咎他人是名第一波羅夷處法菩薩自有財物性慳惜故貪苦衆生無所依怙來求索者不起悲心給施所求有欲聞法怯惜不說是名第二波羅夷處法

菩薩瞋恚出處惡言意猶不息復以手打或加杖石殘害恐怖瞋恨增上犯者求悔不受其懺結恨不捨是名第三波羅夷處法菩薩謗菩薩藏說相似法熾然建立於相似法若心自解或從他受是名第四波羅夷處法

是名菩薩四波羅夷處法

是菩薩於四波羅夷處法一一犯是名波羅夷處法何況犯四不能增廣現法莊嚴菩提亦不增長現在淨心

是名相似菩薩非實菩薩若菩薩以軟中煩惱犯四法者不名捨律儀戒若上煩惱犯是名為捨若於四法數違犯不生慙愧歡喜愛樂言是功德是名上煩惱犯菩薩元有煩惱四波羅夷處法捨菩薩律儀戒如比丘捨律儀戒菩薩失律儀戒已堪任更受非如比丘犯木叉戒不得更受有二因緣失菩薩律儀戒一者捨无上菩提願二者起增上煩惱犯無有捨身受身失菩薩戒乃至十方在所受生亦復不失若菩薩不捨大願非上煩惱犯捨身受身雖不憶念從善知識數數更受猶是本戒不名新得

是住律儀戒菩薩當知犯非犯淨汙非淨汙軟中上

若菩薩住律儀戒於一日一夜中若佛在世若佛塔廟若法若經卷若菩薩修多羅藏若菩薩摩得勒伽藏若比丘僧若十方世界大菩薩眾若不少多供養乃至一札乃至不以一偈讚歎三寶功德乃至不能一念淨心者是名為犯眾多犯若不恭敬若懶

地持經第五卷 第五

惰若懈怠犯是犯淨汙起若忘誤犯非淨汙起不犯者入淨心地菩薩如得不壞淨比丘常法供養佛法僧寶若菩薩多慈不知足貪著財物是名為犯眾多犯是犯淨汙起不犯者為斷彼故起欲方便攝受對治性利煩惱更數數起

若菩薩見上座有德應敬同法者慙慢瞋恨不起恭敬不讓其坐問評諸法悉不酬答是名為犯眾多犯是犯淨汙起若懶惰懈怠若無記心若忘誤犯非淨汙起不犯者若狂若重病若亂心若眠作覺想問評諸法悉不答者是名不犯若上座說法及決定論時若自說法若聽法若自決定論時若說法眾中若決定論眾中不犯不犯若護說者心若以方便令彼調伏捨離不善修習善法若護僧制若護多人意

若菩薩擅越來請若至自舍若至寺內若至餘家若施衣食種種眾具菩薩以瞋慢心不受不往是名為犯眾多犯是犯淨汙起不犯者若病若无

地持經第五卷 第六

力若狂若遠處若道路恐難若知不受令彼調伏捨惡住善若先受請若修善法不欲毀廢為欲得聞未曾有法饒益之義及決定論若知請者為欺惱故若護多人嫌恨心故若護僧制若菩薩有擅越以金銀真珠摩尼琉璃種種寶物奉施菩薩菩薩以瞋慢心違逆不受是名為犯眾多犯是犯淨汙起捨眾生故若懶惰懈怠犯非淨汙起不犯者若狂若知受已必生貪著若知受已施主生悔若知受已施主生感若知受已施主貪惱若知是物是三寶物若知是物是劫盜得若知受已多得苦惱所謂煞縛縛縛奪財呵責

若菩薩眾生往至其所欲得聞法若菩薩瞋恨慳嫉不為說者是名為犯眾多犯是犯淨汙起若懶惰懈怠犯非淨汙起不犯者若外道求短若重病若狂若知不說令彼調伏若所修法未善通利若知前人不恭敬順威儀不整若彼鈍根聞深妙法生怖畏心若知聞已增長邪見若知聞已毀

地持經第五卷 第七

若退沒若彼聞已向惡人說破壞正法
若菩薩於凶惡犯戒衆生以瞋恨心
若自捨若遮他令捨不教化者是名
為犯衆多犯是犯染汙起若懶惰懈
怠若忘遮他犯非染汙起何以故菩
薩於惡人所起慈悲心深於善人不
犯者若狂若知不說令彼調伏如前
說若護他心若護僧制

若菩薩於如來波羅提木叉中毗尼
建立逮罪護衆生故令不信者信
者增廣同聲聞學何以故聲聞者
至自度乃至不離護他令不信者信
信者增廣學戒何況菩薩第一義度
又復遮罪住少利少作少方便世尊
為聲聞建立者菩薩不同學此戒何
以故聲聞自度捨他應住少利少作
少方便非菩薩自度度他應住少利
少作少方便菩薩為衆生故從非親
里婆羅門居士求百千衣及自恣與
當觀施主堪與不堪隨施應受如衣
鉢亦如是如衣鉢如是自乞縷令非
親里織師織為衆生故應畜惱奢耶
卧具坐具乃至百千乃至金銀百千

地持經卷五 第八行

亦應受之如是等住少利少作少方
便聲聞遮罪菩薩不共學住菩薩律
儀戒為諸衆生若嫌恨心住少利少
作少方便者是名為犯衆多犯是犯
染汙起若懶惰懈怠住少利少作少
方便犯非染汙起若菩薩身口語曲
若現相若毀咎若因利求利住邪命
法無慚愧心不能捨離是名為犯衆
多犯是犯染汙起不犯者若斷彼故
起欲方便煩惱增上更數數起

若菩薩掉動心不樂靜高聲嬉戲令
他喜樂作是因緣是名為犯衆多犯
是犯染汙起若忘誤犯非染汙起不
犯者為斷彼故起欲方便如前說又
不犯者他起嫌恨欲令止故若他慈
憂欲令息故若他性好戲為攝彼故
欲斷彼故為將護故若他疑菩薩嫌
恨違背和顏戲笑現心淨故

若菩薩作如是見如是說言菩薩不
應樂涅縣應背涅縣不應怖畏煩惱
不應一向厭離何以故菩薩應於三
阿僧祇劫久受生死求大菩提作是
說者是名為犯衆多犯是犯染汙起

地持經卷五 第九行

何以故聲聞深樂涅縣畏厭煩惱百
千萬倍不及菩薩深樂涅縣畏厭煩
惱謂諸聲聞但為自利菩薩不令普
為衆生彼習不染汙心勝阿羅漢成
就有漏離諸煩惱

若菩薩不護不信之言不護譏毀亦
不除滅若實有過惡不除滅者是名
為犯衆多犯是犯染汙起實元過惡
而不除滅非染汙起不犯者若外道
誹謗及餘惡人若出家乞食修善因
緣生他譏毀若前人若瞋若狂而生
譏毀

若菩薩觀衆生應以苦切之言方便
利益恐其憂惱而不為者是名為犯
衆多犯是犯非染汙起不犯者觀彼
現在少所利益多起憂惱

若菩薩罵者報罵瞋者報瞋打者報
打毀者報毀是名為犯衆多犯是犯
染汙起

若菩薩侵犯他人或雖不犯令他疑
者即應懺謝嫌恨輕慢不如法懺謝
是名為犯衆多犯是犯染汙起若懶
惰懈怠犯非染汙起不犯者若以方

地持經卷五 第十行

便令彼調伏若彼欲令作不淨業然
後受者不謝無罪若知彼人性好問

訟若悔謝者增其瞋怒若知彼和忍
無嫌恨心恐彼慙耻不謝無罪

若菩薩他人求犯如法悔謝以嫌恨
心欲惱彼故不受其懺是名為犯眾

多犯是犯染汙起若不嫌恨性不受
懺是犯非染汙起不犯者若以方便

令彼調伏如前說若彼不如法悔其
心不平不受其懺無罪

若菩薩於他起嫌恨心執持不捨是
名為犯眾多犯是犯染汙起不犯者

為斷彼故起欲方便如前說
若菩薩為貪奉事畜養者屬者是名

為犯眾多犯是犯染汙起不犯者無
貪心畜

若菩薩癡憒慳急耽樂睡眠若非時
不知量是名為犯眾多犯是犯染汙

起不犯者若病若無力若遠行疲極
若為斷彼故起欲方便如前說

若菩薩以染汙心論說世事經時者
是名為犯眾多犯是犯染汙起若忘

誤經時犯非染汙起不犯者見他聚
未自聞事

若菩薩欲求定心嫌恨憍慢不受師
教是名為犯眾多犯是犯染汙起若

癡憒慳急犯非染汙起不犯者若疾病
若無力若知彼人作顛倒說若自多

聞有力若先已受法
若菩薩起五蓋心不開覺者是名為

犯眾多犯是犯染汙起不犯者為斷
彼故起欲方便如前說

若菩薩見味憚以為功德者是名為
犯眾多犯是犯染汙起不犯者為斷

彼故起欲方便如前說
若菩薩如是見如是說言菩薩不應

聽聲聞經法不應受不應學菩薩何
用聲聞法為是名為犯眾多犯是犯染

汙起何以故菩薩尚聽外道異論况
復佛語不犯者專學菩薩藏未能周及

若菩薩於菩薩藏不作方便棄捨不
學一向修集聲聞經法是名為犯眾

多犯是犯非染汙起
若菩薩於佛所說棄捨不學反習外

道邪論世俗經典是名為犯眾多犯
未自聞事

若菩薩欲求定心嫌恨憍慢不受師
教是名為犯眾多犯是犯染汙起若

癡憒慳急犯非染汙起不犯者若疾病
若無力若知彼人作顛倒說若自多

聞有力若先已受法
若菩薩起五蓋心不開覺者是名為

犯眾多犯是犯染汙起不犯者為斷
彼故起欲方便如前說

若菩薩見味憚以為功德者是名為
犯眾多犯是犯染汙起不犯者為斷

彼故起欲方便如前說
若菩薩如是見如是說言菩薩不應

聽聲聞經法不應受不應學菩薩何
用聲聞法為是名為犯眾多犯是犯染

汙起何以故菩薩尚聽外道異論况
復佛語不犯者專學菩薩藏未能周及

若菩薩於菩薩藏不作方便棄捨不
學一向修集聲聞經法是名為犯眾

多犯是犯非染汙起
若菩薩於佛所說棄捨不學反習外

道邪論世俗經典是名為犯眾多犯
未自聞事

若菩薩欲求定心嫌恨憍慢不受師
教是名為犯眾多犯是犯染汙起若

癡憒慳急犯非染汙起不犯者若疾病
若無力若知彼人作顛倒說若自多

受樂不捨不作毒想是名為犯眾多
犯是犯染汙起若菩薩聞菩薩法藏

甚深義真實義諸佛菩薩无量神力
誹謗不受言非利益非如來說亦是

不能安樂眾生是名為犯眾多犯是
犯染汙起或自心不正思惟故謗或

隨順他故謗是菩薩聞第一甚深義
不生解心是菩薩應起信心不諂曲

心作是學我大不是盲無慧目如來
慧眼如是隨順說如來有餘說云何

起謗是菩薩自處無知處如是如來
現知見法正觀正而不犯非不解謗

若菩薩以貪恚心自欺已德毀訾他
人是名為犯眾多犯是犯染汙起不

犯者若輕毀外道攝揚佛法若以方
便令彼調伏如前說又不犯者令不

信者信信者增廣
若菩薩聞說法處若決定論處以憍

第二六冊

三九

地持經第五卷 第二十七行

地持經第五卷 第二十七行

地持經第五卷 第二十七行

地持經第五卷 第二十七行

地持經第五卷 第二十七行

地持經第五卷 第二十七行

地持經第五卷 第二十七行

地持經第五卷 第二十七行

地持經第五卷 第二十七行

慢心瞋恨心不往聽者是名為犯衆多犯是犯捺汙起若癡墮慳急是犯非捺汙起不犯者若不解若病若无力若彼顛倒說法若護說者心若數數聞已受持已知義若多聞若聞持若如說行若修禪定不欲毀廢若鈍根難悟難受難持不往者皆不犯若菩薩輕說法者不生恭敬嗤笑毀訾但著文字不依實義是名為犯衆多犯是犯捺汙起

若菩薩住律儀戒見衆生所作事以瞋恨心不與同事所謂思量諸事若行路若如法興利若田業若牧牛若和諍若吉會若福業不與同者是名為犯衆多犯是犯捺汙起若癡墮慳急犯非捺汙起不犯者若病若无力若被自能辦若彼自有多伴若彼所作事非法非義若以方便令彼調伏如前說若先許他若彼有怨若自修善業不欲毀廢若性闇鈍若護多人意若護僧制不與同者皆不犯

若菩薩見羸病人以瞋恨心不往瞻視是名為犯衆多犯是犯捺汙起若

懶惰懈怠犯非捺汙起不犯者若自病若無力若教有力隨順病者若知彼人自有眷屬若彼有力能自經理若病數發若長病若修勝業不欲毀廢若闇鈍難悟難受難持難緣中住若先看他病如病窮苦亦不

若菩薩見衆生造今世後世惡業以瞋恨心不為正說是名為犯衆多犯是犯捺汙起不犯者若自無智若元力若使有力者說若彼自有力若彼自有善知識若以方便令彼調伏如前說若為正說於我增恨若出惡言若顛倒受若無愛敬若復彼人性樂懽快若菩薩受他恩惠以瞋恨心不以若等若增酬報彼者是名為犯衆多犯是犯捺汙起若癡墮慳急犯非捺汙起不犯者若作方便而無力若以方便令彼調伏如前說若欲報恩而彼不受

若菩薩見諸衆生有親屬難財物難以瞋恨心不為開解除其憂惱是名為犯衆多犯是犯捺汙起若癡墮慳急犯非捺汙起不犯者如前不同事

中說

若菩薩有求飲食衣服以瞋恨心不能給施是名為犯衆多犯是犯捺汙起若癡墮慳急犯非捺汙起不犯者若自元若求非法物若不益彼物若以方便令彼調伏如前說若彼犯王法護王意故若護僧制

若菩薩攝受徒衆以瞋恨心不如法教授不能隨時從婆羅門居士所求衣食卧具醫藥房舍隨時供給是名為犯衆多犯是犯捺汙起若癡墮慳急放逸犯非捺汙起不犯者若以方便令彼調伏如前說若護僧制若病若無力若使有力者說若彼有力多知識大德自求衆具若曾受教自己知法若外道竊法不能調伏

若菩薩以瞋恨心不隨他者是名為犯衆多犯是犯捺汙起若癡墮慳急犯非捺汙起不犯者若彼欲為不如法事若病若無力若護僧制若彼雖如法能令多人起非法事若伏外道故若以方便令彼調伏

若菩薩知他衆生有實功德以瞋恨

心不向人說亦不讚歎有讚歎者不
唱善哉是名為犯衆多犯是犯捺汗
起若癡癡懸怠放逸犯非捺汗起不
犯者知彼少欲護彼意故若病若无
力若以方便令彼調伏若護僧制若
令彼人起煩惱起溢喜起惕起非義
除此諸患故若實功德似非實德若
實善說似非善說若為摧伏外道邪
見若特說竟

若菩薩見有衆生應呵責者應折伏
者應罰黜者以捺汗心不呵責若呵
責不折伏若折伏不罰黜是名為犯
衆多犯是犯捺汗起若癡癡懸怠放
逸犯非捺汗起不犯者彼不可治不
可與語難可教誨多起嫌恨若觀時
若恐因彼起鬪諍相違若相言訟若
僧諍若壞僧若彼不諂曲有慚愧漸
自改悔

若菩薩成就種種神力應恐怖者而
恐怖之應引接者而引接之欲令衆
生消信施故若不以神力恐怖引接者
是名為犯衆多犯是犯捺汗起不犯
者若彼衆生更起捺汗著外道謗聖成

地持經第五卷 第七行

就邪見一切不犯若彼發狂若增苦
受此事起菩薩戒佛於處處修多羅
中說律儀戒攝善法戒攝衆生戒律
儀戒攝此是菩薩藏摩得勒伽和合
說菩薩當精勤受持起上恭敬專心
修學從他正受已極清淨欲學心苦
提心利衆生心從初受戒專精護持
若有所犯即如法懺悔此一切菩薩
犯當知突吉羅攝當向大小乘人能
解語能受悔者如法懺悔若菩薩以
增上煩惱犯波羅夷處法者失律儀
戒應當更受若中煩惱犯波羅夷處
法者當向三人若過三人長跪合掌
作突吉羅懺悔稱先所犯罪名作是
說言大德憶念我某甲捨菩薩毗尼
如前所說事犯突吉羅罪餘如比丘
突吉羅懺悔法說若下煩惱犯波羅
夷處法及餘所犯向一人懺悔若無
如法人當起清淨心念言我終不重
犯此罪於未來世中常攝持律儀戒
若能如是所犯即除若元如是具足
功德人可從受菩薩戒者是菩薩應
於佛像前自受應如是受整衣服偏

地持經第五卷 第七行

袒右肩右膝著地曲身合掌作如是
言我某甲白十方世界一切諸佛及
入大地諸菩薩衆我今於諸佛菩薩
前受一切菩薩戒律儀戒攝善法戒
攝衆生戒此諸戒是過去一切菩薩已
學未來一切諸菩薩當學現在一切
菩薩今學第二第三亦如是說說已
應起餘如前說若菩薩所犯無餘犯
如世尊說菩薩起瞋煩惱犯應更受
非貪欲起當知此意菩薩起愛念衆生
為增上凡有所作一切能作菩薩所
作非作所作犯應更受菩薩瞋衆生
者不能自度度他亦不能作菩薩所
作如是不作所作犯應當更受當知
菩薩軟中上犯如四攝品說若菩薩於
此律儀戒具足成就就三正法者得安
樂住一者方便具足二者淨心具足
三者今因具足菩薩於戒不穿漏淨身
口意業不數數犯發露諸惡是名方
便具足菩薩為法出家不為身命為
義為禪定不為財利為沙門為涅槃
不為非義不為懈怠精進不退不雜
衆惡不善之法煩惱受有熾然苦報

地持經第五卷 第九行

及未來世生老病死是名淨心具足
菩薩本餘生時廣修諸善於今不乏
衣食牀卧湯藥眾具能修惠施是名
本因具足住律儀戒菩薩具足三正法
者是名安樂住與此相違是名具足三
不正法戒當知善住是名略說廣說在
家出家一切戒此一切戒當知分別
為難戒等

難戒者略說三種菩薩具足大財大
勢力能捨出家受苦難戒是名第一
難戒菩薩若遭急難乃至失命於所
受戒不令缺減況具足犯是名第二
難戒菩薩於一切修行一切正受一
切憶念心住不乱乃至盡壽於細微
戒終不缺減何況重者是名第三難戒
一切門戒者有四種一者正受戒二
者性戒三者習戒四者方便戒戒正
受戒者菩薩已受三種律儀戒所謂
律儀戒攝善法戒攝眾生戒性戒者
菩薩性自賢善身口意淨習戒者菩
薩本餘生時如所說三種戒已曾修
習以本因故一切惡不樂行心常厭
惡樂修善行方便戒者菩薩依四

地持經第五卷 第三行

攝事於諸眾生行善身口業善人戒
者有五種一者自持淨戒二者授與
他人三者讚歎淨戒四者見同法者
心生歡喜五者設有毀犯如法悔除
一切行戒者彼六種七種一向略說
十三種迴向大菩提廣攝戒故是名
為廣樂著欲樂自身苦行難此二邊
故是名無罪歡喜之慶盡其壽命常
不還戒一切利養行外道邪論煩惱
諸纏不能侵欺故亦不能奪故是名
堅固戒在嚴成就故當知戒莊嚴謂
聲聞地離生等律儀戒攝善法戒
攝眾生戒順戒不順戒護隨護戒大
人相報增上意報善趣報利眾生報
除惱戒者有八種菩薩初作是思惟
如我不欲令他然盜邪淫妄語兩舌
惡口綺語手石杖等觸惱於我如我
不欲不喜彼亦如是云何以此加於
他人以是故不惱於彼乃至不加手
石杖等觸作是思惟已不以八事觸
惱眾生是名菩薩除惱戒
此世他世樂戒者有九種菩薩遠
則遮開處則開攝處則攝應降伏者

地持經第五卷 第三行

則降伏之菩薩於彼身口業是四種
戒又檀波羅蜜俱戒攝提波羅蜜
梨耶波羅蜜律波羅蜜般若波羅蜜
俱戒是五種戒如是略說九種戒是
菩薩自己及他現法樂住及後世樂
是故說名此世他世樂戒

清淨戒者有十種一者初善受戒為
沙門為菩提不為身命二者終不違
戒起於疑悔三者不過持戒起非處
疑悔故四者難諸懈怠不樂睡眠日
夜精勤成就善法五者攝心不令放
逸如前不放逸說六者修習正願不
顧財利及生天上常修梵行七者攝
持威儀善於威儀所作眾事方便修
習善如法身口行正命具足諂曲邪
命種種過惡皆悉遠離八者離於二
邊離隨順欲樂及諸苦行故九者修
習出要異學諸見皆悉遠離十者於
所受戒不缺不減此十種名清淨戒
是名菩薩大戒聚得菩提果菩薩依
此戒已滿足尸波羅蜜得阿耨多羅
三藐三菩提乃至未成无上正覺得
五種福利一者常為一切諸佛所念

地持經第五卷 第三行

二者終時其心歡喜三者捨身在所生處常與淨戒諸菩薩眾為善知識四者無量功德聚戒度成就五者今世後世性戒成就如前所說自性等九種戒當知三戒所攝所謂律儀戒攝善法戒攝衆生戒又復三種略說能為菩薩三事一者律儀戒能令心住二者攝善法戒自成佛法三者攝衆生戒成就衆生是名菩薩一切事所謂現法心得樂住身心不倦能具足佛法成就衆生是名菩薩戒是名戒福是菩薩所作無餘无上過去一切諸菩薩等求大菩提已於中學未來當學現在今學

菩薩地持經卷第五

王寅歲高麗國太藏都監奉

勅雕造

地持經第五卷 第十三行

菩薩地持經卷第六

行

菩薩地持方便廣忍品第十一

北凉中印度三藏法師鳩摩羅什譯

云何菩薩廣提波羅蜜略說有九種一者自性忍二者一切忍三者難忍四者一切門忍五者善人忍六者一切行忍七者除惱忍八者此世他世樂忍九者清淨忍云何自性忍菩薩依思惟力若性能忍他人不饒益事一切諸忍依無貪心統一悲心是名略說自性忍云何菩薩一切忍略說二種一依在家二依出家此二各有三種一者他不饒益忍二者安苦忍三者法思惟解忍他不饒益忍者從久遠來元間大苦他不饒益現前迫切菩薩作如是學是我自業過惡所犯本作罪業得今日苦今若不忍復為未來大苦因緣我今便為重自造苦不由於他又我身及彼俱是一切有為行苦彼無智故於我性苦更增其苦我今有智云何復欲重加其苦又復聲聞自利尚不以苦加於他人

況於菩薩廣利衆生如是思惟已修習五種想於慈觀中入下中勝品若苦若樂有德元德如是衆生一切能忍云何五種想一者本親屬想二者法數想三者無常想四者苦想五者攝取想本親屬想者菩薩作如是學衆生久遠已來少非親者若父若母兄弟姊妹和上阿闍梨若師若師等及諸所尊於慈憫所如是正思惟時捨慈憫不饒益想住本親想依本親想已他不饒益者悲能堪忍法數想者菩薩作如是學因緣行數法數元我衆生壽命生者罵者打者誚者如是正思惟時離衆生想住法數想依法數想已他不饒益者悲能堪忍無常想者菩薩作如是學一切衆生所起者一切悲是無常死法於上復有不饒益事欲斷其命如是无常衆生性是死法智者不起不清淨心況復手石刀杖欲斷其命如是正思惟時離常堅固想住元常不堅固想依無常想已他不饒益者悲能堪忍苦想者菩薩觀大力具足者尚不離

三相所謂行苦變易苦苦况復不具足者菩薩作如是學時於常苦眾生欲令離苦云何加報重增其苦如是正思惟時離於樂想住於苦想依苦想已他不饒益者慈能堪忍攝取想者菩薩作如是學我於一切眾生發菩提心於一切眾生作親屬想我應攝取普令安樂不應於親屬眾生應利益慶而復重加不饒益事如是正思惟時滅除他想住攝取想依攝取想已他不饒益者慈能堪忍云何為忍若不瞋不報心不懷恨是名為忍安苦忍苦菩薩作如是學我從昔來常求欲事為諸苦因生无量苦所謂營世生業治生種種奉事王家如是諸苦莫不脩經皆是癡冥無知過故今當修習樂因具足善法無量眾苦慈當安忍况復小苦如是正思惟時覺慈具足一切苦事慈能安忍一切苦事略說八種一者依慶二者世法慶三者威儀慶四者攝法慶五者比丘隨戒慶六者方便慶七者利眾生慶八者諸所作慶依者謂四依法

地持經第六 第三卷

依正法出家得比丘分菩薩若得嚴密禁惡不恭敬與留難不時心无憂惱菩薩於彼眾苦不捨精進如是名為安忍依苦世法者有九種一者不利二者不稱三者毀四者苦五者壞法壞六者盡法盡七者老法老八者病法病九者死法死此諸世法若難若合能生眾苦是名世法慶菩薩於彼眾苦不捨精進如是名為安忍世法苦威儀者有四威儀行住坐卧是菩薩若行若坐晝夜二時除去陰障心得清淨不非時卧卧林坐林草敷業數因此疲極而生眾苦慈能堪忍菩薩於彼眾苦不捨精進如是名為安忍威儀苦攝法者有七種寶供養德供養諮受正法廣為人說妙音讚歎獨靜思惟稱量觀察憶念攝受修習止觀菩薩攝此七種法方便修習所起眾苦慈能堪忍終不日是捨正方便比丘隨戒者有七種一者毀戒好除顯驗捨俗相二者著壞色衣三者捨除不如法世俗所行心正念住三者依他活命捨世事業五者三

地持經第六 第四卷

從他求衣以不積聚故六者盡壽障人五欲攝諸根門捨非梵行七者盡壽捨歌舞倡伎種種戲樂如是等所作艱難行比丘戒由是生苦菩薩安忍不捨精進精勤者菩薩精勤供養三寶受持讀誦菩薩經藏書寫解說思惟其義勤加精進修集聖道由是生苦菩薩安忍不捨捨於眾生利眾生慶者略說有十一事如前說因是生苦菩薩安忍不捨捨於精進諸所作者出家衣鉢業等在家營生業等因是生苦菩薩安忍不捨故而捨精進苦菩薩雖受眾苦要當安忍修元上菩提非不修習修習已終不退轉心常歡喜不生染汙是名安苦忍法思惟解忍者是菩薩於法正擇善觀開覺於八種解慶深入繫念所謂三寶功德真實之義諸佛菩薩大神通力若因若果所應得義得義方便所知行慶又復解者有二因緣一者久速修習二者得快淨智是名菩薩一切忍依於三種分別廣說為難忍等云何難忍略說三種若菩薩於下劣眾生不饒益者慈能堪忍是名第一

地持經第六 第五卷

難忍若於僕使自能堪忍是名第二
難忍下種性人起增上過而能堪忍
是名第三難忍

云何菩薩一切門忍略說四種一者
堪忍親屬不饒益事二者堪忍怨家
不饒益事三者堪忍中人不饒益事
四者堪忍下中上不饒益事

云何善人忍略說五種是菩薩先見
行忍有大福利謂修行忍若於未來
世不多結恨不多乖離心多喜樂死
時無悔身壞命終生於善趣天上化
生見如是等功德福利能自堪忍教
他行忍常為他人歡忍功德見他行
忍其心隨喜

云何菩薩一切行忍謂六種七種略
說十三種菩薩見不忍者得大苦報
畏怖故忍於一切眾生慈心悲心親
厚心親愛故忍懇懇願樂无上菩提
欲滿足辱提波羅蜜作因故忍忍力
故出家如世尊說常當具足等受持
戒是出家忍是名受法忍種性具足
及先修習現在住是名性忍知一切
法無有眾生見離言語法數是名正
念法忍一切不饒益忍一切忍一切

地持經第六卷 第六段 行

慶忍謂一人及大眾會一切時忍謂
平旦日中日入日夜過去未來現在
若病不病若卧若起身常行忍不顯
惱彼口常行忍離不愛語意常行忍
不與忿怒亦復不起不淨怖望

云何菩薩除惱忍略說八種一者菩
薩於苦求者堪忍不惱二者於凶暴
增上惡者依大悲心堪忍不惱三者
於出家犯戒者依大悲心堪忍不惱
五種精進堪忍不惱苦惱眾生欲為
除苦求法及法次法向如是法廣為
宣說若眾生所作惡皆營助精進堪
能是名八種除惱忍眾生所患堪忍
為除所可乏少堪忍饒益

地持經第六卷 第七段 行

他不饒益無反報心二者不起惡恨
三者无恚憎想四者常饒益向如本
心後亦如是作饒益已捨不饒益五
者於不饒益者軟語辭謝六者若彼
悔謝能速忍受七者見彼不忍加以
悲心八者見彼修忍倍增敬憐九者
眾生恐怖深起悲心十者斷除一切
不忍等過離欲清淨如是十種名菩
薩淨忍如是從性忍乃至淨忍廣大
無量大菩提果因依是忍必得阿耨
多羅三藐三菩提

菩薩地持方便廣精進品第十二
云何菩薩毗梨耶波羅蜜略說有九
種一者自性精進二者一切精進三
者難精進四者一切門精進五者善
人精進六者一切行精進七者除惱
精進八者此世他世樂精進九者清
淨精進云何自性精進是菩薩心堪
能攝受無量善法利益安樂一切眾
生熾然不斷亦不顛倒彼所起身口
意業是名菩薩自性精進

地持經第六卷 第八段 行

擗精進二者攝諸善法三者利益衆生即擗精進者菩薩先起精進方便心數堪能被即擗鎧作是念言我為一衆生既苦因緣故以百千大劫為一日一夜如是數億百千大劫在地獄中乃至成佛擗不退轉不得無上菩提終不捨精進況復少時受於少苦是名菩薩即擗精進如是像類菩薩即擗精進起少解少信已能長養无量開覺勤方便性况復成就如是即擗精進菩薩為無上菩提故利益衆生不以為難生退沒想攝善法精進者菩薩精進為檀波羅蜜方便成就故為戒忍禪定般若波羅蜜方便成就故略說七種一者不動一切妄想煩惱異論無量衆苦不傾動故二者堅固頓方便故三者得无量明慶安住正念故四者方便具足所當得義不顛倒道隨順得故五者正精進義競益所當得義成就願故六者熾然常勤方便故七者離慢精進方便心不自舉故菩薩修此七種攝諸善法精進方便疾滿足諸波羅蜜得阿

地持經第六卷 第九段 行

耨多羅三藐三菩提一切菩提行善法皆此精進之所成就是故此精進為最上最勝因无餘無上是故世尊修多羅中種種稱歎精進為阿耨多羅三藐三菩提因菩薩利衆生精進有十一種如戒品說彼說戒戒此說精進云何菩薩難精進略說三種是菩薩精進無間无衣食想林卧具想已身想常修善法是名第一難精進菩薩如是精進乃至捨身受身常修善法不捨精進是名第二難精進是菩薩平等分別功德具足不緩不急心不顛倒以義競益精進成就是名第三難精進又此菩薩難精進力當知是攝取大悲及智慧因云何菩薩一切門精進略說四種一者捨離染汙法二者生白淨法三者淨除三業四者增益智慧捨離汙法者菩薩精進離諸煩惱未起不起已起令滅生白淨法者未生善法方便令生已生善法方便增廣淨除三業者菩薩精進三業清淨悉能攝取善身口意業增益智慧首菩薩精進得

地持經第六卷 第十段 行

聞思修慧增長具足云何菩薩善人精進略說五種一者無不作一切欲方便不休息故二者不下隨其所起若中若上精進長養故三者不懈怠勇猛熾然長久无間精進方便心不退沒不息不壞故四者不顛倒義競益方便攝取故五者懇懃方便精進速疾於無上菩提故云何菩薩一切行精進者謂六種七種略說十三種六種者所謂常精進常方便故頻精進至到方便故快精進因本精進力故方便精進思惟計按善方便故不動精進一切苦觸不傾動故亦不向餘義故不知足精進限量勝進不歡喜故菩薩成就如是六種一切行精進者懇懃精進堪能堅固於諸善法不可毀壞復有七種一者與欲俱精進懇懃欲願長養无上菩提故二者等具足精進諸餘煩惱淨汙心住菩薩精進於諸善法等心住故三者勝進精進諸餘煩惱上煩惱心住斷彼煩惱如救頭然故四者求精進一切明處求故五者學精進

地持經第六卷 第十一段 行

彼如是諸法隨其所應起法次法向故六者利衆生精進有十一事如前說七者自正方便護精進若有缺漏如法悔故是名七種如是十三種是名菩薩一切行精進菩薩除惱精進此世他世樂精進如忍中說云何菩薩清淨精進略說十種一者隨順二者修習三者專著四者善攝五者時具足六者分別相具足七者不退弱八者不壞九者平等十者迴向大菩提是菩薩為斷除煩惱隨其所應修習對治如受所縛修不淨觀願修慈心癡觀緣起覺觀所亂修安般念佛修分別界方便觀如是等名隨順精進是菩薩非成就初業精進謂心已住教授教誡修習方便調伏方便是名菩薩修習精進是菩薩非修習精進教授教誡方便心住然是初業是菩薩於是方便專精進方便常方便顯方便是名專著精進是菩薩因諸所尊若多聞力不顛倒受其心安住精進方便是名善攝精進是菩薩如是不顛倒受止時修止學時修

地持經第一卷 第十三行

舉捨時修捨是名時具足精進菩薩於止舉捨相三昧住起相當善觀察不妄分別故名菩薩分別相精進是菩薩聞說第一妙勝第一甚深不可思議无量菩薩精進方便心不自輕亦不怯弱不少勝進生知足想而不上求是名菩薩不退弱精進是菩薩常守根門飲食知量初夜後夜未曾睡眠精進方便正智心住如是等三摩跋提具精勤成就正義饒益是名菩薩不壞精進是菩薩精進方便不緩不急平等修習一切方便平等類修是名菩薩平等精進是菩薩一切精進方便所作迴向元上菩提是名菩薩正迴向精進如是從自性精進乃至清淨精進當得大菩提果菩薩依是精進滿足毗梨耶波羅蜜得阿耨多羅三藐三菩提

菩薩地持方便處禪品第十三

云何菩薩禪波羅蜜略說九種一者自性禪二者一切禪三者難禪四者一切門禪五者善人禪六者一切行禪七者除惱禪八者此世他世樂禪

地持經第一卷 第十三行

九者清淨禪云何自性禪於菩薩藏聞思前行世間出世間善一心安住或止分或觀分或此二同類或俱分是名自性禪

云何菩薩一切禪略說二種一者世間二者出世間又隨其所應各有三種一者現法樂住禪二者出生三昧功德禪三者利益衆生禪菩薩禪定離一切妄想身心止息第一寂滅自樂心息捨離味著及一切相是名現法樂住禪菩薩禪定出生種種不可思議无量無邊十力種性所攝三昧彼諸三昧一切聲聞辟支佛不知其名况復能起及所出生二乘解脫除入一切入无尋慧無諍願智勝妙功德是名菩薩出生三昧功德禪利益衆生禪者有十一種如前說菩薩依布施衆生所作以義饒益皆與同事為除衆苦如所應說知恩報恩護諸恐怖諸難憂苦能為開解資生不具給施所須如法畜衆善能隨順見實功德歡喜讚歎有過惡者等心折伏神力恐怖或令歡喜是名略說一切禪无餘無上

地持經第一卷 第十四行

六何菩薩難禪略說三種菩薩久習勝妙禪定於諸三昧心得自在哀愍衆生欲令成熟捨第一禪樂而生欲界是名菩薩第一難禪菩薩依禪出生无量無數不可思議諸深三昧出過一切聲聞辟支佛上是名第二難禪菩薩依禪得无上菩提是名第三難禪六何菩薩一切門禪略說四種一者有觀有覺禪二者喜俱禪三者樂俱禪四者捨俱禪

六何菩薩善人禪略說五種一者不味者二者慈心俱三者悲心俱四者喜心俱五者捨心俱

六何菩薩一切行禪謂六種七種略說十三種善禪無記化禪止分觀分禪自他利禪正念禪出生神通力功德禪名緣義緣止相緣舉相緣捨相緣現法樂住第一義禪是名十三種菩薩一切行禪

六何菩薩除煩惱禪略說八種一者菩薩入定除諸苦患毒害霜雹熱病鬼病是名呪術所依禪二者菩薩入定能除四大所起衆病是名除惱禪三者

地持經第六卷 第十五經行

菩薩入定興致甘雨能消災旱救諸飢饉是名雲雨禪四者菩薩入定濟諸恐難一切水陸人非人怖是名等度禪五者菩薩入定能以飲食饒益曠野飢渴衆生是名饒益禪六者菩薩入定能以財物調伏衆生是名調伏禪七者菩薩入定覺諸迷醉迷十方者等開覺之是名開覺禪八者菩薩入定衆生所作悉令成就是名等作禪

六何菩薩此世他世樂禪略說九種一者神足變現調伏衆生禪二者隨說示現調伏衆生禪三者教誡變現調伏衆生禪四者為惡衆生示惡趣禪五者失辯衆生以辯饒益禪六者失念衆生以念饒益禪七者造不顧倒論微妙讚頌摩得勒伽為令正法久住世禪八者世間技術義饒益攝取衆生所謂書數等計資生方法如是等種種衆具禪九者乾是息惡趣放光明禪

六何菩薩清淨禪略說十種一者世間清淨淨不味不汙汙禪二者出世

地持經第六卷 第十六經行

間清淨淨禪三者方便清淨淨禪四者得根本清淨淨禪五者根本上勝進清淨淨禪六者入住起力清淨淨禪七者捨復入力清淨淨禪八者神通所作力清淨淨禪九者離一切見清淨淨禪十者煩惱障智障斷清淨淨禪如是菩薩无量禪得大菩提果菩薩依是得阿耨多羅三藐三菩提已得當得

菩薩地持方便慶慧品第十四

六何菩薩般若波羅蜜略說九種一者自性慧二者一切慧三者難慧四者一切門慧五者善人慧六者一切行慧七者除惱慧八者此世他世樂慧九者清淨慧六何菩薩自性慧入一切所知境界隨入已如法擇觀緣五明處所謂內明因明聲明醫方明世工巧明是名自性慧

六何菩薩一切慧略說二種一者世間二者出世間是二略說各有三種一者所知真實隨覺分別二者善攝五明處及三聚法三者利衆生所作菩薩以無言說无我法覺了真諦覺

地持經第六卷 第十七經行

已於上般若第一寂滅處繫念安住
離諸妄想滅除虛偽入於平等大捨
相觀建立及謗是二俱離入于中道
是名隨覺分別慧善五明廣說如
力種性品三聚者義饒益法聚非義
饒益法聚非義饒益非非義饒益法
聚如是八般般若善攝大無上慧眾
具滿足得阿耨多羅三藐三菩提利
眾生所作有十一事如前說於彼一
一處智慧方便調伏眾生

云何難慧略說三種知其深元我法
是名第一難慧調伏眾生方便是名
第二難慧一切所知无障導是名第
三難慧

云何一切門慧略說四種所謂學聲
聞藏菩薩藏聞慧思慧思惟菩薩所
作隨順離諸障導思惟力所攝慧修
力所攝正定地無量慧

云何菩薩善人慧略說五種一者得
聞正法慧二者內正思惟俱慧三者
自利利他方便俱慧四者於諸法法
相法住不顛倒決定慧五者離煩惱
慧復有五種一者細微如其性境界

地持經第六卷 第三十行

入二者周至如其性境界入三者本
得智慧眾具俱生四者諸佛如來及
大地菩薩所說法義悉能受持五者
得淨心地乃至究竟地所攝受慧

云何菩薩一切行慧謂六種七種略
說十三種於四真諦苦智集智滅智
道智究竟盡智无生智是名六種七
種者法智比智等智神通智相智十
力方便智四事具足智

云何菩薩除惱慧略說八種一者知
經法故名法无尋二者知法相故名
義無尋三者知諸法名故名辭无尋
四者知諸法種種句義故名樂說無
尋五者伏一切異論智六者建立一
切正論智七者能治產業增長錢財

智八者善知王者决斷世事智
云何菩薩此世他世樂慧略說九種
於內明處善淨建立智因明聲明智

方明世工巧明善淨建立智如是依
善淨五明善淨調伏眾生愚癡放逸
懈怠令正隨其次第顯示授與照明
歡喜

云何菩薩清淨慧略說十種真實以我

地持經第六卷 第三十行

有二種乃至性如性真實義攝受沉
轉義有二種正因及果攝受取義有
二種顛倒不顛倒如實知方便義有
二種一切應作不應作如實知究竟

義有二種微汙清淨如實知如是五
種十種分別淨慧當知第一清淨如
是菩薩善決定无上慧得大菩提果
菩薩依是滿足般若波羅蜜得阿耨
多羅三藐三菩提又此六波羅蜜處

處修多羅中世尊分別說我今略說
當作是知如來修多羅中說檀波羅
蜜乃至般若波羅蜜分別從自性檀
波羅蜜乃至清淨檀波羅蜜所攝隨

其所應如是尸波羅蜜乃至般若波
羅蜜所攝隨其所應當作是知如來
為菩薩時於無量生苦行相應一切

檀波羅蜜相應當知乃至般若波羅
蜜相應或為攝一或攝二或攝三或攝
四或攝五或攝一切六波羅蜜當知此
六波羅蜜起阿耨多羅三藐三菩提
菩薩大清淨法大清淨海一切眾生
一切種正法因取大珍寶如是无量
功德智慧眾具得阿耨多羅三藐三

地持經第六卷 第三十行

菩提果無餘无上

菩薩地持經卷第六

吳卯歲高麗國大藏都監奉
勅雕造

地持經卷第六 第二十一行

菩薩地持經卷第七

行

菩薩地持方便要四攝品第十五

北涼中印度三藏掌無識於姑臧謄

云何菩薩愛語略說有九種一者自性愛語二者一切愛語三者難愛語四者一切門愛語五者善人愛語六者一切行愛語七者除惱愛語八者此世他世樂愛語九者清淨愛語云何菩薩自性愛語是菩薩可喜真實如法義饒益語與衆生語是名略說菩薩自性愛語

云何菩薩一切愛語略說有二種菩薩慰問舒顏先語平視和色正念在前問言道路清泰四大調適卧覺安樂歎言善未如是等等心慰問隨順世間巧便語言安慰問評或復呪願令妻子眷屬錢財穀米增長具足見功德具足者歎其信戒施聞智慧令其歡喜菩薩說一切種功德相應法安樂衆生常說等說第一勝妙饒益言說是名菩薩一切愛語菩薩愛語二種分別隨世間語及正說法語慰

問讚歎者是名隨世間語第一勝妙饒益說者是名正說法語

云何菩薩難愛語略說三種菩薩於怨家所以清淨心思惟慰喻發喜饒益而共言說是名第一難愛語菩薩於增上愚癡鈍根衆生以無厭心思惟籌量而為說法忍諸疲勞以法攝取為具足說是名第二難愛語菩薩於諂曲幻偽衆生欺和上阿闍梨及尊重福田或背正向邪以无害心方便慰喻發喜饒益而為說法是名第三難愛語

云何菩薩一切門愛語略說四種一者斷除諸蓋向於善趣說初所作法二者斷除諸蓋實心增進說應四真諦法三者見放逸衆生在家出家等心呵責令離放逸住不放逸四者已起疑惑能為開解若說法若決定論云何菩薩善人愛語略說五種一者是菩薩說諸佛菩薩正因調伏法二者正出三者正依四者正度五者正示現處所因緣制戒是故此法名為正因於所受戒有所毀犯教令還淨

是故此法名為正出說四依所攝不顛倒法律至處道是故此法名為正依顯示一切苦不退還道是故此法名為正度三種示現於一切說无尋是故此法名為正示現

云何菩薩一切行愛語謂六種七種略說十三種聽所應聽法愛語制所應制法愛語現諸經法愛語現諸法相愛語現諸法名字不顛倒愛語法句種種分別愛語慰喻愛語發喜愛語自恣安以眾具代其所作虛受普納愛語種種恐怖施安愛語具足說法攝取愛語開覺不善法安立善法見聞疑舉罪折伏愛語勸有力說法者愛語如是十三種名為一切行愛語云何菩薩除惱愛語略說八種是菩薩依口四淨八種聖語是名除惱愛語口四淨者離妄語兩舌惡口綺語八種聖語者見聞覺知說不見不聞不覺不知說

云何菩薩此世他世樂愛語略說九種一者斷親屬難憂苦故愛語說法二者斷財物難憂苦故愛語說法三

地持經第七卷 第三張 行

者斷疾病難憂苦故愛語說法四者斷戒難憂苦故愛語說法五者斷見難憂苦故愛語說法戒具足見具足威儀具足正命具足故愛語說法云何菩薩清淨愛語當知有二十種說法如前力種性品說

云何菩薩行利彼行利者如愛語廣說異行利今當說謂菩薩一切種愛語隨所說義利安眾生云何菩薩自性行利是愛語具足顯示眾生如所應學隨利行法次法向住於悲心无貪著勸導教授調伏安立是名略說自性行利

云何菩薩一切行利略說二種一切眾生未熟者方便令熟已熟者令至解脫又說三種一者與現世利二者與後世利三者與現世後世利勸令眾生如法德業獲大財富守護增長與現世利樂於此現世得大名稱及眾具樂攝受安立勸捨大財非家出家乞求活命與後世利樂以必定得故現則不定勸在家出家次第離欲是名現世後世利樂於此現世身心

地持經第七卷 第四張 行

止息安隱樂佳後世則生淨妙天上及無餘涅界而般涅

云何菩薩難行利略說三種若眾生本來不修善因而能行利是名第一難行利謂苦勸化故若本修善根得大財寶深起貪著而能行利是名第二難行利謂彼大放逸事故外道異學者本邪見而能行利是名第三難行利謂彼愚癡極違正法故云何菩薩一切門行利略說四種一者是菩薩不信者勸令生信乃至建立二者惡戒者勸修淨戒三者惡慧者勸修正慧四者慳者勸修惠施乃至建立

云何菩薩善人行利略說五種一者是菩薩於眾生真實利與二者時與三者義饒益與四者柔軟與五者慈心與

云何菩薩一切行行利謂六種七種略說十三種是菩薩應攝等攝應伏等伏違佛法者除其障導中住眾生令入法律已入者以三乘法而成熟之已成熟者令得解脫眾具護養勸

地持經第七卷 第五張 行

導成執所謂勸捨小乘守護大乘如
眾具護養如是獨靜一心淨諸障且
憶念及修勸令成就有聲聞緣覺種
性者以聲聞緣覺乘而成就之有如
來種性者以無上菩提而成就之

云何菩薩除惱行利略說八種若有
眾生所應慚憂令捨元慚經以得開
覺如無慚經如是无愧經睡經眠經
掉經悔經慳經嫉經恚令開覺亦復
如是

云何菩薩此世他世樂行利略說九
種普令眾生身業清淨謂授一切種
不煞生一切種不盜一切種不邪淫
一切種不飲酒普令眾生口業清淨
謂授一切種不妄語一切種不兩舌
一切種不惡口一切種不綺語普令
眾生意業清淨謂授無貪无恚正見
云何菩薩清淨行利略說十種五種
外清淨五種內清淨五種外清淨者
一者无罪二者不隨轉三者次第四
者一切五者如其所應離惡行者先
惡行者一向惡行者等以善法而成
就之是名無罪利安眾生樂解脫者

地持經第七卷 第八行

勸令解脫是名不隨轉利安眾生童
蒙眾生先說廣法廣近教誡而隨順
之知中智者為說中法中教誡而隨
順之勝智慧者為說深法微細教誡
而隨順之令其次第漸得善法是名

次第利安眾生四性乃至天人一切
眾隨能隨力利益安樂是名一切
利安眾生下善中善上善者隨其所
應方便利安是名如其所應是名五種
外清淨行利五種內清淨者是菩薩廣

住悲心利安眾是菩薩忍一切苦而
不懈憊心常歡喜利安眾是菩薩以
自在身謙卑忍下猶如僕使亦如孝子
如旃陀羅子離諸我慢利安眾是菩
薩離於利養心不虛偽心存勝妙利
安眾是菩薩於究竟處終不退轉
常以慈心利安眾是名菩薩五種
內清淨如是內外五種清淨是名十
種清淨利安眾云何菩薩同利是
菩薩此義此善若等若勝授與眾生
悲與已同是名菩薩與眾生同利菩
薩得此同利調伏眾生堅固決定終
不退轉亦勸授善法何以故彼作是

地持經第七卷 第九行

念是菩薩與我同利必能令我安隱快
樂以是菩薩所授我者自修行故非
不樂因而自修行若以同利教授眾
生彼終不言汝自不行云何勸授教
誡他人汝應從他詒受教誡

有菩薩他同利如是同利不示他有
菩薩不同利如是示同利有菩薩同
利亦示同利有菩薩亦不同利亦不
同利示他初句者諸菩薩等功德住
菩薩道等功德菩薩隱覆真實功德
不為顯示第二句者下劣眾生怖畏

深法菩薩思惟方便調伏現同彼法
如旃陀羅羅疾得利益息憊調伏故現
與彼同第三句者為調伏彼受勸攝
善根眾生故菩薩以住善根若上善
根顯示同利第四句者心自放逸棄
捨他利從種種施如前說如戒廣說
乃至同利彼諸波羅蜜自成熱佛法
成熟攝事是名略說菩薩善法業從
種種施乃至同利是種種无量善法
菩提分當知三種行二種勝三種淨
身口意行當知是行上妙無滌當知
是勝元上不共彼眾生等事等時等

地持經第七卷 第十行

是名上妙衆生等者是菩薩為一切衆生行施等善根不自為已事等者是菩薩行施等一切種善根時等者是菩薩不離方便時節日夜今世後世常修施等善根心不休息無染者有四種是菩薩歡喜心修習善法不因是故生憂苦悔恨是菩薩不惱他人不著諸見不雜惡行行施等善根是菩薩一切自己功德專至顯現堅固顯現寂滅決定不由於他行施戒等諸善法是菩薩不於施等善法而求果報若轉輪聖王帝釋魔梵不求他報不依此等求名利身命於此等行淨歡喜俱不惱亂他專至无依從施等乃至同利諸善法行是名無染熾然不動快淨是名清淨菩薩入淨心地一切善根熾然不動是熾然淨心地菩薩一切善法不思惟起是不動淨心地菩薩隨所得所修善法則不退轉於未來世必定不退日夜增長如明分月日夜增長善法不退亦復如是菩薩住究竟菩薩地一生相續若最後有所得善根名為快淨於

地持經第七 第九卷 行

上更無菩薩淨地故是名三種善行三種勝三種淨當知從檀波羅蜜乃至同利一切施等乃至一切同利修習清淨如來具足充滿无上菩提金剛堅固身正法久住果報生難施乃至難同利修習清淨如來平等奇特未曾有法成就果報生一切門施乃至一切門同利修習清淨如來為一切取勝衆生天人供養果報生善人施等乃至善人同利修習清淨如來於彼無足二足四足多足色无色想無想非想非非想一切衆生取上果報生一切行施乃至一切行同利修習清淨如來種種無量功德攝受三十二大人相八十隨形好身果報生除惱施乃至除惱同利修習清淨如來於菩提樹下一切魔怨不能傾動果報生此世他世樂施乃至此世他世樂同利修習清淨如來取勝禪解脫三昧正受安樂果報生清淨施乃至清淨同利修習清淨如來一切種清淨所謂四種淨身淨緣淨心淨智淨果報生三不護十力四无畏三念處一切不共

地持經第七卷 第一卷 行

佛法清淨果報生是名菩薩施等諸善法果報无上無量菩薩无罪行之所出生

菩薩地持方便優供養習近無量品第十六云何菩薩供養如來略說十種一者身供養二者支提供養三者現前供養四者不現前供養五者自作供養六者他作供養七者財物供養八者勝供養九者不染汙供養十者至處道供養若菩薩於佛色身而設供養是名身供養若菩薩為如來故若供養偷婆若窟若舍若故若新是名支提供養若菩薩面見佛身及支提而設供養是名現前供養若菩薩於如來及支提憐望心俱歡喜心俱現前供養一如來法如是過去未來現在一切如來法一如來支提法如是一切如來支提法作是念我今現前供養如來及供養過去未來現在如來我今現前供養如來支提及供養一切十方無量世界一切支提若偷婆若窟若舍若新若故是名菩薩共現前不現前供養若菩薩於不現前如來

地持經第七卷 第十卷 行

及支提心念供養為一切佛故為一切如來支提故是名不現前供養若菩薩於如來般涅槃後以佛舍利起偷婆若窟若舍若一若二若多乃至億百千万隨力所能是名菩薩廣不現前供養以是因緣得无量果常攝梵福是菩薩常於無量大劫不墮惡趣元上菩提眾具滿足若菩薩於如來及支提現前供養得大功德不現前供養得大大功德共現前不現前供養得大大功德若菩薩於如來及支提手自供養不依懈慳令他施作是名菩薩自作供養若菩薩於如來及支提不獨供養普令父母師友親屬國王大臣長者居士在家出家共供養是名自他共供養若菩薩有少許物以慈悲心施彼貧苦薄福眾生令得供養如來及支提令得安樂而不自為是名菩薩他作供養自作供養者得大果報他作供養者得大大果報自作他作供養者得大大果報

湯藥眾具問訊禮拜空迎舍營重香末香塗香種種香花鬘伎樂幢幡繒蓋燈明種種讚歎三輪作禮敬遶右旋以為供養無量財寶珍奇珠玕現玉石珊瑚琥珀車馬金銀赤寶左旋勝寶摩尼寶環懸以寶鈴散以金錢金縷圍遶如是等寶是名財物供養若菩薩久遠於如來及支提以財物供養若多若勝若現前不現前若自作他作淳淨信心現在前專精解心而作供養以是善根迴向无上菩提如是七種名菩薩勝供養若菩薩自手供養如來及支提不輕他不放逸不懈怠至心恭敬不輕末不亂心不滌汙心不於信心國王諸勝人所現詣曲威儀求財供養不以雌黃塗佛形像亦不以汙而洗浴之亦不燒求求羅香而以供養阿迦花等諸不淨物悉不用之是名菩薩六種無滌汙供養若菩薩殊勝不滌汙財物供養如來及支提若自力得若從他求若如意得彼眾具自在如意得財菩薩若化身若二若三乃至百

千万億身彼一身悉禮如來彼一身化作百千手彼一手以種種花香供養如來及支提彼一切身悉讚歎如來真實功德饒益眾生彼一切身皆以上妙衣服眾寶瓔珞幢幡花蓋供養如來如是等名為如意自在力得繫心供養不待如來出現于世何以故住不退轉地菩薩於一切佛剎未曾障導故若菩薩不自力得財不從他求亦不自在力得而為供養然於他眾若閻浮提若四天下若千世界若二千世界若三千大千世界乃至十方无量世界上中下心所作供養菩薩於彼一切供養以淨信心勝妙解心周遍隨喜是菩薩以少方便興大供養攝大菩提具是菩薩常等真實心可喜樂心應當修學彼菩薩少時乃至一聲牛頃於一切眾生修習慈心悲心喜心捨心於一切有為行起無常想无常苦想苦无我想涅槃安樂想念佛法念僧念波羅蜜乃至少時於一切法起少忍知離言說法自性如解脫離諸妄想

無相心住況復過上彼菩薩護持禁
戒止觀菩提分方便諸波羅蜜諸善
攝事方便是名菩薩至處道供養如
來第一取上軍妙寂勝无上如此供
養比前財物供養百倍千倍乃至極
竿數譬喻不得為比如是十事名菩
薩一切種供養如來如供養佛如是
法如是僧隨所應當知於此三寶作
十種供養

菩薩於如來所起六種淨心謂福田
無上心思德无上心於一切眾生無
上心如優曇鉢花難遇心於三千大
千世界獨一心於世間出世間法一
切具足依義心以此六心少想供養
如來法僧獲無量功德何況多

菩薩成就幾行為善知識有幾行善
知識開導无尋復有幾行得善知識
淨信住處復有幾行善知識調伏眾
生為善知識事菩薩有幾行習近善
知識復有幾行想於善知識聽受正
法菩薩於善知識聽受正法復有幾
度无有想念菩薩成就八事滿足一
切善知識行一者善住律儀戒而不

地持經卷七 第十五行

毀犯二者多聞現在覺悟三者得禪
定修慧及餘止觀善根四者悲心哀
愍捨現法樂廣化眾生五者成就无
畏為眾說法正念不失樂說无畏六
者堪忍輕欺罵辱諸不愛言及諸惡
行皆悲能忍七者無憊多思惟力為
四眾說法而不疲憊八者辯才巧便
九所說法言辭通利菩薩有五事如
是一切種功德具足善知識善知識
所作開導無尋一者先欲安樂眾生
二者於彼安樂如實知之不顛倒覺
三者若作方便隨順說法善能隨順
調伏眾生有堪能力四者心不疲厭
五者平等悲心一切眾生於上中下
心无偏黨

菩薩有五事得善知識淨信住處他
間歡喜况復現見一者威儀成就寂
靜威儀具足威儀舉身齊整二者心
常安住身口意業不憚不躁三者不
誑謂不誑他故攝持威儀四者不嫉
謂於他說法及得財利不生嫉心常
自勸請令他說法若財向已勸與他
人無諂偽心常歡喜見他說法及

地持經卷七 第一行

得利樂起隨喜心如已所得五者以
知足心少積眾具所得能捨
菩薩有五事真善知識調伏眾生為
善知識事一者語言二者與念三者
教授四者教誡五者說法以是五事
廣化眾生如聲聞地教授教誡廣說
如力性品

菩薩有四事親近善知識滿足一者
若病不病隨時供養愛念恭敬淨信
饒益二者隨時敬禮問訊奉迎合掌
供養三者如法衣食湯藥眾具而作
供養四者若依止者如法隨作而不
傾動如實而說隨時往詣請所應作
菩薩於善知識成就五想而聽法
當作實想以難得故作眼想得勝俱
生智慧因故作明想得俱生智慧眼
顯示一切種如實境界故作大果福
利想得涅槃道無上因故作樂无罪
想現法不得涅槃道如實觀察止觀
大樂無罪因故

菩薩於善知識聽受經法於說法人
有五度不憶念淨心專聽一者不念
破戒謂不念言此犯律儀不應從彼

地持經卷七 第十七行

聽受經法二者不念下姓謂不念言我不從彼下姓之人聽受經法三者不念醜陋謂不念言我不從彼醜陋之人聽受經法四者不念壞味謂不念言我不從彼不正語人聽受經法但依於義不依於味五者不念壞美語謂不念言我不從彼虛言說人聽受經法如是五處不憶念已是菩薩勤攝正法於說法人不起癡想若下根菩薩起人過心退不樂聽法當知是菩薩不能自度智慧退減

六何菩薩修四无量謂慈悲喜捨略說菩薩四無量有三種修一者衆生緣二者法緣三者無緣菩薩安處一切三聚衆生已若苦若樂不苦不樂衆生欲安樂故作樂饒益想而修慈心周滿十方一切衆生意解想住是名菩薩衆生緣慈若菩薩起法數想法數衆生行觀而修慈心是名法緣慈若復於法離諸妄想而修慈心是名無緣慈如衆生緣法緣無緣慈悲喜捨亦如是若菩薩於苦衆生作除苦想同滿十方而修慈心是名為悲

地持經第二卷 第十八

於樂衆生起樂隨喜想周滿十方而修喜心是名為喜如是三種衆生不苦不樂隨其次第起離癡患貪想周滿十方而修捨心是名為捨若菩薩慈等无量衆生緣與外道共若法緣者與聲聞緣覺共非外道共若菩薩無緣无量不共一切聲聞緣覺及諸外道若菩薩三無量當知樂想攝所謂慈悲喜一元量安想攝所謂捨一切無量名為哀愍成就此者名哀愍菩薩菩薩觀察衆生界有百一十苦而修悲心云何百一十苦有一種苦謂一切衆生皆墮集苦以集苦无差別故又二種苦謂欲根本所受念事變易生苦愚癡報苦極苦觸身而作是言我苦我苦愚癡愁憂亦名二箭身受心受又三種苦謂苦苦行苦變易苦又四種苦一者合會別離苦從愛別離生二者斷苦從種類沒死生三者相續苦從无量生死展轉相續生四者終竟苦從不得涅槃者五威陰生又五種苦欲纏縛苦患癡睡眠悔悼纏縛苦又六種苦謂因苦依惡道

地持經第二卷 第十九

因因果苦生惡道故求財苦守護苦不足苦壞敗苦又七種苦謂生苦老苦病苦死苦怨憎會苦愛別離苦求不得苦又八種苦謂寒苦熱苦飢苦渴苦不自在苦自作苦謂屈辱等他作苦謂彼手石刀杖鉗鉗等久住威儀苦又九種苦謂自不具足苦他不具足苦親屬不具足苦財物不具足苦无病不具足苦戒不具足苦見不具足苦現在苦他世苦又十種苦謂食具不足苦飲具不足苦車乘不足苦衣服不足苦瓔珞不足苦器物衆具不足苦花鬘塗香衆具不足苦伎樂衆具不足苦燈明衆具不足苦男女給使不足苦初始苦復有餘九種苦謂一切苦大苦一切門苦惡行苦轉生苦不隨欲苦違害苦相續苦一切種苦一切苦者若前因所起及轉時緣苦大苦者長夜種種无間大苦一切門苦者若地獄畜生餓鬼善趣輪轉惡行苦若現世犯他他還報已若食惡食令身不安如是種種自身現作還受其苦若住衆多不正思

地持經第二卷 第二十

生心無悔恨常修集故得現世樂是故如來說慈功果毒不能害刀不能傷眠无惡夢諸天擁護捨此身已得生初禪是名憐愍功德果柔軟語功德果者菩薩摩訶薩修柔軟語能破現在口四惡過是柔軟語自利利他能令衆生愛樂喜聞是名柔軟語功德果勇健功德果者菩薩現在能破慳急受歡喜樂樂於寂靜護持禁戒心无悔恨自修忍辱教人行忍修諸苦行莊嚴菩提心無退轉是名勇健功德果不貪解說深義二功德果如上所說次第者菩薩摩訶薩先修慈心為調衆生故次說軟語為破惡業故見諸衆生受惡業者心不怖畏生救護故名為勇健為調衆生故行惠施次說不貪及以深義菩薩摩訶薩隨是五相攝六波羅蜜憐愍相者攝憐波羅蜜柔軟語者攝尸波羅蜜般若波羅蜜勇健相者攝毗梨耶波羅蜜攝提波羅蜜般若波羅蜜不貪者攝攝提波羅蜜說甚深義攝般若波羅蜜攝波羅蜜

菩薩戒經第七卷 第三誡 終

如法住禪品第二

菩薩摩訶薩若在家者出家俱有四法有能修學即得阿耨多羅三藐三菩提行善業方便憐愍衆生善業方便者為施波羅蜜故修善行專心行常行淨行善行者菩薩若有財物施乞者時不觀有思不觀无思不觀福田及非福田雖有人天沙門婆羅門不能沮壞菩薩施心是名善行專心行者菩薩施時有來求者捨内外物一切施與心無貪悵是名專心施常行者菩薩施時有來乞者不觀時與非時隨得隨施是名常行淨行者菩薩施時有來乞者不以名譽故施非為天樂故施如施品中說是名淨行如施四事尸波羅蜜攝提波羅蜜毗梨耶波羅蜜攝提波羅蜜般若波羅蜜亦復如是云何菩薩善方便若有生心欲破佛法為調伏故行善方便欲令中人人佛法故行善方便雖入未熟為令熟故行善方便入已既熟令得解脫故行善方便菩薩為說世間醫方技術諸論行善方便為欲至心受

菩薩戒經第七卷 第三誡 終

菩薩戒堅持不毀故行善方便善願方便聲聞乘方便辟支佛乘方便大乘方便此十方便能作五事初四方便為利益衆生行世術方便為破邪論菩薩受持菩薩禁戒終不毀犯設犯隨懺善發願方便隨所欲事即能得之菩薩三乘方便隨根說法是故菩薩如是十種方便能作五事以五事故具足必定能得世間一切之事若現在若他世云何菩薩利益於他如四攝品中說云何菩薩善發願菩薩所作一切善業若過去未來現在不求餘果唯求无上菩提道果是名善發願如來者為出家在說戒一切攝取如是四事若出家在說戒若過去未來現在受持菩薩戒悉得阿耨多羅三藐三菩提出家菩薩勝於在家何以故出家菩薩獲得一切菩薩禁戒在家菩薩不得菩薩一切禁戒出家菩薩能行寂靜清淨梵行在家菩薩不能修行寂靜梵行出家菩薩能行三十七品在家菩薩不能修行三十七品出家菩薩解脫一切

菩薩戒經第七卷 第三誡 終

薩自性慚愧依處者略說有四種若
所應作不隨建立而生著耻是名初
依處所不應作隨順建立而生著耻
是名第二依處若為惡覆藏而生著
耻是名第三依處若自疑悔能自除
滅續起著耻是名第四依處是名依處
云何菩薩不動力略說有二種一者
自性二者依處能斷染汙心不令一
切煩惱自在堪忍眾苦種種財利種
種恐怖修正方便而不傾動性自寬
忍性能思惟是故不動是名自性不
動力

復次菩薩不動力略說五種不動一
者種種輪轉苦能速除滅二者所化
種種眾生造諸惡行為是等故長夜
受苦三者伏諸異論四者為諸大衆
隨順說法五者演說勝妙甚深之法
能令菩薩具足受持一切禁戒
云何菩薩心无疲厭有五因緣修正
方便而不疲厭一者菩薩性自有力
而不疲厭二者於不疲厭數數修習
而不疲厭三者方便所攝精進勇猛
自觀前後所修轉勝而不疲厭四者

地持經第七卷 第三十二行

深利智慧思惟成就而不疲厭三者
於諸眾生深起悲心常等哀愍而不
疲厭云何菩薩善知諸論是菩薩於
五明處名身句身味身從他所聞具
足攝受誦習通利從他聞義善能思
量如是菩薩知法知義於法於義已
受不忘未修習者漸漸增進聞思究
竟次第成熟得喜淨心菩薩如是行
者无量滿足善知諸論而不顛倒
云何菩薩善知世間是菩薩於眾生
世間如實了知所謂生老死此沒彼
生此眾生於生死出離如實了知復
次於眾生世間濁世增時如實了知
離濁世增時亦如實知所謂五濁一
日命濁二日衆生濁三日煩惱濁四
日見濁五日劫濁謂今世短壽人極
壽百歲是名命濁若諸眾生不識父
母不識沙門婆羅門及宗族尊長不
修義理不作所作不畏今世後世惡
業果報不修慧施不作功德不修齋
法不持禁戒是名衆生濁若此衆生
增非法貪刀劍布施器仗布施諍訟
鬪亂詬誑妄語攝受邪法及餘惡不

地持經第七卷 第三十三行

善法生是名煩惱濁若於今世法壞
法沒像法漸起邪法轉生是名見濁
若飢饉劫起疾病劫起刀兵劫起是
名劫濁是名菩薩知眾生世間復次
菩薩於器世間若成若壞如實了知
復次菩薩於世間世間集世間滅世
間集滅道世間味世間患世間離如
實了知
復次菩薩眼及色俱生四大名士夫
身名為人无有第三言我衆生想無
第三想言我眼見色乃至我意識法
但是言說數言是長老如是生如是
姓如是食如是苦覺樂覺如是長壽
如是久住如是等言說分齊一切皆如
實知菩薩於此衆生世間器世間八
行觀察世間義世間第一義如實了
知是名知世間
復次菩薩若見上座及勝功德者尊
重奉迎設牀請坐合掌恭敬禮拜問
訊年德等者正言訓對軟語安慰不
起等慢稱量彼此年德下者隨力勸
喻稱彼實德為覆實罪不令耻懼生
退沒心不輕蔑彼若見衆生求法求

地持經第七卷 第三十四行

財不肯面不頓感歡喜舒顏不嗤彼
聞見彼圯頓不起輕心若見一切上
中下人先語問評歎言善哉隨宜善
處隨力所能攝以財法不諂曲不自
重不自高不自大不以增高而自矜
異於諸親厚一切給與終不棄捐若
病不病隨順身口意業與相習近為
善知識離諸怨對孤獨貧乞无所歸
蔭隨其力能為作依怙不以憂苦加
於衆生因緣事起所應戲笑如法戲
笑非不如法不以戲言形名他人乃
至親密亦復不說於他人所不久瞋
恨雖復瞋狹不揚其過若為他人身
口毀辱能善思惟以法自解自省已
過心不躁動身口意業慮而後行離
十四垢業謂隱覆六方離四惡友攝
四善友如修多羅廣說現法樂義錢
財具足勤力具足守護具足以正命
心為諸世間工巧之業不曲不幻不
欺誑常有慚愧行元罪行威儀具足
重慎威儀為他親厚受寄不侵若負
人債終不扭捍分父餘財平等無偏
若是真寶主作偽想依實與價決斷

地持經第七卷 第二十九 行

世事辯正撥速彼所作來求諸者
悉與同事終不廢退能隨問答為正
事業不為非正若為國王以法治世
不為非法不樂罰責於惡戒衆以戒
建立成就八種賢聖之語見則言見
聞覺識知則言識知不聞不見不覺
不知則言不知菩薩成就如是等法
如世間知如世間轉如實了知是名
知世間
云何菩薩修習四依是菩薩為義故
從他聽法不為味為義聽法不為味
者若聞世間非巧便說依義菩薩亦
專心聽復次菩薩於聞說明說如實
了知知所應依不以上座多識若佛
若僧依止如是諸說法人如是依止
所應不依於人於真實義心不動搖
能自了知不由於他復次菩薩於如
來所深信清淨一向信受如來所說
依了義經非不了義依了義經者於
此法律不可破壞不了義經者謂以
種種門說而不決定應有疑問若菩
薩於了義經作不決定者於此法律
則為可壞復次菩薩得堅固修慧不

地持經第七卷 第二十九 行

以間思識諸法義用修慧知不以間
思識知故聞如來所說第一甚深法
義不起誹謗是名菩薩修習四依如
是成就者略說四種无量顯示其義
具足大師修慧所知一切四依平等
方便菩薩於彼出要道皆悉明達而
不迷惑

云何菩薩四无尋慧於一切法一切
章句如其體實修慧所知無尋不謬
是名法无尋於一切法一切相如其
體實修慧所知無尋不謬是名義无
尋於一切法一切名處如其體實修
慧所知無尋不謬是名辞无尋於一
切法一切種分別如其體實修慧所
知無尋不謬是名樂說无尋菩薩如
是四無尋得五處無量巧便謂陰巧
便界巧便入巧便緣起巧便處非處
巧便此四行菩薩於一切法能自覺
悟為他顯示除此已更无有餘能自
覺悟况餘顯示

云何菩薩菩提具當知二種一切德
具二智慧具此二種具廣說如自他
品又功德智慧具菩薩初阿僧祇劫

地持經第七卷 第二十九 行

名為下第二為中第三為上

云何菩薩摩訶衍所攝修習三十七道分是菩薩依四無尋慧方便而攝智三十七道分如實了知而不取證種種乘方便彼亦如實知所謂聲聞乘方便大乘方便聲聞乘方便如實知如聲聞地所說云何菩薩於大乘方便三十七品如實了知是菩薩住身身觀不於身身而起妄想亦非一切非性於彼身離言說自性如實了知是名第一義身身觀念處若菩薩觀世諦者隨无量處方便知身身觀念處如身身觀念處餘念處及餘道品亦復如是身身等法妄想觀若若妄想觀集亦不於斷起滅妄想亦不於得因起道妄想離言說自性苦法集滅法道法如實了知依此第一義修道分名為修諦若菩薩隨世諦无量處方便名為緣諦修若彼菩薩於此法如是不起妄想者是名為止及彼如實知第一義及无量處方便知法是名為觀略說菩薩止有四行一者第一義二者俗數智前行三者

地持經第七卷 第三行

一切虛偽妄想不行四者於此無言无相之法不起妄想其心寂靜一切諸法悉同一味如是四行菩薩止起乃至究竟如來知見略說菩薩觀有四行謂此四行所起智慧是名為觀離一切法有元智慧隨無量法分別觀察於此四行菩薩觀起乃至究竟如來知見是名略說菩薩止觀

云何菩薩巧方便略說十二種為起內佛法有六種為外成熟眾生有六種云何為起內佛法六種巧方便一者菩薩悲心願念一切眾生二者一切諸行如實了知三者求无上菩提智四者依願念眾生捨離生死五者依諸行如實知以無染心輪轉生死六者依求佛智慧熾然精進是名為起內佛法六種巧方便云何為外成熟眾生六種巧方便一者菩薩巧方便以少善根起无量果一者以少方便起無量善根三者毀壞佛法眾生除其暴害四者處中眾生令入佛法五者已入眾生令其成熟六者已成熟者令得解脫云何菩薩能以少善

地持經第七卷 第三行

根得无量果是菩薩教下劣眾生以少財物施下福田乃至揣勢施於畜生施已迴向無上菩提以迴向力故得无量果云何菩薩以少方便起无量善根是菩薩見有眾生修邪法而求解脫則為彼說賢聖八齋斷苦方便不究竟法授少方便得大果齊復次邪見眾生若身求度為說中道令離二邊究竟解脫復次或有眾生求生天者邪見方便授嚴赴火不食等苦則為演說正法禪定現法樂住後生天上如法受樂復次或有眾生誦習外曲求清淨者以佛正法令其誦習思惟其義又說如來甚深經典具足顯示空相應法彼聞法已生厭離心專精淨信於一念頃能攝廣大无量善根況復次第續念不捨復次菩薩意解思惟起淨妙想即以世間香花珍物供養三寶亦教他人心想供養復次如是淨心遍滿十方一切世界供養三寶生隨喜心亦復教人令其隨喜復次常修念佛乃至念天亦教他人令修六念

地持經第七卷 第三行

復次正念合掌恭敬隨時供養一切三寶亦教他人修此供養復次於一切衆生一切功德皆悉隨喜亦教他人起隨喜心復次於一切衆生入廣大悲心悉欲代受一切衆苦亦教他人興此大悲復次於過去現在一切所犯以真實隨順求淨戒心向十方佛至誠懺悔亦教他人如是悔過彼常如是悔其所犯以少方便於一切業障悉得解脫復次作衆多種種無量變化一切十方佛法僧處及衆生處无量神通他心自在菩薩攝取功德復次菩薩修慈悲喜捨亦教他修是名菩薩以少方便生廣大無量菩提果報

菩薩地持經卷第七

壬寅歲高麗國大藏都監奉勅雕造

地持經第七卷 第三張 行

菩薩地持經卷第八

行

北凉中印度三藏聖無識於姑藏譯

菩薩地持菩提分品之餘

云何菩薩壞佛法者除其暴害度中者令入已入者令熟已熟者令解脫是菩薩於此四種成就衆生當知略說六種巧方便一者隨順二者立要三者異相四者逼迫五者報恩六者清淨菩薩隨順巧方便者是菩薩欲為衆生說法先如是柔軟身口行以施將順自捨慈悲除慈悲已彼生受敬樂欲聞法然後乃為如應說法易入易解時說次第諦不顛倒以義饒益而為說法忍諸問答調伏衆生第一利益哀愍成就若以神力示現他心而為說法或請餘人令種種現化調伏衆生若有略說義饒益論廣為分別若廣大論能為略說授彼令誦自恣問難彼受誦已廣為說義以一切緣三昧度門隨順教授隨順教誡攝取衆生令其行義彼諸衆生於如來說甚深微妙空相應經如其言趣

微經中說離自性法及離諸事不起不滅如虛空如幻如夢不知義者聞則驚怖謗彼深經言非佛說菩薩為彼衆生隨順巧便於彼深經如來言趣隨順其義分別解說而攝取之如是隨順為彼說言彼經不說一切都無所有但言說我自性空无所有是名離自性離言說有事依言事轉是故言說有自性亦非第一義有彼自性是故說言離一切事言說自性從本已來一切都无所有云何有生有滅是故說言不生不滅譬如虛空有種種色及諸色業悉容受彼為作依處謂虛空行住去來屈伸俯仰又如除彼色及色業已謂無色自性分名清淨虛空如虛空處色等業轉離言說事種種施設言說妄想虛偽隨轉亦復如是又如虛空容色等業離言說法容受妄想亦復如是若菩薩以智慧除一切言說所起邪惑妄想諸虛偽轉是菩薩以第一聖智離言說事一切言說自性非性如虛空清淨亦非彼展轉有餘自性是故一切諸法辭如

虛空辟如幻不如事有亦非一切都無幻事如是一切法不如言說愚癡計有亦非一切都無所有第一義難言說自性如是方便入非有亦非元是故知如幻故說如幻如是菩薩於一切法界不取不捨不增不減亦無所壞如實了知如其所知為人顯示是名菩薩隨順巧方便云何菩薩立要巧方便若有眾生來從菩薩求索十種資生眾具為立要言汝能供養父母沙門婆羅門廣說如上乃至受戒若能如是我當施汝如其不能則不施與所謂田宅市肆官爵國土錢財六畜工巧醫方若結誓姻若食不食所作同事尔時菩薩為立要言汝能供養父母乃至受戒我當施汝飲食乃至同事復次菩薩若有眾生犯罪謀逆作不饒益事為他煞縛斷截捶打毀辱呵責駢出質債為他所執尔時菩薩為立要言汝能供養父母乃至受戒我當救汝令脫眾難復次若有眾生王賊水火人及非人不活惡名諸恐怖等尔時菩薩為立要言

此持經第八卷 第三十行

汝能供養父母乃至受戒我當救汝令脫恐怖若有眾生欲恩愛集會遠離怨憎尔時菩薩為立要言汝能供養父母乃至受戒我當方便從汝所願復次若有眾生疾病困厄尔時菩薩為立要言汝能供養父母乃至受戒我當令汝病苦得除菩薩如是立要已彼諸眾生疾修善法遠離諸惡得隨所欲是名菩薩立要巧方便若菩薩與眾生立要已彼諸眾生不隨要者如上所許亦不施之為度彼故非不欲與諸難恐怖及諸病苦愛念和合不受別離為度彼故一切放捨示作如是決定之相非其實心有放捨念漸漸要令斷不善法建立善法若復眾生无所須欲亦无眾難乃至無病而與菩薩先為親厚隨宜勸導令修善法所謂供養父母乃至持戒若彼眾生不隨其教尔時菩薩現瞋責相為度彼故心无惡恨於諸所作悉現乖異為度彼故非實瞋怒或現加彼不饒益事欲度彼故非其實心菩薩方便現此異相欲令眾生修諸

此持經第八卷 第三十一行

善法斷不善法是名菩薩異相巧方便云何菩薩現逼迫巧方便若菩薩為主為王於自眷屬作如是教若我眷屬有不供養父母乃至犯戒者我當斷其供給或加謫罰或至毆擯立一士夫常令伺察彼諸眾生以恐怖故勤修善法斷不善法彼雖不樂強逼令修是名菩薩逼迫巧方便云何菩薩報恩巧方便若菩薩先於眾生施諸恩分若施財物若度眾難若度恐怖和其所念離所不念救療眾病令得安樂眾生知恩欲報德者尔時菩薩勸令修善不須世間財利酬報報之大者當供養父母乃至持戒求報恩者令其行善是名菩薩報恩巧方便云何菩薩清淨巧方便住究竟地菩薩淨菩薩道生兜率天眾生念言某菩薩生兜率天不久當下生閻浮提當成如來无上等覺令我愛樂其令不樂彼所生處我亦隨生無量眾生樂修是願又復菩薩從兜率天來生世間若生王宮若婆羅門家捨上妙

此持經第八卷 第三十二行

樂出家學道令諸衆生捨離憍慢又於樹下苦行六年令餘衆生信苦行者斷其信樂又復既成無上菩提令餘衆生堅固信樂同求佛道又成佛已默然待請為令衆生敬重法故梵天勸請然後乃說又以佛眼觀察世間莫令衆生作是謗言但以梵天勸請力故非是如來大悲故說為除衆生邪攝受故轉正法輪諸餘世間所未曾轉及制戒律是名菩薩清淨巧方便如是巧方便無餘无上是名菩薩六種巧方便略說廣說壞法衆生除其暴害處中者令入佛法入者令熟熟令解脫無餘无上是名菩薩巧方便

云何菩薩陀羅尼略說四種一者法陀羅尼二者義陀羅尼三者呪術陀羅尼四者得菩薩忍陀羅尼云何法陀羅尼若菩薩得如是憶念智慧力於未曾聞未曾修習名句味身次第莊嚴次第所應無量章句經无量劫憶持不忘云何義陀羅尼若如前所說於此諸法無量義趣未曾讀誦未曾

地持經第八卷 第六行

修習經無量劫憶持不忘云何呪術陀羅尼若菩薩得如是三昧力以呪術章句為衆除患第一神驗種種災患悉令消滅云何得菩薩忍陀羅尼若菩薩精勤修習因起智慧獨一靜處無默少言亦不遊行知量而食不雜種食常一坐食思惟禪定少睡眠多覺悟於如來所說得菩薩忍呪術所謂伊致 蜜致 吉那鼻 羂提跋大 嚩波呵

於此諸呪術章句義思量觀察如是呪術章句如是正思惟如此義尚不自聞何有所得如呪術章句義不可得是則元義如是諸義所謂無義是故亦元餘義可求如是名為善解呪術句義善解呪術句義者以如是義比知一切諸法義皆悉善知不從他聞又知一切言說一切法自性義不可得以此等无言說自性義則知一切諸法自性義是名第一義最勝義得取上歡喜是菩薩得此陀羅尼呪術處名得菩薩忍得此忍者不久當得淨心增上解行地是名菩薩得菩

地持經第八卷 第十一行

薩忍陀羅尼彼法陀羅尼義陀羅尼菩薩是度初阿僧祇劫入淨心地所得必定不動最勝最妙若中間所得或因願力或禪定力不定不住亦不勝妙如法義陀羅尼呪術陀羅尼亦如是得菩薩忍陀羅尼如前所說如是一切陀羅尼具四功德者乃能得之非不具足云何為四一者不習受欲二者不嫉彼勝三者一切所求等施無悔四者樂法深樂菩薩藏及摩得勒伽藏

云何為菩薩願略說五種一者發心願二者生願三者境界願四者平等願五者大願彼菩薩初發无上菩提心是名發心願願未來世為衆生故隨善趣生是名生願願正觀諸法無量等諸善根思惟境界是名境界願願未來世一切菩薩善攝事是名菩薩平等願大願者即平等願又說十種大願一者願一切種供養無量諸佛二者願護持一切諸佛正法三者願通達諸佛正法四者願生兜率天乃至般涅槃五者願行菩薩一切種

地持經第八卷 第八行

正行六者願成熟一切眾生七者願一切世界悉能現化八者願一切菩薩一心方便以大乘度九者願一切正方便无尋十者願成無上正覺云何菩薩空三昧菩薩離一切言說自性觀无言說自性心住是名空三昧云何無願三昧菩薩於无言說自性事界見妄想所起煩惱苦常見其過於未來世不願心住是名無願三昧云何无相三昧菩薩於無言說自性事離一切妄想虛偽相滅觀空如實寂靜心住是名无相三昧以何等故說三三昧不增不减有二種有及無有有為无為名為有無我我所名无有於有為有不願不隨故立无願三昧於無為涅槃願樂攝受故立无相三昧又於此諸事非願非不願然於有有不見以是見故立空三昧菩薩修此三三昧如是建立如實知若有餘行悉入三三昧門所謂聲聞而學所行

憂檀那法一切行苦是憂檀那法一切法無我是憂檀那法涅槃寂滅是憂檀那法諸佛菩薩具足此法後以此法傳授眾生是名憂檀那過去寂然諸牟尼尊展轉相傳是名憂檀那增上勇出乃至具足出第二有是名憂檀那云何菩薩觀一切行无常菩薩觀一切行言說自性常不可得若復不知真實无言說事故有生有滅若彼觀無言說自性一切行无常觀過去行無生无滅彼亦無因亦无自性可得是故亦無因亦无自性觀現在行無生无滅彼因不得而與果故自性可得是故觀彼自性而无因觀未來行無生无滅彼因可得而不與果故元自性是故觀因而无自性如是見三世分段諸行相續轉時一一行剎那有三有為有為相於剎那後有四有為相彼前諸行相自性壞次未曾行相自性起名為生起已未壞名為住願念前滅行相自性彼起異異名為老是故生剎那後即彼起行相自性壞名為滅若觀起自性行相

即彼自性生住老相无餘自性是故剎那後如是行相自性滅如是諸生等行相如實觀此四有為相略說二種有性及無性如來以起故立一有為相以自性故立第二有為相諸行住老故立第三有為相彼菩薩觀有為行分齊非生非住非老非壞非一切時別有事起何以故諸行分齊起時更无別生別住別老別壞諸行分齊住老壞時亦無別生別住別老別壞一念頃名菩薩如實觀者不別有生等事可得若可得者離色等諸行應別有生如色等行自性起彼亦應起若然者應有二生行生及生生若有行生及生生者或一或異若一而謂別有生者彼空无義若別有生者此事不然若異者彼行生非相生所為行生相生所為者此言不然如生住老亦如是若壞有法自性者彼應生滅若壞生時一切行應即滅如入滅盡正受以少方便心心數法滅若壞滅時彼一切行應生以壞無有故言壞有生滅者此事不然彼善男子善女人

一切時常有自性者不應有厭離離
欲解脫異者應以此事故菩薩於
一切諸行无常如實知

復次菩薩於一切諸行無常相續轉
時觀三苦相行苦變易苦苦如是
菩薩於一切行苦如實知

復次菩薩於一切法有為無為无我
我所如實知衆生無我及法无我彼
衆生无我者有法非衆生離有法亦
非衆生法無我者一切言說事亦無
言說自性法如是菩薩於一切法无
我如實知

復次一切行起因斷無餘諸餘畢竟
滅名般涅脥煩惱寂滅衆苦永息未
入淨心地菩薩未見諦聲聞於涅脥
作意解想說言寂滅涅脥當知是等
不得真實涅脥知見唯有正思惟辭
如國王長者巨富无量為諸子故造
作戲具康車牛車馬車為車彼諸子
等歡喜愛樂作真鹿馬魚車等想其
父知子漸已長大為說真實牛鹿馬
馬諸子謂父欺已為馬父於後時知
子轉大將出宅外示真馬馬彼見實

地持經卷 第二張 行

○菩薩地持經

已乃知其真定知其父常所歎說非
是我等先所說好先所說好非真為
馬如是諸行以為屋宅未住淨心地
菩薩未見諦聲聞如彼童子諸佛如
來及入大地菩薩明見涅脥為彼菩
薩及諸聲聞歎說涅脥彼既聞已隨
說意解若彼漸學道品具足入淨心
地及見諦聲聞彼於涅脥生現知見
如是諸佛菩薩所歎說者非如我等
愚癡智慧意思解我等所想相似
非實於彼所解生慙愧心依後知見
辟如病人遇得良醫為治病故說隨
病藥彼諸病者常習此藥便作信解
樂著此藥緣是病差更起餘病應服
餘藥良醫教彼棄捨前藥更服餘藥
彼諸病者信前藥故不肯棄捨良醫
方便令服後藥如是菩薩住淨心地
見諦聲聞諸煩惱諸佛如來住大
地菩薩為彼說法上法上法深法
上深法上上深法勝法上勝法上上
勝法教授教誡入淨心地菩薩見諦
聲聞聞佛所說信受不疑乘如來所
說具足法乘善能調御遊平等道疾

地持經卷 第二張 行

疾正向無餘涅脥

菩薩地持方便處菩薩功德品第十八
菩薩學阿耨多羅三藐三菩提有五
奇特未曾有法云何為五一者於諸
衆生無有因緣而起愛念二者為諸
衆生受无量苦三者煩惱熾盛難化
衆生方便調伏四者入第一難解真
實之義五者入不可思議神通之力
如是奇特未曾有法不與一切諸衆
生共

菩薩有五事非奇特能成奇特未曾
有法一者為安衆生故受於苦因受
苦因故得受安樂二者知生死過惡
涅脥功德有淨衆生念不自受樂為
淨衆生故受諸生死三者修靜默樂
有淨衆生念不自受樂為淨衆生故
演說正法四者修六波羅蜜善根有
淨衆生念不自受樂為淨衆生故不
捨一切衆生亦不捨果報五者他事
已事如是一切利益衆生菩薩有五
事於一切衆生其心平等一者初發
心願為一切衆生其心平等二者修
習大悲心與哀愍俱其心平等三者

地持經卷 第二張 行

於一切衆生作一子想與愛念俱其
心平等四者觀一切衆生諸行得起
一衆生法即是一切諸衆生法隨順
一切衆生其心平等五者如為一衆
生行如是一切衆生利益心俱其心
平等菩薩有五事饒益一切衆生一
者說正命饒益二者不隨順者說隨
順法饒益三者孤獨辛苦貧乞无依
者為作依怙饒益四者向善趣者說
道饒益五者為三乘人說三乘饒益
菩薩有五事報衆生恩一者自成功
德二者勸他令成三者孤獨辛苦貧
乞无依為作依怙四者供養如來五
者佛所說法若讀誦若書持若供養
菩薩行菩提道常求五事一者常願
諸佛出興於世二者於諸佛所聽六
波羅蜜及菩薩藏三者堪能一切種
成熟衆生四者堪能无上成熟衆生
五者得阿耨多羅三藐三菩提向惟
三菩提聲聞菩提和合聲聞
菩薩有五事利益衆生真實方便是
菩薩先欲安樂衆生於彼安樂如實
知不顛倒覺如前供養習近無量品說

地持經卷第五 行

菩薩有五種方便攝一切正方便一
者隨護方便二者无罪方便三者思
惟力方便四者淨心方便五者決定
方便隨護方便有五種一者點護得
俱生智能疾受法二者念護念持於
法三者智護得堅固智觀察法義以
點念智護離於退分修勝進分四者
自心護守護根門五者他心護隨順
他心無罪方便者於諸善法不顛倒
熾然无量常修迴向菩提思惟力方
便者是解行地淨心方便者是淨心
地具足行地決定方便者是決定地
決定行地究竟地是名五種方便攝
一切正方便菩薩退分有五事一者
不恭敬法及說法者二者放逸懈怠
三者習衆煩惱及諸惡行四者稱量
同已及餘菩薩定增上慢五者於法
顛倒起增上慢
菩薩勝分有五事與上退分五事次
第相違者是名勝分
菩薩有三事菩薩似功德過二者於
諸惡及犯戒者作非慈饒益二者
現詔曲威儀三者說一俗語外道經

地持經卷第五 行

論得生智慧能自思惟四者行於有
罪施等善根五者演說建立似功德法
菩薩有五事菩薩真實功德一者於
諸惡及犯戒者起勝悲心二者具
足成就真實威儀三者於如來說得
生智慧能自思惟四者行於无罪施
等善根五者演說正教毀相似法菩
薩調伏衆生有十種名正調伏云何
為十離諸纏離煩惱分惡戒
菩薩有六事為如來授無上菩提記
一者種性未發心二者已發心三者
現前四者不現前五者時量時定得
无上菩提六者時無量時不定受記
菩薩有三種決定一者種性名為決
定何以故堪能為緣有障決定阿耨
多羅三藐三菩提二者決定發無上
菩提心不能乃至不退乃至无上菩
提三者得力利益衆生如所欲如所
作如是不虛彼寂後決定故如來受
決定記
菩薩不作五種力故不得阿耨多羅
三藐三菩提一者初發心二者哀愍
衆生三者熾然四者精進五者於一

地持經卷第五 行

切明處方便不默

菩薩有五事常所修集一者常不放逸二者孤獨辛苦貧乞無依為作依怙三者供養如來四者持戒有犯即覺五者所作所行所可憶念一切迴向無上菩提

菩薩有十法菩薩等法第一取勝一者菩薩種性勝餘種性二者初發心勝一切正願三者精進智慧勝餘波羅蜜四者軟語勝餘攝事五者如來勝餘衆生六者大悲勝餘无量七者第四禪勝於餘禪八者空三昧勝餘三昧九者滅盡正受勝餘正受十者清淨巧方便勝餘巧方便

菩薩有四種正施設如是正施設是如來說非餘若天若人沙門婆羅門如是聞一者法施設二者諦施設三者方便施設四者乘施設法施設者十二部經修多羅等次第演說次第建立諦施設者有一種謂如實義諦復有二種世諦第一義諦復有三種相諦說諦作諦復有四種苦諦集諦滅諦道諦復有五種因諦果諦智諦

地持經卷第一 第三行

○菩薩地持經

智境界諦无上諦復有六種實諦虛妄諦知諦斷諦證諦修諦復有七種

味諦患諦離諦法諦解諦聖諦非聖諦復有八種行苦諦苦諦壞苦諦生諦滅諦穢汙諦清淨諦正方便諦復有九種無常諦苦諦空諦非我諦有受諦無有愛諦斷方便諦有餘淫勝諦無餘淫勝諦復有十種自作苦諦貧窮苦諦四大增損苦諦愛惡苦諦汙辱苦諦業苦諦煩惱諦正思惟諦正見諦正見果諦四種方便名方便施設如前力種性品說乘施設者聲聞乘緣覺乘大乘一乘七種施設四聖諦慧如是慧若依若緣伴業衆具如是慧若果此七種名聲聞乘施設如聲聞乘施設緣覺乘亦是如是難言說境界一切法如難諸妄想平等慧如是慧若依若緣伴業衆具如是慧若果此七種名大乘施設過去未來現在一切菩薩正施設已作當作一切四種無餘無上

菩薩有五種无量生一切巧便行一者眾生界無量二者世界无量三者

地持經卷第一 第三行

法界元量四者調伏界無量五者調伏方便无量六十一種衆生名衆生

界如意地身分別則有無量十方无量世界元量名如娑婆世界名娑婆主善不善無記法分別則有元量調伏有一種謂一切衆生調伏復有二種具縛不具縛復有三種軟中上根復有四種剎利婆羅門毗舍首陀復有五種貪欲瞋恚愚癡憍慢覺觀復有六種在家出家未熟已熟未解脫已解脫復有七種惡人中人小智人大智人現在調伏未來調伏隨緣調伏若得緣如是如是迴向復有八種謂八衆剎利乃至婆羅門復有九種一者如來調伏二者聲聞緣覺調伏三者菩薩調伏四者難調伏五者易調伏六者軟語調伏七者可責調伏八者遠調伏九者近調伏復有十種一者地獄二者畜生三者餓鬼四者欲界人天五者中陰六者色七者无色八者想九者無想十者非想非非想是五十五種分別則為无量衆生界調伏界有何差別衆生界者不分

地持經卷第一 第三行

別一切衆生種性處調伏界者彼種性處如是彼彼處轉調伏方便无量如前成熟品說彼亦無量種分別如是次第說五種无量何以故是菩薩為衆生修行是故說初無量衆生彼處可得是故說第二元量衆生於彼彼世界煩惱清淨法可得是故說第三無量觀彼彼衆生隨所堪能脫苦是故說第四无量乃至方便脫衆生苦是故說第五無量是故說五種无量生菩薩一切巧便行菩薩有四求於一切法如實知一者名求二者事求三者自性施設求四者差別施設求如前真實品說菩薩有四事於一切法如實知隨名求如實知隨事求如實知隨自性施設求如實知隨差別施設求如實知如前真實品說諸佛菩薩有五事為衆生說法得大果福利一者為衆生說法生離垢法眼二者為衆生說法得諸漏盡三者為衆生說法發无上菩提心四者為衆生說法得第一菩薩忍五者為衆生說法聞已受誦具足修習令法久

地持經卷之七 第三十二行

住是名五種說法得大果福利云何名大乘有七種大故名為大乘一者法大謂十二部經菩薩方廣藏取上取大二者心大謂發阿耨多羅三藐三菩提心三者解大謂解菩薩方廣藏四者淨心大謂過解行地入淨心地五者衆具大謂福德衆具智慧衆具得無上菩提六者時大謂三阿僧祇劫得无上菩提七者得大謂得無上菩提身無與等者况復過上彼法大心大解大淨心大衆具大時大此六法謂因種得大謂果處菩薩有八法攝一切摩訶衍菩薩藏所說謂信菩薩藏顯示一切法真實義顯示一切諸佛菩薩不可思議第一勝妙神力得聞慧思慧思惟依聞慧思慧思惟方便得淨心得淨心方便入修慧行入修慧行方便修慧果成如是修慧果成畢竟出離菩薩如是學得无上菩提菩薩如是學得無上菩提略說十種一者種性二者入三者未淨四者淨五者未熟六者熟七者未定八者定九者一生十者取後身

地持經卷之七 第三十三行

種性者名未得淨心發心修學名為入已入未入淨心地名為未淨入淨心地名為淨淨者未入畢竟地名為未熟入畢竟地名為熟熟者未入定地名為未定已入定地名為定又熟有二種一者一生次第得无上菩提二者取後身即此生得如是從種性乃至取後身得无上菩提此十種菩薩所學而學於上更無所學菩薩如所學而學於上更無所學菩薩如所學而學得一切功德名所謂菩薩摩訶薩身猛无上佛子佛持大師大聖大商主大名稱大功德大自在如是十方無量世界元量菩薩無量因緣自想施設當知若有言我是菩薩不善學菩薩所學者當知是名字菩薩非實菩薩若言我是菩薩善學菩薩所學者當知是實菩薩

第二段
有品

地持經卷之七 第三十四行

報四者次第五者攝受

哀愍自性有二種一者至心二者具足至心者安心樂心具足者菩薩至心於諸衆生隨其所能隨其力身口饒益愛語自性者先語安慰如前攝品說勇猛自性者於諸衆生志強有力惠施自性者勝妙施無煩惱施說深法義自性者四無尋智出生正方便智哀愍境界有五種一者受苦衆生二者惡行衆生三者放逸衆生四者邪趣衆生五者煩惱所使衆生從地獄乃至一切受苦相續是名受苦雖不受苦而多造作身口意惡行所謂十二惡律儀是名惡行雖不受苦造諸惡行而樂著五欲歌舞戲笑是名放逸雖不受苦造諸惡行樂著五欲而依邪見求苦解脫是名邪趣捨離五欲於法出家不受諸苦乃至邪趣而具煩惱或有不具謂正方便真實凡夫及諸學人是名煩惱所使菩薩於此境界哀愍心生無餘元上

受語境界有五種一者正實語二者正喜語三者正饒益語四者正如法

地持經卷第二張行

○菩薩地持經

語三者方便說法語如前攝品說菩薩於此境界愛語心生無餘元上勇猛境界有五種如前菩提分品說菩薩於此境界勇猛心生無餘元上

惠施境界有五種一者不分別施二者歡喜施三者頻施四者不汙汙施五者無依施如前施品說菩薩於此境界惠施心生無餘元上說深法義境界有五種一者於如來所說修多羅甚深空相應緣起隨順二者於諸戒律善知犯不犯及與出犯三者於摩德勒伽藏不顛倒建立法相四者於深法義以想分別五者於一切法法義種種言辭種種分別菩薩於此境界說深法義心生無餘元上

菩薩哀愍於諸衆生修習慈心利益親厚方便不默多住元罪現法樂攝取衆生如世尊說慈心福利身常不被刀杖等害此中應廣說是名哀愍果菩薩愛語於現法中離口四過兩舌惡口妄言綺語以此愛語自攝攝他於未來世成就正語言輒信用是名愛語果菩薩勇猛於現法中離諸

地持經卷第二張行

慍急心常歡喜受持菩薩律儀戒不毀不犯以堪忍心攝受自他於未來世菩薩所作善能修學學已堅固是名勇猛果

菩薩惠施及說深法義果如前力品檀波羅蜜般若波羅蜜說是名惠施說深法義果次第者菩薩先修哀愍攝取衆生為令衆生出不善法安立善法為具足說教授攝受是故次說受語衆生造惡種種煩惱堪能不息是故次說勇猛或有衆生以財攝受或有衆生以法攝受或俱攝受是故次說惠施說深法義

菩薩有五種相攝六波羅蜜此六波羅蜜何相所攝哀愍相攝檀波羅蜜愛語相攝尸波羅蜜般若波羅蜜勇猛相攝羼提波羅蜜毗離耶波羅蜜般若波羅蜜惠施相攝檀波羅蜜說深法義相攝禪波羅蜜般若波羅蜜是名菩薩五種相五種分別

菩薩地持次法方便慶翼品第二在家出家菩薩翼有四法菩薩修學疾得阿耨多羅三藐三菩提一者善

地持經卷第二張行

第二六冊

六九

修業二者巧便三者攝取衆生四者迴向云何善修業菩薩於六波羅蜜決定修專心修常修無罪修云何決定修檀波羅蜜是菩薩於來求者饒益不饒益有德有過要當施與於諸惠施心不傾動若人非人沙門婆羅門世間同法所不能壞云何專心修是菩薩於來求者捨内外物一切施與无有吝惜云何常修是菩薩施無厭倦一切時平等隨得隨施云何无罪修如施品說離煩惱施是名菩薩善修檀波羅蜜如施如是戒忍精進禪定智慧亦如是隨其所應當知云何巧便略說有十種緣法衆生為除惱害方便巧便中住者令人已入者令熟已熟者令解脫方便巧便世論巧便菩薩戒律若持若毀觀察巧便正願巧便聲聞乘巧便緣覺乘巧便大乘巧便如是一切巧便隨所應彼彼菩薩地分別當知此十巧便為五種事初四巧便為利衆生世論巧便為伏異論菩薩戒律若持若毀觀察巧便為不起犯戒已犯者令如法悔

地持經第八卷 第二十八行

受持清淨律儀正願巧便菩薩於未來世一切所欲悉皆得之三乘巧便菩薩隨種性根解辭喻隨順說法具足說法如是十種巧便為五種事此五種事一切所作皆悉具足現法後世利益方便云何菩薩攝取衆生是菩薩依四攝法布施愛語利益同事或有衆生以安饒益以樂饒益以安樂饒益廣說如前自他利品云何菩薩迴向菩薩三門修習善根謂善修業巧便攝取衆生彼一切過云未現在淳淨心迴向阿耨多羅三藐三菩提不以善根求餘果報

若世尊說在家出家菩薩所學法當知一切皆是善修業巧便攝取迴向四法所攝菩薩善修業巧便攝取集聚迴向當知近菩提座過去未來現在一切菩薩在家出家學阿耨多羅三藐三菩提已學當學今學如是四法無餘元上

如是四法在家出家菩薩成就然彼出家於在家者大有差別出家菩薩解脫漏受父母妻子眷屬等過出家

地持經第八卷 第二十八行

菩薩解脫攝受田種治生王家等苦出家菩薩具修梵行一切菩提分法疾得神通若修善法疾得究竟出家菩薩凡所說法人所信受是名在家出家之大差別

菩薩地持經卷第八

王寅歲高麗國大藏都監奉勅雕造

地持經第八卷 第二十九行

菩薩地持經卷第九

行

此經中即廣三藏要無識於結成譯

菩薩地持次法方便處淨心品第三

菩薩於諸衆生有七種憐愍名第一
真實一者無畏二者巧便三者不厭
四者不求五者不貪六者廣大七者
平等菩薩不以畏故於諸衆生起憐
愍心修身口意業安樂衆生是名无
畏菩薩以巧便慧於諸衆生起憐愍
心非法非律非真諦不教非處是名
巧便菩薩於諸衆生一切方便而不
疲厭是名不厭菩薩於諸衆生起憐
愍心無所怖求是名不求菩薩於諸
衆生起憐愍心不求恩報是名不貪
菩薩於諸衆生起憐愍心不限衆主
於衆生所得饒益不饒益志不棄捨
是名廣大菩薩於諸衆生起憐愍心
等衆生界元有方限是名平等菩薩
成就如是七種憐愍是名第一真實
菩薩於佛法僧方便觀察得決定解
是名淨心略說有十五種一者無上
心二者戒心三者波羅蜜心四者真

實義心五者神力心六者安心七者
樂心八者解脫心九者堅固心十者
不虛心十一者不淨心十二者淨心
十三者快淨心十四者調伏心十五
者俱生心專樂佛法僧寶淨心是名
無上受菩薩戒律淨心是名為戒行
施忍精進禪定智慧淨心是名波羅
蜜人无我法無我人法无我第一義
法甚深淨心是名真實義諸佛菩薩
不思議神通力俱生力淨心是名神
力於諸衆生欲以善法饒益定名為
安於諸衆生欲以攝取饒益定名為
樂於諸衆生雖於貪心及與受報是
名解脫於无上菩提其心堅固是名
堅固利衆生方便開覺方便不顛倒
智俱解脫是名不虛解行地菩薩心
是名不淨淨心地乃至決定行地菩
薩心是名為淨究竟地菩薩心是名
快淨彼不淨心是名調伏淨心快淨
心思惟是名俱生性自真實身心清
淨故名俱生是名十五淨心此十五
淨心隨一切地略說作十事无上心淨
修三寶惠一切種行修一切菩提具第

地持經卷第九 第三

一真實戒心受菩薩戒律乃至捨命
終不毀犯若有所犯即能除滅波羅
蜜心諸善根法常勤修習不放逸住
真實義心以不染心為衆生故受於
生死不捨涅槃解脫淨心神力心淳
厚淨信開覺及修生死想愈多住聞
思知量知足安心樂心解脫心一切
種利益衆生而不疲厭堅固心熾然
精進廣大精進平等方便不緩方便
不斷方便不虛心疾得神通彼彼善
法不以少心下心而生足想調伏心
生俱生心俱生心疾得阿耨多羅三
藐三菩提利益安樂諸天世人調伏
心攝不淨心俱生心攝淨心快淨心
若世尊說菩薩淨心施設顯示一切
皆是十五淨心所攝過去未來現在
菩薩得无上菩提已得當得今得一
切皆是十五淨心無餘无上如是十
五淨心有大果福利依是得無上菩提
菩薩地持次法方便處住品第四
已說菩薩種性乃至菩薩所學而學
菩薩相菩薩翼菩薩淨心今當略說
菩薩十二住攝一切住一切菩薩行

地持經卷第九 第四

第十三如來住無上位云何菩薩十二住一者種性住二者解行住三者歡喜住四者增上戒住五者增上慧住六者增上慧住增上慧住有三種一者菩提分法相應二者諦相應三者緣起生滅相應菩薩真實觀真實智謂知眾生受苦滅苦是故菩薩於三門三種慧三種住九者有行有開發無相住十者無行無開發無相住十一者無尋住十二者取上菩薩住如是十二住攝一切住一切菩薩行如來住者過一切菩薩住阿惟三佛住如來住後安立品廣說十二住菩薩所建立今當說云何種性住是菩薩性自賢善性自能行功德善法性賢善故率意方便諸善法生不待思惟然後能得種性菩薩是一切佛法種子一切佛法種子在於身中離塵煩惱種性住菩薩雖起上煩惱纏終不能行五元間業及斷善根種性義如種性品說是名種性住

地持論第九卷 第四品 行

名解行住種性住菩薩於餘菩薩住及如來住三因攝因非方便亦非得亦非清淨何況如來住解行住菩薩於餘菩薩住及如來住是方便而非得亦非清淨唯得解行及清淨向解行住菩薩淨修歡喜住得前方便及清淨向歡喜住菩薩淨修增上戒住得前方便及清淨向如是廣說乃至取上菩薩住當如是知取上菩薩住次第淨修如來住前方便如來住頻得及清淨是為菩薩住如來住差別云何歡喜住菩薩淨心住是名歡喜住云何增上戒住菩薩因淨心性戒具足住云何增上慧住菩薩因增上戒淨世俗種三昧正受住云何菩提分法相應慧住菩薩因世俗淨智真實三昧真諦覺正念慶等三十七菩提分法觀察住云何諦相應慧住菩薩因菩提分法觀察真諦慧住云何緣起生滅相應慧住菩薩真諦覺為增上已有因緣若生有因緣若滅觀察住云何有行有開發無相住菩薩三種增上慧為增上已有行有開

地持論第九卷 第四品 行

發不斷無間一切法如難諸妄想修慧俱住云何無行無開發無相住即此無相住多修淨至不斷無間增長道隨順住云何無尋住菩薩依快淨不動智慧三昧於佛所說無上方廣章句義辭分別觀察住云何取上菩薩住菩薩住究竟菩薩道得阿耨多羅三藐三菩提大法灌頂一生相續若最後身於此住次第得无上菩提作一切佛事住

解行住菩薩修少行斷行不定行所得有退轉歡喜住乃至三種慧住菩薩修廣行不斷行決定行所得不退轉有行有開發無相住乃至取上菩薩住菩薩修無量行不斷行決定行所得不退轉

解行住菩薩無相修方便歡喜住乃至增上慧住菩薩得無相修第一無相住第二無相住菩薩無相修淨無尋住取上菩薩住菩薩無相修果解行住菩薩行解行時有何行相解行住菩薩行解行時以思惟力菩薩所作方便思惟修習不能性自真實堅

地持論第九卷 第四品 行

不可思議品說六通如先說是名神通行二无量調伏無量方便无量如先說是名熟行菩薩摩訶薩如是四行攝一切行菩薩摩訶薩无量阿僧祇究竟具足淨諸善法勝諸聲聞辟支佛等畢竟攝取菩提道果畢竟能得阿耨多羅三藐三菩提故是名十波羅蜜若說次第則有三事一者對治故二者生故三者得果故對於善法有六事一者慳貪二者惡業三者恚心四者懈怠五者亂心六者愚癡以是六法因緣故不得阿耨多羅三藐三菩提提為壞六法故說六波羅蜜檀波羅蜜乃至般若波羅蜜六波羅蜜則攝四波羅蜜是名對治生者菩薩摩訶薩捨於一切世俗之物出家學道是名檀波羅蜜既出家已受菩薩戒是名尸羅波羅蜜以護戒故雖有罵打默受不報是名羼提波羅蜜戒既清淨懃修善法是名毗梨耶波羅蜜以精進故五根調伏是名禪波羅蜜五根既調知真法界是名般若波羅蜜是名為生果報者菩薩現在

菩薩地持經卷第二

菩薩地持經卷第二

修施等善法若捨身已外得大財內得五具足五具足者生人天中得壽色力安樂辯才是名施果以施因緣修集善法心無嫉妬忍眾罪過是名具足第二果報以施因緣若作世事及出世事心無厭悔是名第三果報以施因緣其心柔軟无有錯亂是名第四果報以施因緣了了能知此是福田此非福田知是可施是不可施善知方便求財取財是名第五果報四波羅蜜攝六波羅蜜有三戒一者隨戒戒二者隨心戒三者隨智戒菩薩尸波羅蜜名為隨戒戒禪波羅蜜名隨心戒般若波羅蜜名隨智戒離是三戒无菩薩戒菩薩三戒攝一切戒菩薩有四事能利眾生何等為四一者為於菩提修集善法二者先以真智知諸法義三者增長善法四者熟眾生根如是四事菩薩能大利益眾生若有說言離是四事能利眾生者无有是處

修施等善法若捨身已外得大財內得五具足五具足者生人天中得壽色力安樂辯才是名施果以施因緣修集善法心無嫉妬忍眾罪過是名具足第二果報以施因緣若作世事及出世事心無厭悔是名第三果報以施因緣其心柔軟无有錯亂是名第四果報以施因緣了了能知此是福田此非福田知是可施是不可施善知方便求財取財是名第五果報四波羅蜜攝六波羅蜜有三戒一者隨戒戒二者隨心戒三者隨智戒菩薩尸波羅蜜名為隨戒戒禪波羅蜜名隨心戒般若波羅蜜名隨智戒離是三戒无菩薩戒菩薩三戒攝一切戒菩薩有四事能利眾生何等為四一者為於菩提修集善法二者先以真智知諸法義三者增長善法四者熟眾生根如是四事菩薩能大利益眾生若有說言離是四事能利眾生者无有是處

十三如來行者名為畢竟佛地畢竟

佛地者有百四十不共之法所謂三十二相八十種好四一切行淨十力四無所畏三念處三不護大悲常不忘失斷煩惱習一切智是名百四十不共法三十二相者一者足下平二者足下千輻輪三者指纖長四者足跟腠滿五者指網縷六者手足柔軟七者腠滿如伊尼延鹿王八者蹀骨不現九者平住手摩膝十者藏相如象馬王十一者身圓滿足如尼拘陀樹十二者身毛上靡十三者二毛右旋十四者身真金色十五者常光面各一尋十六者皮膚細軟塵如不着十七者七處滿十八者上身如師子十九者臂肘圓二十者軟骨平滿二十一者得身腠相二十二者口四十齒二十三齒密不疎二十四者齒色白二十五者頰車方如師子二十六者味中得上味二十七者肉髻相二十八者廣長舌二十九者梵音聲三十者目紺青色三十一者眼如牛王三十二者眉間白毫八十種好者二十指是名二十好手

菩薩地持經卷第二

就近無上菩提清淨淨心於大菩提
生歡喜心菩薩決定心生離五惡畏
修无我智我想不生云何當有我愛
衆具愛是故離不活畏不於他人有
所求欲常欲饒益一切衆生是故離
惡名畏離於我見我想不生是故離
死畏此身命終於未來世必與諸佛
菩薩共會是故離惡道畏觀於世間
無與等者况復過上是故離大眾畏
如是離五惡畏已亦得遠離間深法
畏憍慢貢高他不饒益恚恨貪喜皆
悉遠離不染汙不雜行一切善法一
切種精進方便淨信現在修行於未
來事生十大願十大願如前菩提分
品說此歡喜住淨修生一者以清淨心
常願供養一切諸佛二者受持守護諸
佛正法三者勸請諸佛轉末曾有法
四者順行菩薩正行五者一切器具
足成熟六者一切世界悉能現化七
者自淨佛土八者一切菩薩同一方
便以大乘化九者利益衆生一切不
空十者一切世界得阿耨多羅三藐
三菩提作一切佛事如是大願能生

地持經第九卷 第七段 行

無量百千大願不離衆生界不離順
世間此諸大願生日常行終不忘失
現法方便精進修淨住十法歡喜住
淨修生一者一切佛法不壞信二者
方便觀緣起苦陰衆生三大悲心三
者觀苦衆生令得解脫生大慈心四
者以大慈悲欲度一切受苦衆生自
捨己身不捨衆生捨內外物而行布
施五者為度衆生故勤求世間出世
間法心不歇憊六者心不歇憊故知
一切論七者知一切論故知軟中上
衆生隨其所應知世間八者隨所應
已知時知量生慚愧心九者如是方
便得勇健力十者得世財利供養如
來如是十法淨歡喜住所謂信慈悲
施不歇知論知世間慚愧勇健供養
如來菩薩修此十法於餘九住增上
戒住等觀察一切種道功德過惡求
佛菩薩所有神通樂不壞道善攝行
得依過一切住得大菩提為大導師
度脫生死曠野衆生教令入行入行
已得得已果福利成名為依住此住
者有二因緣見無量佛聞菩薩說

地持經第九卷 第七段 行

則能解知知十方無量世界種種佛
名名應淨信見乃至得真實見是名
一因緣復作是願彼佛出世我當生
彼隨願往生如是應淨信見以願力
故見諸如來一切種供養樂具饒益
隨其所能隨其力供養法僧於如來
所聽受正法聞已受持法次法向以
四攝事成熟衆生一切善根迴向菩
提以三種清淨故彼諸善根轉復清
淨如來法僧供養攝受以四攝事成
熟衆生一切善根迴向菩提元量億
百千劫淨於身心譬如真金如是如
是著於火中工師鍊治轉增明淨菩
薩善根轉增清淨亦復如是若更受
生為轉輪王王閻浮提隨意自在遠
離慳貪亦化衆生離於慳垢以四攝
事攝取衆生普令衆生得第一義若
欲精進捨家財物於佛正法出家學
道於一念頃能具菩薩百三昧能以
三昧見百佛世界以神通智力能動
百佛世界身亦能過光明普遍能化一
身為百成熟衆生能住壽百劫能知
過去百劫事能知陰界入各百法門

地持經第九卷 第七段 行

化百菩薩以為眷屬若以願力神力所作則有無量億百千劫不可數知是名略說歡喜住所謂決定四事大願出生方便精進出生修淨住法彼彼住淨修見佛善根受生神力廣說如修多羅十地歡喜地說修多羅說十地即此菩薩藏摩得勒伽說十住攝受眾主故說地自受行住故說住云何增上戒住菩薩行相是菩薩於歡喜住得十種淨心一者一切種供養尊重福田先語問評心二者同法菩薩親近樂住心三者勝一切煩惱諸經魔業心四者見一切行過惡心五者見涅槃福利心六者常修菩提分法善根心七者隨順修菩提空闊淨處心八者不念世間貪愛貢高利養心九者離聲聞乘向大乘心十者一切種利益眾生心如是十種心生名得淨心如是淨心滿足次第入增上戒住入增上戒住已性戒具足離邪業迹所攝惡戒一切不行況復中上如是性戒具足染汙不染汙業善趣惡趣業迹因履果處如實知報果依

果及彼業如實知自斷十惡行十善業復以此法教授眾生善業過惡惡眾生界等无差別善業惡業第一義苦種種眾難得廣大哀愍見佛善根清淨如前說辭如真金得加私藥著於火中轉增明淨菩薩善根清淨亦復如是此住清淨心成就受生作轉輪王王四天下以自在力令諸眾生離諸惡戒行善業迹神力十事如修多羅說是名略說增上戒住所謂淨心性戒具足離一切惡戒離一切業迹一切因果如實知分別四種業教授眾生眾生界善惡業生苦眾難得廣大哀愍見佛善根清淨受生神力廣說如修多羅十地離垢地說離惡戒垢故名離垢彼離垢地即是增上戒住云何增上意住菩薩行相是菩薩於增上戒住得十種思惟十種思惟滿具足已過增上戒住入增上意住一者淨十種淨心二者離十種不淨心三者一切有漏法能生厭離四者知修對治法五者修對治法不退轉六者堅固對治勝一切有漏一切魔業七者

於諸佛法无有退弱八者於諸苦行不以為難九者信解大乘不樂小乘十者一切種利益眾生增上意住菩薩觀一切行無量過惡生於厭離觀佛智慧功德福利生於正念淨淨信心觀眾生界種種苦行悲念眾生而依於義於右為行不為放逸於大菩提熾然精進於諸眾生生大悲心令諸眾生究竟脫苦觀察一切煩惱障導解脫正智觀察法界一切妄想煩惱所起對治智慧成就就智慧三昧等觀聞菩薩藏以為方便因聞方便勤修精進聞正法故不惜身命无内外物而不布施無有尊重而不恭敬无有正教而不奉行无有身苦而不求法以愛念心聞一四句偈勝於愛念三千大千世界大珍寶聚若聞一偈正向佛道淨修菩薩行勝得一切轉輪聖王護世帝釋魔梵諸王若有人言我有此法正向佛道淨修菩薩行若能投大火坑受大苦者當為決說菩薩聞已歡喜樂受作是念若聞正法正向佛道淨修菩薩行正使三千

大千世界大火熾然乃至梵天尚入其中况復小火經地獄苦尚求佛法况復小苦如是精進方便思惟求法如法次法向隨順佛法不以文字音聲清淨作是念已因聞正緣法相離欲惡不善法得世俗四禪四无色四無量五神通捨諸禪三昧正受以願力故來生欲界觀彼衆生能滿菩提分法者而生彼處離欲故欲縛斷捨諸禪正受故有縛斷解行住先如是法如解脫見縛斷耶貪癡癡畢竟不行見佛善根清淨如前說辭如真金數被鍊治離垢明淨菩薩善根轉增清淨亦復如是若更受生得帝釋身以離欲善法調伏衆生神力勝前諸住百千万倍是名略說增上意住所謂十種思惟成就一切行衆生界大菩提正分別真實苦解脫方便正求大恭敬求法次法向巧便出生諸禪三昧正受神通捨於諸禪以願力故隨所欲生見佛善根清淨受生神力廣說如修多羅十地明地說聞行法行法明照三昧明照故名明地

地持經第九卷 第十一疏 行

內心清淨故名增上意住彼明地即此增上意住云何菩薩菩提分法相應增上慧住是菩薩於增上意住得十法明增上滿足已入初增上慧住十法明如修多羅說謂平等第一義若煩惱若清淨淨煩惱繫繫元上清淨淨是名略說法明義住此住者十智成熟不壞淨為首如修多羅說十智成熟生如來家逮得自在十智觀察為增上已修念處等三十七菩提分法如修多羅說修集彼法故身見等離陰界入微細受著畢竟不生如來不稱歎業一切不行所稱歎者一切隨順如如真實心轉柔和修種種行其心快淨知恩報恩隨順功德種種淨法皆悉成就修上地業得大精進因彼精進淨心深信解滿足因彼正法外道魔怨不能傾動見佛善根清淨如前說辭如真金為莊嚴具餘金不及菩薩善根亦復如是勝餘下地菩薩切德如育多摩尼光明清淨餘珠不及一切風雨所不能滅如是菩薩下地

地持經第九卷 第十一疏 行

菩薩聲聞緣覺智慧光明所不能及魔怨煩惱皆不能壞若更受生作焰摩天王以諸善法教化衆生破身見等神通力勝於前住百千万倍是名略說菩提分法增上慧住所謂十法明成就入十種成熟修菩提分法身見等一切著斷制業聽業若離若修因彼心轉柔和隨順功德皆悉成就修上地業得大精進因彼精進淨心深信解清淨因彼正法魔怨不動見佛善根清淨受生神力廣說如修多羅十地焰地說彼地菩提分法智焰種正說法智明照世間是故彼地名為焰彼焰地即此菩提分法相應增上慧住云何菩薩諦相應增上慧住是菩薩於初增上慧住得十平等淨心增上滿足已入第二增上慧住十平等淨心如修多羅說謂无等等覺起餘衆生於法如等是名略說平等淨心義住此住者智慧增進於四聖諦有十種如實知如修多羅說若緣他若自知若俱知如修多羅說若得勒伽說

地持經第九卷 第十一疏 行

現在苦苦因苦因滅苦因滅方便道是名略說十種四聖諦知是諦方便破壞一切有為行於諸衆生大悲增長前際後際於四真諦愚惑邪向令入解脫功德智慧衆具成熟修行正願正念正智正說等種種真實功德增長無餘思惟一切種成熟方便成熟衆生攝衆生故修世俗書論如修多羅說以巧業一切出生悲心誘進安立菩提隨順世間方便惠施四大錯亂非人所持令得休息无罪戲樂衆具饒益因此饒益引令樂法以住止衆具而為饒益王賊所惱度令安隱處非處方便若聽若割吉非吉事惠施成就現法展轉清淨饒益諸顛倒者為說正道是名攝受衆生世俗工巧平等義見佛善根清淨如前說譬如真金衆寶廁填光明清淨勝於餘金如是菩薩智慧方便勝餘菩薩聲聞緣覺譬如日月宮殿一切風輪不能令失如是菩薩智慧方便不為世法之所毀壞若更受生為兜率天王以諸善法破壞一切外道邪法

地持論第九卷 第二十八行

○菩薩地持經

神通力勝於前住億百千倍是名略說諸神應增上慧住所謂平等淨心成就入諦觀增長破壞諸行於諸衆生大悲增長功德智慧衆具成熟正願正念正智正說等功德增長无餘思惟一切種成熟方便成就衆生工巧出生見佛善根清淨受生神力廣說如修多羅十地難勝地說決定智慧難勝是故彼地名為難勝彼難勝地即此諦相應增上慧住云何菩薩緣起相應增上慧住是菩薩於諦相應增上慧住得十平等法增上滿足已入第六住一者一切法第一義自性平等二者無言說行无相等三者無生平等四者因緣不起平等五者畢竟寂滅平等六者離諸虛偽平等七者一切行无取無捨平等八者一切法離平等九者妄想境界如幻如化平等十者妄想境界有无無二平等是名略說十平等法住此住者於諸衆生大悲增長專樂菩提知諸世間合散生滅緣起正行了知依緣出生智慧及三解脫門空

地持論第九卷 第二十八行

無相无願依三昧離我所知者作者有性無性相如是第一義方便思惟衆生煩惱結縛因緣和合有為危脆著我我所生諸過惡離煩惱結縛因緣和合自護故不滅一切有為攝衆生故如是智慧慈悲隨順住無障尋解脫般若波羅蜜住无尋智解脫已於一切世間行無尋如是住者名第七地菩薩方便行忍隨順忍所攝住無障尋解脫般若波羅蜜修菩提因緣不退轉世俗有為一切不住亦不住彼休息寂滅如是方便智慧隨順入空三昧門百万空三昧門現在前如空三昧無相无願三昧門亦如是此諸三昧門現前已得不壞心一切種佛法殊勝外道魔怨所不能壞餘如前說譬如真金衆寶廁填勝於餘金如是菩薩善根清淨勝於一切譬如月光除衆生惱一切風輪不能障蔽菩薩智慧光明為諸衆生息煩惱火一切魔怨不能斷絕若更受生為善化自在天王常以善法滅除衆生一切憍慢神通力勝前億百千倍是

地持論第九卷 第二十八行

名略說緣起相應增上慧住所謂平等法成就入覺諸緣起生解脫門離諸邪想方便攝受住無障尋解脫般若波羅蜜得无量三昧得不壞心佛法殊勝見佛善根清淨受生神力廣說如修多羅十地現前地說无尋智現前是故彼地名為現前即此地名為緣起相應增上慧住

云何菩薩有行有開發无相住是菩薩於緣起相應增上慧住具足十方便慧次第出生世間共不共勝進道增上滿足已入第七住十方便慧如修多羅說謂出生世間善法攝受福德安樂眾幸福德眾具菩提分法悉得增長不共一切聲聞緣覺知眾生界法界世界如來身口意是名略說方便慧出生道如是功德次第勝進入無量無數如來境界所起處无開發無相想見无量佛境界所起處无間無斷修習一切威儀行住思惟不離一切處道於念念中具足十波羅蜜及一切菩提分法非如餘住第一歡喜住修習正願第二住離惡戒垢

持經第九卷 第三十二行

第三住願轉增長得法光明第四住入道第五住入世間所作第六住入甚深法門此第七住起一切佛法滿足助菩提法是菩薩方便行滿攝受住智神通清淨行菩薩於此住次第入清淨第八住第八住者一向清淨第七住離淨方便入不染汙名不汙汙行此第七住貪等煩惱斷故名有煩惱不得佛智慧如實心清淨故不名離煩惱此第七住成就无量身口意業如佛所歎業如前說五住所得世間工業智自然滿足為三千大千世界大師唯除上地菩薩及如來餘無及者一切禪定菩提分法皆現前修而不受報

菩薩於此住思惟方便入善伏三昧生百萬三昧起過一切聲聞緣覺三昧境界遠離煩惱諸妄想行隨順甚深身口意業不捨方便勝進之道願念眾主滿足菩提離一切相無量身口意業生淨修无生法忍於此住超過自覺境界餘六住佛法學緣第六住菩薩能入寂滅今住此地念念寂

持經第九卷 第三十三行

滅而不證寂滅得未曾有身口意業不思議實際而不證實際如是方便智生為增上已行共一切眾生行照明世間餘如修多羅說取要言之為功德事親屬想攝受修習勝進住三解脫求下乘者方便調伏受五欲者求殊勝欲轉諸邪見隨順正念於諸大會皆悉隨順餘如前說譬如真金一切摩丑眾寶廁填勝閻浮檀金菩薩善根清淨勝於一切聲聞緣覺及餘離垢菩薩譬如日光照闇淨提一切濕穢皆令乾消勝於餘光是菩薩智慧光明能令眾煩惱乾消勝於一切聲聞緣覺及餘菩薩智慧光明若更受生作他化自在天王以智慧饒益一切神力勝前億百千倍是名略說有行有開發无相住所謂方便慧勝進道成就入如來境界所起處無間方便於念念中具菩提分法不染汙建立方便行滿足攝受淨身口意業一切世間工巧業滿足得元量三昧不共一切聲聞緣覺念念寂滅行於一切共世間行見佛善根清

持經第九卷 第三十四行

淨受生神力廣說如修多羅十地遠行地說方便行滿足是故彼地名為遠行即此地名為有行有開發元相住云何菩薩無行元開發無相住是菩薩於初無相住得十種入一切法第一義智如修多羅說謂三世法如所應無生无起無相元成第一義難言說自性不知言說行自性相生無智邪見計著知難言說事初中後一切時煩惱平等入難妄想平等一切煩惱悉皆遠離是名略說入第一義智此十種智增上滿足已入第八清淨住是名得快淨第一無生法忍菩薩復有四種求求一切法四種如實知知一切法以求知故離一切妄想計著現法一切煩惱不起來世一切究竟不生妄想計著四種求四種如實知如前真實品說從解行住乃至有行有開發無相住未得快淨於此住乃得快淨是故名第一无生法忍得無生法忍已得甚深行離初无相住四種惱患一者有行有開發二者淨地勤方便三者一切衆生利益堪能勤

地持經第九卷 第二十七經 行

方便四者微細想行是故此住名為快淨於甚深法門法流水中如來勸發出生无量門智慧神通諸業饒益以勸發故無量尊身智慧出生得十自在如修多羅說得自在故欲久近住隨意即能諸禪解脫隨意所欲資生衆具世工巧業悉得隨意一切生處一切受生隨意往生一切神力一切捨願隨意能得變一切物成於金寶隨意能成欲知法界名身句身味身於一切法建立巧便即能知之如是自在力果報福利如修多羅說於念念中常等見佛善根清淨受生神力金光明喻如修多羅說是名略說元行無開發元相住所謂第一義智成就入得不起法忍煩惱悉離得快淨住甚深法門諸佛勸發出生无量智慧神通諸業饒益無量尊身智慧出生得大勢力得大自在力福利果報善根清淨受生神力廣說如修多羅十地不動地說離有行有開發乘不動勝進道是故彼地名為不動即此地名為无行無開發元相住

地持經第九卷 第二十七經 行

云何菩薩无尋住是菩薩樂深解脫上勝進智知佛法藏菩薩一切種行為人廣說於所說法所可為說悉如實知所可說法煩惱清淨誰惱誰淨悉如實知如是善說法名大法師得无量陀羅尼善諸音聲辯才無盡法陀羅尼攝受堪能成就乃至出生菩薩无尋智坐於法座所可說法衆生樂受堪能成熟如修多羅說善根清淨受生神力如修多羅說是名略說菩薩无尋住所謂樂深解脫說法行智不思議大法師善根清淨受生神力廣說如修多羅十地善慧地說安樂一切衆生淨修菩薩無尋廣說大法是故彼地名為善慧即此地名為无尋住

云何最上菩薩住是菩薩於無尋住淨修一切種法王所應灌頂法得離垢等无量三昧作所應作寂後益一切智灌頂三昧現在前得一切佛同坐身蓮華眷屬光明普照得一切種一切智灌頂一切剛強悉調伏得解脫方便佛所住智无量解脫惣持神通

地持經第九卷 第二十七經 行

得大念智言辟部分及大神通善根清淨受生神力是名略說最上菩薩住廣說如修多羅十地法雲地說法雲地菩薩滿足菩薩道滿足菩提眾具得菩薩勝慧與大法雲以正覺自覺雨諸衆生煩惱垢穢悉令休息種種善根增長成熟是故彼地名爲法雲即此地名爲最上菩薩住

如上說展轉上功德前地所無彼一住若中上根者一一經億百千大劫多有成就軟根者不在數中彼一切住要經三阿僧祇大劫初阿僧祇大劫解行住過得歡喜住五行勝進第二阿僧祇大劫歡喜住乃至有開發無相住過得元開發無相住此即決定淨心菩薩決定勝進第三阿僧祇大劫元開發無相住及元尋智住過得最上菩薩住劫有二種一者日月晝夜時節歲數元量故名阿僧祇二者大劫無量故名阿僧祇彼彼歲數阿僧祇劫是前阿僧祇菩薩所過後三阿僧祇大劫元有過若菩薩增上精進能轉中劫不能轉大劫

地持經第九卷 第二十八行

如是十二住菩薩三阿僧祇大劫煩惱障分染汙智障分染汙斷彼三住煩惱障分染汙斷歡喜住三起煩惱分斷增上中煩惱分一切不行元開發無相住无生法忍清淨相續煩惱染汙分一切不行最上菩薩住一切煩惱習使障斷入如來住智障染汙分有三種一者皮二者膚三者骨歡喜住斷皮障无開發無相住斷膚障如來住斷骨障一切障清淨於此三住智障斷餘住隨其次第真實莊嚴如是十三住有十一種淨第一種性淨第二解行淨第三淨心淨第四戒淨第五意淨第六第七第八正見淨第九方便行滿足淨第十真實智神通出生淨第十一正義元盡說無導淨第十二隨順一切種一切所知智淨第十三如來住一切煩惱障習使智障習使淨如前菩薩功德品說八法攝一切摩訶衍菩薩藏所攝此十三住攝第一第二住信心生解行住於菩薩藏得聞慧思慧第三住得淨心及初修慧行第四住乃至第九有

地持經第九卷 第二十九行

行有開發無相住修惠廣第十第十一第十二住淨修慧行所攝修慧果成如來住畢竟出離聲聞住法亦有十二如菩薩次第當知一者聲聞自種性住二者入正未越次取證方便住三者越次取證住四者得不壞淨未聖戒轉上漏盡住五者依增上戒增上意學出生住第六第七第八得真諦智增上慧學住九者觀察生死无相三昧方便住十者究竟無相住十一者解脫覺處住十二者一切種阿羅漢住

菩薩地持經卷第九

辛丑歲高麗國大藏都監奉
勅雕造

地持經第九卷 第三十行

菩薩地持經卷第十

行

北凉中印度三藏聖無識於姑臧譯

菩薩地持畢竟方便處生品第一

第三品

菩薩生略說有五種一切住一切行

菩薩以無罪安樂一切眾生一者息

苦生二者隨類生三者勝生四者增

上生五者寂後生菩薩以願力自在

力於飢饉世受大魚等身以肉救濟

一切眾生於疾病世為大醫王救治

眾病於刀兵世為大力王以善方便

誠信之言等心救濟息於戰諍繫縛

鞭打逼迫之處為息惱故生於王家

以法正化邪見眾生奉事天神造諸

惡行以願力自在力生彼天處斷彼

邪見及諸惡行如是無量生處皆悉

往生是名息苦生菩薩以願力自在

力於種種眾生天龍鬼神阿修羅等

迭相惱亂及諸外道起諸邪見惡不

善行悉生其中為其導首引令入正

彼所作者菩薩不為彼不修者菩薩

為之又以善法廣為宣說如是隨類

受生乃至无量是名隨類生菩薩以

性受生勝於世間壽色等報如自他

利品說如是受生亦復無量是名勝

生菩薩從淨心住乃至取上菩薩住

在所受生如前住品說於閻浮提自

在生乃至大自在未過究竟地一切

受生處於中奇特是名增上生取上

菩薩住受生調伏業菩提眾具增上

滿足生剎利婆羅門家得阿耨多羅

三藐三菩提作一切佛事是名寂後

生過去未來現在一切菩薩皆以此

五種受生無餘元上菩薩因此五種

受生疾得阿耨多羅三藐三菩提

菩薩地持畢竟方便處攝品第二

菩薩一切住一切行等攝眾生略說

有六種一者攝攝二者增上攝三者

取攝四者久攝五者不久攝六者後

攝菩薩初發心於一切眾生作父母

想隨力所能以一切種安樂饒益是

名攝攝菩薩為主於父母尊重種種

方便勤修善法隨時供養知恩報恩

妻子眷屬瞻視教授所犯堪忍疾病

救療教修善法令其勝進奴婢作使

等心料理不生賤想菩薩為王攝攝

地持經卷第十 第三品 行

人民如法正化不加非罰以財以法

而為饒益自守境界不侵他土隨其

力能教諸眾生令修善法菩薩為父

於他眾生尚無偏黨況自眷屬而不

平等言常柔軟真實不虛一切煞縛

逼迫苦切皆悉遠離是名增上攝有

二因緣等攝徒眾一者捨於貪心以

財饒益離於貧窮二者教修正義以

法饒益拔惡邪見等心攝受不隨偏黨

不為法慳不作師倦不於彼所求於

供養彼樂修者亦不遮止為令增長

福德眾具故未解義令起已解義令

增疑者為決悔者令覺隨時為說甚

深要義同其苦樂心元增減有犯罪

者等心教誡有時呵責有時讚歎疾

病救療為除憂患於下念下精進下

智慧不起輕想隨宜為說繫念境界

隨時教授堪忍不惱於等於勝修勝

供養修習悲心不掉不動成就戒見

威儀正命和顏平視先語問評常修

善業不為放逸以如是法教於徒眾

亦自修行菩薩不於一切時攝取徒

眾亦非不取亦不趣亦取是名取攝

地持經卷第十 第三品 行

軟成熟衆生久久乃淨是名久攝中
成熟衆生不久得淨是名不久攝上
成熟衆生於此生堪能清淨是名後
攝是名六種等攝衆生過去未來現
在菩薩已攝當攝今攝皆此六種無
餘无上菩薩如是等攝衆生有十二
難一者能善觀察犯戒衆生若教若
捨二者為調衆生若方便行自護煩
惱三者財物至少而求者多四者唯
有一身多求同事五者以清淨業生
放逸人天而其內心初無放逸六者
悲念衆生利益同事七者愚癡諂曲
支節殘毀若教若捨八者見生死過
而不捨生死九者未得淨心命終之
時不失正念十者未得淨心極所愛
重衆生末求而以惠施十一者種種
異心種種異解未有所求若作若捨
十二者畢竟不放逸而不斷煩惱苦
薩於諸衆生不觀輕重而為方便或
察於人而行於悲或勇猛方便為造
因緣或修正願或淨信心或專心思
惟觀察不倦或時柔軟或時行捨或
時精進或時巧方便菩薩如是正對

治巧方便於十二難能自開解心不
退沒

菩薩地持畢竟方便處地品第三

如上所說十三位次第為七地六是
菩薩地一是菩薩如來共地一者種
性地二者解行地三者淨心地四者
行迹地五者決定地六者決定行地
七者畢竟地種性住名種性地解行
住名解行地淨心住名淨心地增上
戒住增上意住三種增上慧住有開
發無相住名行迹地無開發無相住
名決定地於三決定是初決定元尋
智住名決定行地取上菩薩住如來
住名畢竟地如來住地後建立品廣
說菩薩於解行地入歡喜地云何離
惡趣報是菩薩於解行地依世俗淨
禪集善提具於百一十若衆生修悲
愍心為惡趣衆生久處惡道如已舍
宅於此學無上善提故堪忍能為一
切衆生作除苦因一切衆生三惡道
業以清淨心願悉代受畢竟修行一
切善業修習正願以世俗淨禪正願
力故惡道煩惱塗汙受身不久得斷

菩薩轉惡道身諸惡道業一切不行

是名菩薩離諸惡趣過解行地入淨
心地前住品說淨歡喜住信等十法
於此地淨對治所治及次第建立云
何對治一者放逸不受菩薩戒違信
菩提是故以信對治二者於諸衆生
有煞害心違於大悲是故悲心對治
三者於諸衆生有瞋恚心違於大慈
是故慈心對治四者顧念命財違於
惠施是故惠施對治五者於諸衆生
多求衆具違於不憊是故不憊對治
六者無方便智違於知論是故知論
對治七者不善隨順違隨順他是故
知世間對治八者於修善法放逸慳
急違於慚愧是故慚愧對治九者長
夜生死受無間苦其心怯劣違於勇
猛是故勇猛對治十者於佛疑惑違
於供養是故供養對治如是十種對
治所治略說有二種一者心淨二者
方便淨前三種心淨餘者方便淨云
何次第菩薩信於菩提於苦衆生而
起悲心起悲心故欲度衆生而起慈
心起慈心故而為惠施為惠施故修

習正義無有歇憊无有歇憊故知諸經論知經論故善知世間隨順世間隨順世間故若煩惱起而生慙愧以慙愧故不隨煩惱得勇猛力得勇猛力故修正方便善法增長多得勝利供養如來如是十法淨一切地

菩薩地持畢竟方便處行品第四

菩薩從解行住乃至寂上菩薩住略說有四行一者波羅蜜二者菩提分法三者神力四者成熟衆生如前說六波羅蜜巧方便波羅蜜願波羅蜜力波羅蜜智波羅蜜是名波羅蜜行如前說十二巧方便是名巧方便波羅蜜如前說五種願是名願波羅蜜十力方便清淨是名力波羅蜜一切法部分知是名智波羅蜜知第一義諦故名般若波羅蜜知世諦故名智波羅蜜又无量智名巧方便波羅蜜求增進智故名願波羅蜜一切魔道不能壞故名力波羅蜜智開覺故名智波羅蜜如前說念處等三十七菩提分法四種求四種如實知是名菩提分法如前說六神通是名神力如

地持經第十卷

第三

行

前說二無量調伏界千量調伏方便無量是名成熟衆生如是四行攝一切菩薩行三阿僧祇劫長夜修行自性清淨勝餘世間聲聞緣覺攝大菩提果施等十法時度自性清淨度果度是故名波羅蜜諸波羅蜜次第建立有三種一者對治二者因起三者報果慳貪惡業瞋恚急亂意愚癡如是六法障導菩提六度對治隨其所應餘波羅蜜六波羅蜜所攝是名對治建立是菩薩始不顧財捨離出家既出家已受菩薩戒以護戒故修習忍辱不怖衆生忍力清淨不怖衆生故修習無間善法方便以修精進无放逸故善一其心心已善一得如實智是名因起建立是菩薩現法修習惠施善法於未來世外得大財內得壽命色力安樂辯才五種果報戒等波羅蜜五種具足者生善趣中於諸衆生壽等奇特是名初具足彼俱生善方便无有疲厭忍他侵犯不惱衆生是名第二具足彼俱生一切方便堅固堪能是名第三具足彼俱生

地持經第十卷

第三

行

少諸塵穢自心堪能知一切義得諸神通是名第四具足彼俱生智慧增廣是名第五具足是名報果建立彼四波羅蜜衆具自性眷屬元盡是名增上戒學禪波羅蜜是名增上慧學般若波羅蜜是名增上慧學此三學得無餘无上略說菩薩有四種行攝一切事一者先習菩提善根二者利益衆生三者增長善法四者成熟衆生如是四種行次第建立是名寂上建立菩薩地持畢竟方便處建立品第五十三如來住名為究竟地諸佛世尊有百四十不共法所謂三十二大人相八十種隨形好四一切種清淨如來十力四無所畏三念處三不謬大悲不忘法斷除諸習一切種妙智云何三十二大人相一者足下安平二者足下千輻輪三者纖長指四者臍足跟五者手足網錫六者手足柔軟七者臍脇脇如伊尼延鹿王八者踝骨不現九者平立手摩膝十者馬藏如馬三十一者身圓滿如王拘樓樹

地持經第十一卷

第三

行

十二者身毛上靡十三者一一毛左旋十四者身金色十五者圓光一尋十六者皮膚細軟塵垢不著十七者兩手兩足兩肩及頸七處滿十八者上身如師子十九者臂肘臍圓二十者缺骨滿二十一者身臍直二十二者四十齒二十三者齒齊密二十四者齒白淨二十五者頰車方如師子二十六者次第得上味二十七者肉髻二十八者廣長舌二十九者梵音聲三十者目紺色三十一者眼上下瞬如牛王三十二者眉間白毫

八十隨形好者手足二十爪指手足八處表裏平滿兩蹠兩膝兩脛兩肩兩肘兩腕兩股兩臂藏相兩圓兩脇兩脇兩腋兩乳腰背心齊咽腹悉皆妙好是名咽已下六十種好上下牙齒齒兩脣兩斷兩頰兩頤兩眼兩耳兩眉兩鼻兩孔額兩角是名咽已上二十種好

此相好淨心地菩薩始得後一切地漸勝清淨至菩提座乃得快淨餘四一切種清淨等不共法快淨滿足時

地持經第十卷 第一張

得下者前菩薩地成就從淨心地起一切勝進菩薩一切相好生又種種菩提眾具有遠有近遠者未得相好近者已得造種種業得種種報世尊教化力故說何以故眾生行種種惡業得種種惡報為真實對治故說種種相好業令得種種相好果報眾生聞已樂修善法離諸惡業如相好修多羅說菩薩持戒忍辱惠施故得足下安平相供養父母苦惱眾生為作救護故得足下輪相不空眾生無劫盜相於所尊重先語問計合堂恭敬以受念財而為供養破諸惱惱故得纖長指相即上得三相業得臍足跟相以四攝事攝取眾生故得手足網指相為所尊重望身洗浴故得手足柔軟相修諸善法轉進無厭故得臍脇相自受正法廣為人說為法走使故得蹠骨不現相次第修行三業清淨賻病施藥離諸我憍修習知足故得平立手摩膝相見分離者以法和合修習慇懃施人衣服故得馬藏相修三業亦教人修飲食知量病者

地持經第十卷 第二張

施藥攝受離眾集眾難財四大增損能令隨順故得身圓滿相即上得臍脇相業得身毛上靡相自修善法智慧明達思惟諸法微細之義於所尊重樂修供養於同住者以善友攝教令入義故得一一毛右旋相以上妙衣食車輦環珞等嚴身之具施於一切不起瞋恚故得身金色圓光一尋二相即上得一一毛左旋相得皮膚柔軟相等施眾生供設大會故得七處滿相已起未起為作導首難於我憍柔和其性為除不善教以善法故得上身如師子相即上得纖長指相業得臂肘臍圓缺骨滿身臍直三相遠離兩舌壞者和合故得四十齒齒齊密二相修欲界慈思惟法義故得齒白淨相隨眾生求歡喜施與故得頰車方相施勝法味壞諸味者為淨其味故得次第得上味相受持五戒轉以授人常行悲心迴向大法故得肉髻廣長舌二相此肉髻相無見頂相即是一相常修實語愛語時誥如法語方便說法故得梵音聲相

地持經第十卷 第三張

普於衆生等行慈心猶如父母故得目紺色眼下瞬二相見實德者稱揚讚美故得眉間白毫相三十二相無差別因皆是持戒何以故若犯戒者不得下賤人身況大人相如是廣說二所得隨種種業各別建立復次在家出家菩薩異四種善修業得一切大人相決定修者得足下安平相專心修者得足下千輻輪臍臍脇手足網縵手足柔軟七處滿缺骨滿臂肘臍圓身臍直廣長吉九相常修者得纖長指臍足跟平立手摩膝身圓滿齒齊密五相无罪修者得餘諸相於諸衆生無忿恚者得手足柔軟皮膚細軟二相次第修時得臍臍脇相歡喜光明音聲善心行得圓光一尋身金色齒白淨眉間白毫四相聞譽不喜覆藏功德得馬藏相所修善報迴向菩提得毛上靡四十齒次第得上味肉髀四相勤修精進得師子上身方類車二相安衆生心如視一子得齒齊密紺眼賤如牛王三相修善无厭獲得餘相是名四種善

地持經第十卷 第十二攝行

修業得三十二大人相

種性地菩薩相好種子處解行地菩薩修集方便淨心地菩薩得淨地菩薩漸勝清淨如來畢竟地快淨无上此略說諸相為數中上衆生餘一切佛法皆是大人相此及餘百四十相於身妙好故說隨形好略說一切衆生福德積聚等一毛相一切毛相福德積聚等一隨形好一切隨形好福德積聚增至百倍乃得一相除白毫肉髀餘一切相功德增至千倍乃得白毫相白毫相功德增至百千倍乃得肉髀无見頂相白毫相功德增至億百千倍乃得如來法音相如來隨意發聲清淨梵音乃至十方无量世界如是如來無量功德積聚不可思議復次相好善業三種无量三阿僧祇劫修習名劫無量安樂一切衆生名心无量種種善業名行無量是无量福德衆具修習出如來相好四一切種清淨者一者身淨二者境界淨三者心淨四者智淨煩惱習身捨離无餘得取上身生滅自在是名

地持經第十卷 第十三攝行

身淨種種現化及所言說一切境界自在无碍是名境界淨煩惱悉離善根成熟是名心淨捨離一切無明穢汙一切所知无碍自在是名智淨如來十力者一者處非處智力二者自業智力三者禪解脫三昧正受智力四者諸根利鈍智力五者種種解智力六者種種界智力七者至處道智力八者宿命智力九者生死智力十者漏盡智力此十力如十力修多羅廣說言語所說不乖於如是故名多陀阿伽駄淨不淨果依老別因是名是處淨不淨果老別因相連是名非處離增上慢智是名如實智如前无上菩提品說一切智無碍智清淨智是名離增上慢智堪能一切種利益衆生一切魔怨捨離得勝是名為力修習攝受隨欲自在是名成就无上涅槃是名勝妙得八聖道離一切惱乱恐怖是名安隱自知所得名為自知目所得法以哀愍心為人廣說是名轉梵輪何以故如來於此種種惱乱清淨寂滅清涼真實初轉令一

地持經第十卷 第十三攝行

切衆生皆得清淨是名梵輪得定上
教攝無上大師說自所得破壞異道
於諸異論不生怯弱一切諸論勝妙
无上為四衆說是名師子吼略說自
安安彼彼我保安開發顯示教授宣
說又復略說得義得方便若天若人
諸有所求悉於我得是名得方便如
病得差除惱安隱復為人治是名轉
法輪能令一切虛妄邪師得諸對治諸
病得差是名師子吼若所作業成就
已滅是名過去若未作未滅而是當
作是名未來若所作業非作已滅而
是所作是名現在以行分別復有三種
謂身口意業以受法分別復有四種
有受法得現世樂他世苦報廣說如
前自他利品現法後世若安不安隨
其所應說法利益是名處方便若衆
生數以非衆生數為境界而有所作
是名衆生善根所作是名為因受與
不受福福果成是名為報略說一切
時一切行一切處方便一切衆生一
切境界一切因一切禍一切福如是
一切如來悉知無餘無上

四禪八解脫於禪解脫心得自在彼
彼色像隨意志成是名禪解脫三昧
正受如說世尊三昧正受如其正受
光照梵天妙音說法但聞其聲不見
其形以是教故如來入共世間不共
世間像類三昧能遠成辦於禪解脫
心得自在隨意悉成是故說禪解脫
三昧正受復次於諸禪等有二種煩
惱一者未方便修煩惱障身令不得
修二者已得自地煩惱諸經而使違
勝進道如來以種種世俗言教隨其
色像隨其所應令得禪等修慧滿足
離煩清淨若得未得若劣若勝悉如
實知是故名諸禪解脫三昧正受如
實知向成熟信等五根有數中上是
名諸根利鈍從他生信及自思惟為
方便起數中上欲是名種種解種種
種性建立謂三乘種性衆生貪欲等
性乃至八萬四千行是名種種境界
知諸度門隨順對治貪欲觀不淨廣
說如聲聞地是名一切至處道又種
種黨類各相違背起異見欲常共諍
論如外道沙門婆羅門一切種向此

世他世亦名至處道智力如時修多
羅廣說
知四方衆生俗數建立種種名字謂
過去八種事六種同行如是種種悉
能了知八種者如是名如是生如是
種性如是食如是苦樂如是長壽如
是久住如是壽限六種同行者俗數
名字剎利等色父母飲食善惡壽命
八種事六種同行他及自身作如是
說此是我名我為剎利婆羅門毗舍
首陀是我父母我食如是食我作如
是善惡若少年中年長年如是六種
同行以宿命智皆如實知
一切禪名為天住依禪得眼故名天
眼淨果滿足故名快淨人中无此故
言過人雖欲界天有報天眼人中亦
無衆生臨死名為死時黑闇二種如
是像類乘中陰生如夜黑闇黑羊毛
光故名惡色白淨有二種如是像類
乘中陰生如明月光波羅捺衣故名
好色起於惡戒是名惡戒身口意惡
行種種邪見惡行成就誹謗賢聖是
名惡見誹謗計著邪見邪因邪果緣

是造作一切邪業造邪業已受現世樂未來苦報成現世苦未來苦報是名受邪法因成就種種惡法生惡道

中是名因彼名色分離是名身壞生分都盡是名命終非法惡行是名為惡受極苦觸長夜無間是名惡趣墮極下處皆大悲等是名為墮墮上可厭是名泥犁與上相違是名淨分乘善行生是名善趣所受自然是名為天一切漏無餘斷一切使對治無漏心無漏智第一增上意增上慧有漏盡名為心解脫慧解脫依見道修通心得解脫慧得解脫是名後有得六神通自如實知能為他說故說自知作證我生已盡梵行已立如是廣說如來十力有七種一者自性二者分別三者不共四者等五者造業六者次第七者差別自性者有說五報自性有說智慧自性智慧自性者說處非處智力不說處非處信等力如處非處智力餘力亦如是分別者略說有三種一者時分別過去未來現在入一切智二者種分別一切有為法

地持經第十卷 第十九章 行

自相共相入一切種三者衆生分別一切衆生界入一切利益如是三種分別廣說則有無量

不共者如來十力不與聲聞辟支佛共等者一切如來十力平等無欺中上造業者處非處智力真實因果如實知伏因果諍論沙門婆羅門自業智力自所作業此業受果如實知伏施福諍論沙門婆羅門禪解脫三昧正受智力三種示現調伏教授伏對治相連諍論沙門婆羅門諸報利鈍智力於諸衆生教中上報如實知如其所應如其方便而為說法種種解智力於諸衆生教中上解淨不淨解如實知教修淨解離不淨解種種界智力於諸衆生下中上界如實知如其心如其根如其欲如其使彼彼度門教授利益至處道智力如來為諸衆生種種度門種種教授如聲聞地次第開發顯示教授宣說云何如來教授初業菩薩三昧衆具攝受住心如來為無諂曲者教令修學作如是言善男子汝當獨處深樂寂靜思惟父母師長

地持經第十卷 第十九章 行

所制名字如此名字內外六入及兩中間一切悉无自性亦無但是名想施設如是思惟法不可得不於未來起當來想善男子於現在眼作眼名眼想眼施設當自觀察我眼尚不可得況復名想施設言是眼也如是名想施設一切悉无名想施設都無真實彼眼自性亦无何以故非彼眼名眼想眼施設眼覺生但名字言說而生眼覺非彼眼性可聞可知於名於事而生眼覺是故思惟本來眼名眼想眼施設當求諸法悉不可得如眼如是耳鼻舌身乃至見聞覺知若求若得若覺若觀如是一切法想乃至當求想如是壞我想方便道攝受乃至壞一切法想方便道攝受如是一切所知善觀察一切法想當求想一切虛偽无想無思无相於一切義無所攝受當得如來清淨智慧三昧種性彼諸菩薩得不淨觀行於慈心觀察緣起分別諸界入出息念逮得初禪乃至非想非非想處菩薩无量三昧正受思惟漸次乃至得阿耨多羅

地持經第十卷 第十九章 行

三藐三菩提是名菩薩至處道過去如來為初業菩薩如是教授未來諸佛當如是教現在諸佛亦如是教聲聞乘如是思惟疾得神通无尋智一初至處道智力出一切苦道如實知離不出道出道鏡益宿命智力觀察宿命於善於惡若獸心若淨心調伏說法伏常論沙門婆羅門生死智力說衆生生死所往生處伏斷滅論沙門婆羅門漏盡智力伏疑惑解脫沙門婆羅門次第者如來得阿耨多羅三藐三菩提攝得十力後次第現在前阿惟三佛法部分因果故以處非處智力觀察因果部分欲界差別故以自業智力觀察自業而為說法令離惡業修行善業為世俗道離欲故以禪解脫三昧正受智力教諸衆生復為出世離欲故以禪解脫三昧正受智力先教衆生以世俗道離欲後得出世間道離欲欲令衆生得出世間離欲故以諸根利鈍智力觀察諸根知諸根已欲知怖望故以種種解脫智力觀其怖望觀怖望已以種種解脫

地持經第十卷 第三十品

力觀察根使隨其方便境界度門而度脫之以一切三處道智力於境界度門方便心住攝受心住行清淨已離身見斷常等見為說中道離一切煩惱故入宿命智力及生死智力為止所縛不斷煩惱起增上慢教令離故入漏盡智力

又次第者阿惟三佛法得阿耨多羅三藐三菩提已先以處非處智力觀察緣起第一義法住依第一義法住智已以自業智力觀在家分種種業觀在家分種種業已以禪解脫三昧正受智力觀出家分云何今此出家分於苦解脫當為說道起大悲心佛眼觀察以諸根利鈍智力觀察軟中上根而為說法餘種種解脫智力等次第如前說

又次第者阿惟三佛法以處非處智力觀察緣起法界以自業智力觀察生界如此衆生作如是業受如是果觀法界衆生界已以禪解脫三昧正受智力為苦衆生三種示現而教授之餘根利鈍智力等以道度脫一切

地持經第十卷 第三十品

衆生令脫衆苦

差別者知善不善業得愛不受果是名處非處智力知善不善業得愛不受果不作不受乃至禪解脫等此業非彼業是名自業智力知禪解脫等三種示現教授乃至知淨等俱生相應心是名禪解脫三昧正受智力知軟中上根是名諸根利鈍智力乃至知諸根方便生彼怖望亦名諸根利鈍智力知種種怖望是名種種解脫智解有六種一者不出解謂怖望摩醯首羅那羅延梵世等解二者出解謂怖望三乘解三者遠淨解謂怖望軟中成熟解四者近淨解謂怖望上成熟解五者現法得涅槃解謂怖望聲聞乘得涅槃解六者將來得涅槃解謂怖望大乘得涅槃解乃至知解所起作種子喻亦名種種解智力界分別有四種如性種子是名種種解智力知種種分別種子是名種種界智力乃至知涅槃法及順界道迹亦名種種界智力知一切種道迹種種煩惱種種清淨是名至處道智力乃

地持經第十卷 第三十品

至知宿命一切趣因亦名至處道智
力知過去六種言說是名宿命智力
乃至知過去衆生生死亦名宿命智
力知未來生死是名生死智力乃至
知未究竟自義衆生未來生死亦名
生死智力知究竟自義現法得涅槃
是名漏盡智力如是十種智力各各
差別四无畏如修多羅說如來以此
四事於大衆中自證而無所畏智障
解脫一切法平等覺不共聲聞是第
一无畏煩惱障解脫共聲聞是第二
无畏說出苦道是第三无畏障道法
是第四无畏如來於是四義自如實知
若有誹謗言不知者無有是處元是
處故得無所畏无法弱不疑惑決定
自知堪為大師自安彼前二處滿
是自安道後二處滿是安彼道一切
法平等覺為向六乘諸菩薩故煩惱
障解脫為向聲聞緣覺乘故出苦道
及障道法二俱為故如來為諸菩薩
聲聞緣覺行出苦道說修多羅結集
經藏者以說菩薩行立菩薩藏說聲
聞緣覺行立聲聞藏

地持經第十卷 第三十五

七

三念處如修多羅說如來長夜作如
是念我善法律為大法主於受不受
不起惱心略說三種衆一者正趣二
者邪趣三者非正非邪於此三衆以
正念心而元增感

三不護如修多羅說略說一切所作
覆藏悉斷是故如來顯示三不護阿
羅漢猶有無記突吉羅或時忘誤唯
有如來一切悉無一切真寶阿羅漢
或時論議畏墮負處或時不悅或時
慧性是故自證不令習氣起不淨身
口意業如是一切如來悉無

大悲如前供養習近无量品說

不忘法者謂如來所作事常隨憶
念一切作一切說一切巧方便一切
時於此諸事常念不忘

斷除諸習者謂如來動止視瞻言說
行住離煩惱所起相似餘習諸阿羅
漢動止視瞻言說行住有煩惱所起
相似餘習如來永斷是故名為斷除
諸習

一切種妙智者如來知三種法義饒
益非義饒益非義非非義饒益知非

地持經第十一卷 第三十六

七

義饒益非義非非義饒益一切法智
是名一切種智知義饒益一切法智
是名妙智一切種智及妙智總說名
一切種妙智是名略說百四十不共
法一切相好菩薩寂後身得快淨菩
提分法菩提樹下乃得滿足菩薩寂
後身修三十七菩提分法得衆相離
障三昧金剛三昧所攝次第二心頓
得十力乃至一切種妙智快淨无上
一切所知無尋无障快淨離垢平等
開覺過一切菩薩行行如來行得無
上身究竟地菩薩智如來智有何差
別究竟地菩薩智如羅轂中視如來
智如去羅轂菩薩智如遠見色如來
智如近見色菩薩智如微睥視如來
智如淨眼見菩薩智如慶胎視如來
智如出生見菩薩智如夢中視如來
智如覺時見是為如來究竟地菩薩
智慧差別諸佛如來於十方世界施
作佛事利益衆生略說有九種云何
為九一者欲令衆生信心清淨故受
丈夫身起諸相好二者為欲利益一
切衆生斷一切疑故起如來十力三

地持經第十一卷 第三十七

八

者以佛十力起一切義開發如來一切知見答一切問伏諸邪論建立正論故起如來四無所畏四者如來智慧若住不住隨彼調伏難諸煩惱故起三念處五者如前說如是作故起三不護六者常以佛眼晝夜觀察一切世間故起大悲心七者於一切眾生一切所作已作故起不忘法八者如來所行隨順於如來無有餘故起斷除諸習九者非義競益非義非非義競益法一切遠離義競益法分別顯示故起一切種妙智如來於此百四十不共法作九種佛事廣說則有元量是名如來住是名建立何以故依菩薩學所學建立一切利來生事是故名為建立自利利他非如聲聞緣覺故名不共一切佛法大悲不忘斷除諸習一切種妙智聲聞緣覺所不能得餘一切種亦不滿足故名不共於此顯示滿足菩薩學道及學道果一切菩薩學道及學道果一切種真實說處是故名為菩薩地名為菩薩藏摩得勒伽名摩訶衍攝名不壞顯

地持經第十卷 第三十行

示名無弊尋清淨智根本

若有天人阿修羅人非人沙門婆羅門於菩薩地起堅固信解聽受修習廣為人說書寫經卷種種供養所得功德與世尊於菩薩藏為初業菩薩開發顯示教授宣說所有功德等無有異何以故此菩薩地菩薩藏顯示菩薩法律令多眾生受持思惟建立法次法向漸轉增廣不起像法法滅盡相能令像法實義熾然能令正法永不滅盡是故於菩薩地起堅固信解聽受修習廣為人說書寫供養所得功德無量無邊

菩薩地持經卷第十

王寅歲高麗國大藏部監奉

新雕造

地持經第十卷 第三十行